

# Yabekbi Pi Awit Dakon Gen

## But piso gen

Yabekbi Papia on Gen Bin Tagisi Luk da mandagit unun sanbejek yosok. Luk dagin on papia kisi mandagit. On papiagwan yan konej: Telagi Wup da yabekbi do kosit yopman yomiñakwan Yesu dakon Gen Bin Tagisi “Jerusalem ae Judia ae Samaria yawit, ae yanakwa miktimi miktimi kigit” (1.8 do koki).

Papia Yabekbi da Yesu dakon panmuwukbi Juda amin kabikon da wasanejek don madep tanejek miktimi miktimi kigit do yosok. Ae Luk da yo kinda nolisak unun yan: Kristo dakon pi gat, ae miñat aminyo Yesu yolgwit dakon egip egip do kalip Piñkop da Israel amin do yan teban tok agit unun bami toñ awit.

Yo madep kinda Yabekbi Papia da yosok unun yan: Unun Telagi Wup dakon pi do yosok, unun Piñkop dakon Wupni. Mibiltok Telagi Wup Pentikos bisapmon pañdet kabikon pigit. Añek don nandak nandakni panthagap añek tapmim yomgut unun do yosok. Tapmim yomiñakwan wasok tapmimi toñ anakwa amin da geni do nandaba bami agit, ae Yesu do nandan gadawit.

On papiakon pañdet kabi da miñat aminyokon Yesu dakon Gen Bin Tagisi yawit bisapmon gen dubagisi yawit. Anakwa miñat aminyo morapmi da Gen Bin Tagisi unun yolakwa panmuwukbi si teban tagit.

Papia on da yabekbi morapmi da pi awit unun do yosok. Mani Pita gat Pol gat da pi agimal unun do morapmi yosok. Pita unun Yesu dakon pañdetni kinda. Mani Pol kalip Yesu dima yolgit. Pol mibiltok Kristo dakon panmuwukbi pabiñ yop do pi tebaisi agit. Mani don Yesu da Pol yan iban but tobil añek pi amini bamisi kinda dagagit. Añek Amin Iñwakñwari Kabikon Piñkop gen yoyigit.

On papiagwan Luk da Pol da yo morap agit do yanek “nin da agiman” yan yosok. Nandak nandak amin morapmi da yan nandan: Luk iyi Pol gat bisap di agipgumal do “nin da agiman” yan unun do yosok.

---

## Yabekbi kabi da Jerusalem kokup papmon Yesu dakon gen yoyiñ tentenawit

*(Kilapmi 1.1–8.3)*

### Yesu da Telagi Wup yipban pisak do yan teban tok agit

**1** <sup>1-2</sup> <sup>a</sup> <sup>b</sup>Tiopilas, nak kalip papia kinda mandagim. Unun papiakon Yesu wasanejek pi agit ae Piñkop dakon gen yoyiñ

dekgiron da kwen wigigit unun dakon mibili mandagim. Yesu yabekbi kabini manjigit unun altaŋ yomiŋek Telagi Wup da tapmim imiŋakwan pi ani do yoyiŋ mudanŋakwan Piŋkop da abidanŋ aŋaŋ Kwen Kokup wigigit. <sup>3</sup> <sup>c</sup>Mibiltok tepmi madep paŋek kimakgit da buŋon egip egip aeni abidanŋek unun amin kabinikon altaŋ yomgut. Altaŋ yomiŋek asi kalugi egisak yaŋ nandani do yo morapmi agit. Gildat 40 unun gat egek Piŋkop da Amin Kila Asak unun dakon mibili yoyigit. <sup>4</sup> <sup>d</sup>Bisap kinda unun gat egek yaŋsi ani do yoyigit, “Ji Jerusalem kokup pap dima yipmanŋ detni. Datno da yo dam do yaŋ teban tagit unun abidok do jomjom ani. Nak kalip yo unun do kili dayigim. <sup>5</sup> <sup>e</sup>Jon da amin pakbi soŋ yomgut, mani gildat kabisok kinda egek Piŋkop da Telagi Wup soŋ damdisak.”

<sup>6</sup> <sup>f</sup>Unun bisapmon yabekbi kabini gat muwugek Yesu yaŋ iyiwit, “Amin Tagi, gak abisok Israel amin nin paŋpulugaŋbi aenin miktimmnin kila aŋek egipneŋ bo dima?”

<sup>7</sup> <sup>g</sup>Yaŋba yaŋ yoyigit, “Dat da yo morap ak do bisap manjigit unun ji dakon yo dima. Dat da yo morap unun iyi kila asak. <sup>8</sup> <sup>h</sup>Mani Telagi Wup jikon piŋban tapmim pakdaŋ. Tapmim paŋek nak dakon gen Jerusalem kokup papmon yaŋ teŋteŋoni. Ae unudon da Judia kokup morap kisi, ae Samaria miktim kisi, ae miktimi miktimi kisi yaŋ teŋteŋoni.”

**Yesu Kwen Kokup wigigit**  
(Mk 16.19-20; Lk 24.50-53)

<sup>9</sup> Yesu da gen unun yaŋ mudanŋakwan, kaŋakwa kwen wigigit. Wigakwan gikwem da wamanŋakwan aeni dima kawit. <sup>10</sup> Kwen tebai siŋtaŋakwa unudon gin amin bamori imalni kwakwagi unun da altaŋbal yabekbi kabi gat akgwit. <sup>11</sup> <sup>i</sup>Altaŋek yaŋ yoyigimal, “Galili amin ji nidosi kwen siŋtaŋek akaŋ? Yesu unun abisok Piŋkop da abidanban ji depmanŋ dek Kwen Kokup wigik. Abisok kaŋakwa wigik yaŋ gin apjak bisapmon yaŋ da tilagon apdisak.”

**Judas dakon kulabikni manjiwit**

<sup>12</sup> <sup>j</sup>Yaŋ yoyiŋbal ileŋ Olip yipmanŋek tobil Jerusalem kokup papmon kiwit. Ileŋ Olip unun Jerusalem da kapmatjok tosok. <sup>13</sup> <sup>k</sup>Kiŋ altaŋek yut kwen nani si egipgwiron wigiwit. Amin egipgwit unun mani yaŋ: Pita, Jon, Jems, Andru, Pilip, Tomas, Batolomiu, Matyu, Jems Alpius dakon monji, Saimon Selot da kabikon nani, ae Judas Jems dakon monji. <sup>14</sup> Unun

<sup>c</sup> 1.3 Lk 24.36-49; Ya 10.41    <sup>d</sup> 1.4 Lk 24.49; Jn 14.16-17; Ya 2.33    <sup>e</sup> 1.5 Mt 3.11  
<sup>f</sup> 1.6 Lk 24.21    <sup>g</sup> 1.7 Mk 13.32    <sup>h</sup> 1.8 Mt 28.19; Lk 24.48    <sup>i</sup> 1.11 Mt 26.64; Lk 21.27  
<sup>j</sup> 1.12 Lk 24.50-53    <sup>k</sup> 1.13 Mt 10.2-4

amin kabi gat ae miŋat diwari gat ae Yesu dakon meŋi gat ae padik padikni gat kisi but kalonon da muwugek bisit pi sanbek sanbek awit.

<sup>15</sup>Uŋun bisapmon amin 120 yaŋ da Yesu nandaŋ gadaŋ imgwit. Pita uŋun kabikon da pidaŋ agek yaŋ yagit, <sup>16</sup><sup>l</sup> “Not kabi, kalipsigwan Telagi Wup da Dewit antagap aban Piŋkop da papiakon Judas do gen kinda mandagit uŋun gen bami toŋ agit. Judas uŋun Yesu aŋnoman aŋyoban obip amin da abidawit. <sup>17</sup>Judas kalip nin da kabikon ekwan pi kalonŋ agimaŋ.”

<sup>18</sup><sup>m</sup>Judas uŋun yo yokwi agit dakon tomni timigeŋ miktim tim kinda yumaŋ nagit. Uŋun miktimon Judas da maŋ sulugakwan kok wamiyo kisisi miktimon maŋ mudawit. <sup>19</sup>Amin morap Jerusalem egipgwit uŋun dakon gen nandaŋek uŋun miktim tim mani Yawi Miktim yaŋ yawit. Iyi da genon da Akeldama yaŋ yawit.

<sup>20</sup><sup>n</sup>Pita da sanbeŋek gen yaŋ yagit, “Kap Papia madepmon gen kinda yaŋ mandabi:

‘Yut kokupyonikon amin di dima egipdo, isal tosak dosi nandisat.’ Ae uŋun papiakon gen kinda yaŋ mandabi:

‘Kila amin pi agit uŋun amin kinda da kulabisak dosi nandisat.’ <sup>21-22</sup><sup>o</sup>Gen yaŋ tosak do amin kinda kulabigi aŋnoman aneŋ. Jon Telagi Pakbi Sogok Aminon da wasaŋek Yesu nipmaŋ wigigit, ae amin morap nin gat sanbek sanbek egapno Amin Tagi Yesu kiŋ ap agit, uŋun amin kinda naŋ kulabik aneŋ. Uŋun amin dasi nin gat pi aŋek Yesu kimoron da pidagit uŋun do yaŋ teŋteŋok aneŋ.”

<sup>23</sup>Pita da yaŋ yaŋban amin bamori do yaŋ yomgwit, kinda mani Josep uŋun Basabas yaŋ iyiwit, ae mani kinda Jastus. Ae amin kinda uŋun mani Matias. <sup>24-25</sup>Amin bamot uŋun manjŋek bisit yaŋ awit, “Amin Tagi, gak amin morap dakon but kisi pindak mudosol. Uŋun bamoron da namin dasi Judas dakon tamo abidaŋek yabekbi pi asak uŋun amin noliki. Bupmisi, Judas uŋun tamoni yipmaŋek kimak tamo iyi do yaŋ mudaŋbikon kigit.” <sup>26</sup>Bisit yaŋ aŋek namin da noman tosak yaŋ do wasok kinda awit. Tip wasok aba Matias da noman tagit. Noman taŋek yabekbi 11 kabikon sanbegit.

### Telagi Wup pigit

**2** <sup>1</sup>Pentikos Bisap Madepmon Yesu nandaŋ gadaŋ imgwit amin kabi yut kindakon gin muwugek egipgwit. <sup>2</sup>Uŋudon gin nandaŋakwa wuwik madep kinda mirim madep aŋ uŋun da tilagon Kwen Kokup da pigit. Piŋ uŋun yut yikgwiron tugagit. <sup>3</sup><sup>q</sup>Aŋakwan yaŋ pindakgwit: mileŋ asip amin mel yombem da noman taŋ waseŋ ki amin kalon kalon da kwenon yikgwit.

<sup>l</sup> 1.16 Kap 41.9   <sup>m</sup> 1.18 Mt 27.3-8   <sup>n</sup> 1.20 Kap 69.25; 109.8   <sup>o</sup> 1.21-22 Mk 1.9; 16.19; Jn 15.27   <sup>p</sup> 2.1 MS 23.15-21; GT 16.9-11   <sup>q</sup> 2.3 Mt 3.11

<sup>4</sup>ʻAnej Telagi Wup da amin kisi morap burikon pigi tugagit. Anej Wup da paŋpulugaŋban wasaŋek gen mibili mibili yawit.

<sup>5</sup>Uŋun bisapmon Juda amin di Jerusalem kokup papmon egipgwit. Uŋun amin miŋtim morap taŋ aŋaŋ kwaŋ uŋudon da apgwit. Uŋun amin Piŋkop gawak imiŋek egipgwit. <sup>6</sup>Wuwik uŋun nandaŋek uŋun miŋat amin kabi madepsi da muwugek amin kalon kalon mirak paŋ nandaba Yesu nandaŋ gadaŋ imgwit amin kabi da iyi da genonsi da gen yawit. Yaŋba nandaŋek nandaba ŋwakiŋwarisi <sup>7</sup>aban yaŋ yawit, “On amin kabi gen yoŋ uŋun kisi morap Galili amin gin, ma? <sup>8</sup>Kosit niaŋon da nin dakon gen kalon kalon yoŋ? <sup>9</sup>Nin miŋtimmin Patia, Midia, Elam, Mesopotemia, Judia, Kapadosia, Pontus, Esia, <sup>10</sup>Prigia, Pampilia, Isip, ae Libia miŋtim Sairini kokup pap da kapmatjok tosogon amin. Nin Rom amin diwari apgumaŋ da idon ekwamaŋ <sup>11</sup>(Juda amin ae amin diwari Juda amin kabikon saŋbeŋbi kisi). Diwari nin Krit amin, ae diwari Arebia amin. Nin kisi morap da nandaŋapno uŋun amin kabi da nin da genon da Piŋkop dakon wasokni masi masimi uŋun do yaŋba nandamaŋ.” <sup>12</sup>Amin wuripdak pasalek notni yoyiŋ yoyiŋ aŋek yaŋ yawit, “Yo on altaŋban komaŋ uŋun dakon mibili niaŋ?”

<sup>13</sup>Yaŋ yaŋakwa amin diwari da jigilak gen yaŋek yaŋ yawit, “On amin kabi wain kalugi morapmi naŋ da but upbal aŋ.”

### Pita da Piŋkop dakon gen yaŋit

<sup>14</sup>Yaŋba nandaŋek Pita notni <sup>11</sup>kabi gat kisi pidaŋ agek gen papmon da amin yaŋ yoyigit, “Juda amin not kabi, ae ji Jerusalem kokup papmon ekwaŋ amin morap, mirak pakyaŋsi yopmaŋakwa yo on altosok uŋun dakon mibili dayiko nandani.

<sup>15</sup>“Ji on amin kabi but upbal aŋ yaŋ nandaŋ, ma? Dimasi! Bisap apmeŋon wisa dagokdo <sup>9</sup>kilok gin asak. Pakbi teban noknok bisap uŋun pilindo. <sup>16</sup>Abisok yo on altosok uŋun kombi amin Joel da uŋun do kalipsigwan yaŋ yaŋit:

<sup>17</sup> <sup>s</sup> ‘Piŋkop da yaŋ yosok, Mibi gildat kwaŋ taŋakwan Wupno amin morap kisi do tagal yobeŋ.

Aŋapbo monji gwayosi da kombi gen yokdaŋ.

Ae monji bilaŋi da dipmin yombem pindatdaŋ.

Ae amin pelaŋ da dipmin pindatdaŋ.

<sup>18</sup> Uŋun bisapmon oman amin kabino miŋat ae wili kisi do Wupno tagal yobo uŋun da kombi gen yokdaŋ.

<sup>19</sup> Aŋakwa kwen binap yo masi masimi uŋun doliko pindatni.

Ae miŋtimon wasok tapmimi toŋ ako bisap madep uŋun dakon tilak yaŋ pindatni.

Yawi ae kindap ae mukwa madep altokdaŋ.

20 Uŋun bisapmon gildat dabil pilin tuk aŋakwan kanek yawi dom akdisak.

Yaŋ aŋakwan Amin Tagi apjak dakon bisap madep don altosak.

Uŋun bisap madepmon Amin Tagi dakon tapmim madepni ae tilim madepni uŋun altokdisak.

21 Uŋun bisapmon miŋat amin morap Amin Tagi da paŋpulugosak do bisit iyaŋ uŋun amin kabi iyi do paŋkutnosak.’ ”

22 Pita saŋbenek yaŋ yagit, “Israel amin kabi, ji mirak yopmaŋek Yesu Nasaret amin do yoko nandabit. Uŋun amin Piŋkopmon da apgut yaŋ nandani do Piŋkop da tapmim imiŋakwan wasok tapmimi toŋ, ae yo masi masimi ae tilak mibili mibili agit. Yo morap agit uŋun disi kawit.

23 Piŋkop da yaŋ abeŋ yaŋ kili nandagit, do amin uŋun ji da kisiron yipgut. Yipban ji da amin yokwi da kisiron yipba uŋun da abidaŋek tilak kindapmon aŋakba kimakgit. 24 Kimot dakon jigi da amin uŋun bisap pisipmisok wagil aripmi dima abiŋ yipmi, do Piŋkop da kimoron naŋ aban pidagit. 25 ‘Kalip Dewit da Yesu tepmi pasak do yaŋ yagit:

‘Nak Amin Tagi koko nak gat saŋbek saŋbek egisak.

Uŋun nak da kapmatjok egek tapmim namiŋakwan yo kinda da aripmi dima aŋkwakwalitjak.

26 Yaŋ asak, do butno da tagisi aŋakwan kisik kisik gen yosot.

Ae giptimno Piŋkop da aŋpulugosak do jomjom asat.

27 Gak nipbi kimakbi tamokon dima tokenŋ.

Telagi amingo dakon giptim aŋkutnaŋaki dima miktosak.

28 Gak egip egip dakon kosit kili noliŋbi kagim.

Nak gak gat egek kisik kisikgo da butnokon piŋi tugosak.’

29 “Not kabi, babiknin Dewit uŋun dakon mibili do asisi dayiŋ teŋteŋoko. Dewit uŋun kimakban kilisi wayikgwit. Bumjotni dakon tamo abisok on kokupmon komaŋ. 30 “Mani Dewit uŋun kombi amin kinda egipgut. Piŋkop da yaŋ teban tok gen kinda yaŋ iyigit: ‘Gak dakon babigo kinda da gak da tamokon kila amin madep egipjak.’ 31 “Yo don altoni uŋun pindagek Kristo kimoron da pidosak do kili yagit. Giptimi kimakbi tamokon dima tosak ae dima miktosak yaŋ Dewit da kili yagit.

32 Yesu uŋun Piŋkop da kimoron naŋ aban pidagit. Nin si kagimaŋ do uŋun dakon yaŋ teŋteŋok amaŋ. 33 “Piŋkop da man madep iŋgut da iyi da aminsi tet do yikdak. Dat da Telagi Wup Monji do ibeŋ yaŋ kili yaŋ teban tagit. Do Monji do iban uŋun da tagalban yo abisok noman tosok uŋun ji kaŋ nandanyo aŋ. 34 “Dewit iyi Kwen Kokup dima wigigit mani yaŋ yagit:

† 2.25-28 Kap 16.8-11    † 2.29 1KA 2.10    † 2.30 2Sa 7.12; Kap 89.3-4; 132.11

‡ 2.31 Kap 16.10    ‡ 2.33 Ya 5.32; 7.55-56    ‡ 2.34-35 Kap 110.1

'Amin Tagi da nak dakon Amin Tagino yan yiyisak,  
Gak nak da aminsi tet do yigaki

<sup>35</sup> uwalgo dakon tapmim pabij yopbo gak dakon piŋbisi egipni.'

<sup>36z</sup>Yanjo, Israel amin kabi ji yanji nandani, Yesu unun ji da tilak kindapmon anjakgwit, mani Piŋkop da unun amin yipban Amin Tagi ae Kristo egisak."

#### **Amin morapmi da but tobil anek telagi pakbi sowit**

<sup>37</sup>Pita da gen unun yanban nandaba buri suganba amin da Pita gat yabekbi kabi diwari gat yan yoyiwit, "Not kabi, nin abisok nianji ano kilek tosak?"

<sup>38</sup>Yanba Pita da yan yoyigit, "Ji kalon kalon but tobil anek Yesu Kristo da manon telagi pakbi sonakwa Piŋkop da yokwisi wiriritjak. Yan anakwa Piŋkop da but galak do Telagi Wup damjak. <sup>39a</sup>Piŋkop da Telagi Wupni dam do kili yan teban tok agit. Ji ae minat monjiyosi ae amin dubagikon ekwan, ae amin kisi morap Piŋkop da yan yomisak unun Telagi Wupni damjak."

<sup>40</sup>Pita da gen morapmi sanbenek nawa gen tebaisi yan yoyigit, "Ji kan kimotni. Yokwi pakpak kabikon da tobil apba Piŋkop da ji timitjak."

<sup>41 b</sup>Unun gildaron gin amin 3 tausen Pita dakon gen nandaba bami agit. Yan anek telagi pakbi sonjek Yesu da panmuwukbi kabikon sanbewit.

#### **Amin but kalon anek egipgwit**

<sup>42c</sup>Panmuwukbi kabi da yabekbi dakon gen nandak do galagi madepsi nandawit. Ae but da notni banjal banjal anek, jap anwa nok do ae bisit ak do sanbek sanbek muwukgwit. <sup>43</sup>Yan anakwa Piŋkop da panpuluganban yabekbi kabi da wasok tapmimi ton morapmi aba amin da pindagek pasal kimakgwit. <sup>44d</sup>Yesu nandan gadan imgwit amin kabi but kalon anek yo kabini kaloni di banjin pan egipgwit. <sup>45</sup>Yo kabini gat miktimni gat yopba amin da yuman nanba monej unun ban bupmi amin panpulugawit. <sup>46</sup>Gildari gildari Telagi Yut Madepmon muwukgwit. Ae notni da yutnon muwuk muwuk anek but galagon da not panpulugok dakon kisik kisik anek jap nawit. <sup>47e</sup>Anek Piŋkop anjisinjek egipgwit ae amin kisi morap da unun amin do nandaba tagisi agit. Gildari gildari amin diwari but tobil aba Amin Tagi da yokwikon ban timikban panmuwukbi kabikon sanbenba kabi madepsi agit.

#### **Pita da kandap yokwi kinda anmilip agit**

**3** <sup>1</sup>Bisap kindakon gildat tobil do anakwan Pita gat Jon gat bisit agak bisapmon Telagi Yut Madepmon kik do kigimal. <sup>2</sup>Kin pindakbal amin kabi kinda da kandap yokwi kinda waman anapgwit. Unun amin meni da yan anjalagit. Gildari gildari amin unun anabij Telagi Yut

<sup>z</sup> 2.36 Ya 5.30-31    <sup>a</sup> 2.39 Ais 57.19    <sup>b</sup> 2.41 Ya 2.47; 4.4    <sup>c</sup> 2.42 Ya 20.7

<sup>d</sup> 2.44 Ya 4.32-35    <sup>e</sup> 2.47 Ya 6.7; 11.21

Madep dakon yoma kaga kinda mani Kildani Tagisi unjodon yipman yipman awit. Amin Telagi Yut Madep da nagalgwan pigakwa unjun amin da monej imni do bisit yoyigit. <sup>3</sup>Pita gat Jon gat nagalgwan pigik do anjakwal monej injil do bisit yoyigit. <sup>4</sup>Pita gat Jon gat da amin unjun tebai kanek Pita da yan iyigit, “Gak nit ninda!” <sup>5</sup>Yan iyinban yo di namdamal yan nandanjek tebai pindakgit.

<sup>6</sup>Yan pindagakwan Pita da iyigit, “Nak monejno mini. Mani yo tan naman unjun tagi gabej. Yesu Kristo Nasaret kokupmon nani unjun da tapmim namgut do gayiko pidanj kosit agip!”

<sup>7</sup>Yan iyinjek kisiri aminsi tet do abidanjek anpuluganban pidagit. Pidanjek unjodon gin kandapni ae banjiyo kisi teban tawit. <sup>8</sup>Kandapmi teban tanba wigi man agek wasanjek pilik bamok agit. Yan anek Pinjkop anjksinjek wigi mok mok anek amin bamot gat Telagi Yut Madep da nagalon pigiwit. <sup>9</sup>Pigakwa amin morap da kanba pilik bamok anek Pinjkop anjksinban <sup>10</sup>kanjek nandaba njwakjwarisi aban yan nandawit, “Mao! On amin yoma kaga mani Kildani Tagisi unjodon yigek amin da monej imni do bisit asak amin oni. Unjun da kilek tak!”

### Pita da Telagi Yut Madepmon gen yagit

<sup>11</sup>Yan nandanjek amin morap timtim yanek abinj kanba amin unjun Pita Jonyo timikban akba pindakgwit. Tamo unjun akgwit dakon mani unjun Solomon dakon Yik Nandat Tamo. <sup>12</sup>Apba pindagek Pita da yan yoyigit, “Israel amin kabi, ji mibili nido tamtam yanek nit tebai nandan? Nit da kilegi do bo nit da tapmimon da on amin wasok ando kilek tak yan nandan? Unjun dimasi! <sup>13</sup>Babiknin Abraham, Aisak ae Jekop unjun dakon Pinjkop da oman amini Yesu man wukwisi imgut. Unjun amin si anjakba kimotjak do ji da uwal da kisiron yipgwit. Pailat da pulugan yipban kisak do nandagit, mani ji da manji iminjek si kimotjak do yawit. <sup>14</sup>Unjun Amin Telagisi ae Kilegisi egipgut, mani ji da manji imgwit. Manji iminjek amin dapdap amin kinda jikon yipban opjak do Pailat iyiwit. <sup>15</sup>Egip egipmon niyin panpan kigik amin unjun ji da anjakba kimakgit. Mani Pinjkop da kimoron nan aban pidagit. Pidanban kagimak do nit unjun do yan tenjenok amak. <sup>16</sup>Nit Yesu nandan gadanj imamak, do unjun da wasok aban on amin kan nandanjo an unjun abisok kilek tak. Yesu da iyi nandan gadatnit panjeban anjakwan unjun nandan gadat da on amin wagilsa anmilip aban kilek tak da akban koj.

<sup>17</sup>“Asi, not kabi ji gat ae kila amin kabisi gat dima nandan pisanjek Yesu anjakgwit. <sup>18</sup>Mani kalip Pinjkop da kombi amin kisi da gen kagakon da Kristo tepmi pasak do yagit. Do ji da Yesu anjakba gen unjun bami ton agit. <sup>19</sup>Yando, ji but tobil anek Pinjkopmon gadanja yokwisi mudoni.

f 3.4 Ya 14.9 g 3.6 Ya 4.10; 16.18 h 3.13 TP 3.6,15; Lk 23.13-25; Ya 2.23

i 3.17 Lk 23.34; 1Ti 1.13 j 3.19 Ya 2.38

<sup>20</sup>Yaŋ aba Amin Tagi da tapmimni kalugi ji do damjak. Aŋek Kristo ji paŋpulgok do aŋek manjikbi uŋun damjak. Uŋun mani Yesu. <sup>21</sup>Yesu uŋun Kwen Kokup egek Piŋkop da yo morap paŋkaluk asak uŋun do jomjom asak. Yo morap paŋkaluk aberŋ yaŋ Piŋkop da uŋun do kili yaŋ teban tagit. Paŋtagap aban telagi kombi amin kabini da uŋun do kili yawit. <sup>22</sup><sup>k</sup>Kalip Moses da yaŋ yagit:

‘Amin Tagisi Piŋkop da don ji kabikon amin kinda aŋnoman aban kombi amin nak yombem egipjak.

Uŋun amin da gen morap dayisak uŋun pakyarŋsi nandani.

<sup>23</sup>Geni dima nandani amin uŋun Piŋkop da kisisi paŋupbal aban iyi dakon amin kabi gat ae dima egipni.’

<sup>24</sup>“Kombi amin Samuel gat ae uŋun da buŋon kombi amin morap noman tawit uŋun kisi da abisok yo noman toŋ uŋun do yaŋ teŋteŋok awit. <sup>25</sup><sup>l</sup>Ji kombi amin dakon babi kabini ekwaŋ. Piŋkop da babikji gat saŋbek saŋbek agit do yo morap yom do yagit uŋun ji da timitni. Piŋkop da Abraham yaŋ iyigit:

‘Nak da gak dakon babigo yabegek amin miktimi miktimi ekwaŋ uŋun gisamikgo tagisi egipni.’

<sup>26</sup><sup>m</sup>Piŋkop da oman monjini aŋnoman aŋ mibiltok ji do yabekban apgut. Ji kisi kalon kalon aŋpakji yokwi yopmaŋek gisami toŋ egipni yaŋ do aŋek yabekgit.”

#### Pita gat Jon gat dam tebanon yopgwit

**4** <sup>1</sup>Pita gat Jon gat amin gen sigin yoyiŋakwal mukwa sogok amin gat Sadyusi amin gat ae Telagi Yut Madep dakon obip amin dakon mibiltok amin gat kisi apgwit. <sup>2</sup>Abiŋ nandaba amin bamot da Yesu kimoron da pidagit ae amin kimakbi yaŋ gin pidokdaŋ uŋun do yoyiŋ teŋteŋagimal. Yaŋ aŋakwal amin bamot do nandaba yokwi tok awit. <sup>3</sup>Aŋek amin bamot timigek gen pikon yop do nandawit, mani pilin tok do agit do aŋwa don yaŋ nandaŋek dam teban yutnon yopgwit. <sup>4</sup>“Mani amin morapmi da amin bamot dakon gen uŋun nandaŋ Yesu nandaŋ gadaŋ imiŋek paŋmuwukbi kabikon saŋbeŋba 5 tausen yaŋ da tilak agit.

#### Pita gat Jon gat gen kokwin amin kabikon yopgwit

<sup>5</sup>Wisa dagokdo Juda amin dakon kila amin madep gat kila amin gat ae gen teban yoyiŋdet amin gat kisi Jerusalem kokup papmon muwukgwit. <sup>6</sup>Mukwa sogok amin dakon mibiltok amin Anas ae dabini diwari, ae Kaiapas gat Jon ae Aleksanda gat kisi muwukgwit. <sup>7</sup>Muwugek Pita gat Jon gat yoyiŋba iŋamnikon agakwal yaŋ yoyiwit, “Jil ni tapmimon da yo uŋun agimal? Ae namin da pi uŋun anjil do yaŋ mudaŋ damgut?”

<sup>k</sup> 3.22-23 GT 18.15,18-19 <sup>l</sup> 3.25 WW 22.18 <sup>m</sup> 3.26 Ya 13.46 <sup>n</sup> 4.4 Ya 2.41



<sup>8</sup> Yaŋba Pita uŋun Telagi Wup da burikon pigi tugaŋban yaŋ yoyigit, “Juda amin dakon kila amin madep ae kila amin yaŋ nandani. <sup>9</sup> Nianŋon da kandap yokwi aŋmilip agimak uŋun dakon mibili nandak do yoŋ kaŋ <sup>10</sup> ji gat ae Israel amin kabi gat kisi dayiko nandani. Yesu Kristo Nasaret kokupmon nani uŋun da tapmimon on amin aŋmilip agimak da ji da dabilon akdak. Ji da Yesu tilak kindapmon aŋakba kimakgit mani Piŋkop da kimoron naŋ aban pidagit. <sup>11</sup> Yesu do tilak gen kinda yaŋ yaŋbi:

‘Yut agak amin ji da gwak yokwi yaŋ yaŋek maba kigit.

Uŋun gwak tip kinda naŋ tidawit da akdak.’

<sup>12</sup> Nin amin kinda da yokwikon baŋ aripmi dima timitjak. Yesu iyi da manon gin miktimi miktimi amin ekwaŋ uŋun tagi timitjak. Piŋkop da uŋun amin kalonŋin nin do aŋek yabekban pigit.”

<sup>13</sup> Yaŋ yaŋban amin madep da yaŋ nandawit: On amin bamot amin isali, papia yutnon dima yikbi, mani pasol pasoli mini gen tapmimi toŋ yomal. Yaŋ pindagek but morap nandaŋek on amin kalip Yesu gat egipgwit yaŋ nandaŋ kokwinikgwit. <sup>14</sup> Aŋek amin kilek tagit uŋun kisi akba pindagek gen di aeni yoyik do dima nandawit. <sup>15</sup> Aŋek amin bamot yoyiŋba gen kokwin tamo yipmaŋek waŋga pigigimal. Pigakwal yaŋba yok aŋek yaŋ yawit, <sup>16</sup> “Uŋun amin bamot nianŋi aŋyomneŋ? Uŋun da wasok tapmimi toŋ kinda abal Jerusalem amin kisi da nandaŋ do aripmi dima aŋwasip aneŋ. <sup>17</sup> Mani gen uŋun aminon dima kiŋ ireŋtosak do yaŋsop aŋ yomno Yesu dakon mibili do aeni dima yonjil.”

<sup>18</sup> Yaŋ yaŋek yoyiŋba yutnon wiŋbal Yesu da manon gen dima yonjil ae amin dima yoyiŋdetjil do yaŋsop tebaisi aŋ yomgwit. <sup>19</sup> Mani Pita gat Jon gat da gen yaŋ paŋtobil yomgumal, “Disi kokwinitni. Piŋkop dakon gen yipmaŋek ji dakon gen guramitdeŋ kaŋ, Piŋkop da nandaban kilek tosak bo nianŋ? <sup>20</sup> Nit gen kaganit aripmi dima sopdeŋ. Nit yo pindak nandaŋyo agimak uŋun dosi yaŋ teŋteŋok akdamak.”

<sup>21</sup> Yaŋ yaŋbal gen kokwin amin da saŋbeŋek but pasol gen diwari yoyiŋek amin do pasalek yopba kigimal. Amin da wasok agimal uŋun do Piŋkop aŋkisiwit. Do ni jigi naŋ tagi yomneŋ yaŋ kinda dima nandawit. <sup>22</sup> Amin aŋmilip agimal uŋun bilakni 40 yapbi, aripmi dima kilek togi yaŋ nandawit do Piŋkop aŋkisiwit.

### Paŋmuwukbi da bisit awit

<sup>23</sup> Pita gat Jon gat gen kokwin yutnon da piŋ dabini kabikon kigimal. Kiŋek mukwa sogok amin dakon amin madep kabi, ae kila amin gat da gen morap yoyiwit uŋun kisi yoyiŋ mudagimal. <sup>24</sup> ‘Yoyiŋ mudanbal but kalonŋon da Piŋkop bisit yaŋ iyiwit, “Amin Tagi Tapmim Ami, kundu

° 4.10 Ya 3.6,13-16    p 4.11 Kap 118.22    q 4.12 Mt 1.21    r 4.18 Ya 5.28    s 4.19 Ya 5.29  
t 4.24 TP 20.11; Ni 9.6; Kap 146.6

ae miktim ae tap ae yo morap unjungwan toj unun kisi gak da wasanj yopgul. <sup>25</sup>“Kalipsigwan nin dakon babiknin gak dakon oman amingo Dewit Telagi Wup da ahtagap aban gen yan yagit:

‘Amin kabi kabi mibili nido japmisi nandahek iyi do nandaba wukwanek isal dogin yo yokwi ak do gen yan panjeban aņ?

<sup>26</sup> Kila amin madep miktimi miktimi ekwan unun emat ak do tagap tok aņ.

Kila amin da Amin Tagi gat ae Kristoni gat pabin yop do muwukgan.’ <sup>27</sup>“Asisi Erot ae Pontias Pailat, ae Amin Ijwakjwari Kabi amin, ae Israel amin unun kisi da on kokup papmon telagi oman amingo Yesu gak da pigo asak do manjigil, unun amin abin yip do muwukgwit. <sup>28</sup>“Yan aņakwa gak tapmingo madep do kalip yo don altoni do nandabi teban tagit unun noman tawit. <sup>29</sup>“O Amin Tagi, uwalnin da yo yokwi aņnim do yoņ, do paņpuluganaki oman amin kabigo nin da pasol pasoli mini teban taneķ gengo yan teņteņoneņ. <sup>30</sup>Gak tapmingo yolinaķi sot amin kilek toni. Ae tilak tapmimi toj ae wasok masi masimi unun telagi oman amingo Yesu unun da manon aki.”

<sup>31</sup>Bisit aņwasip aņakwa yut muwukgwit unun kwakwalikgit. Yan aban Telagi Wup da amin kisi da buron piģi tugaņ yoban Piņkop dakon gen pasol pasoli mini tapmimi toņsi yawit.

#### Amin kisi not paņpulugok awit

<sup>32</sup>“Yesu nandaņ gadaņ imgwit amin unun kisisi but kaloņi ae nandak nandak kaloņi paņek egipgwit. Amin kinda da yo kabini do unun nak dakon yo yan dima yagit. Yo morapnin unun amin kisin dakon yo yan nandawit. <sup>33</sup>Aņek yabekbi kabi da Yesu da kimoron da pidagit unun do tapmimi toņsi sigin yan teņteņawit. Yan aņakwa Piņkop dakon nandaņ yawotni da bikbiknikon madepsi taņ yomgut. <sup>34-35</sup>“Bisap kaloņ kaloņ amin miktimni toj ae yutni toj unun amin do yomiņek moneņ timik paņki yabekbi kabi do yoba bupmi amin do kokwinik yomgwit, do bikbiknikon bupmi amin kinda dima egipgut.

<sup>36</sup>Unun bisapmon amin kinda egipgut unun mani Josep. Yabekbi kabi da Banabas yan iyiwit. Banabas dakon mibili unun yan: “But panjeban ak amin.” Unun Liwai amin kinda, kokupni unun Saiprus. <sup>37</sup>Josep unun miktim timni kinda amin do yomiņek moneņ timik paņki yabekbi kabi do yomgut.

#### Ananias gat Sapaira gat dakon gen

**5** <sup>1</sup>Amin kinda egipgut unun mani Ananias. Miņjatni dakon mani unun Sapaira. Ananias unun miktim timni kinda amin do yomiņek

<sup>u</sup> 4.25-26 Kap 2.1-2    <sup>v</sup> 4.27 Mt 27.1-2; Lk 23.7-11; Ya 3.13    <sup>w</sup> 4.28 Ya 2.23

<sup>x</sup> 4.29 Ep 6.19    <sup>y</sup> 4.32 Ya 2.44    <sup>z</sup> 4.34-35 Ya 2.45

monej timikgit. <sup>2</sup>“Timigek diwari iyi do yopmanjakwan miñatni uñun kañ nandaño agit. Añek kisisi pañabisat yañ top yoyiñek monej diwari gin yabekbi kabi do yomgut.

<sup>3</sup>Yañ aban Pita da yañ iyigit, “Ananias gak niañon da Sunduk do bikbik imiñek galaktokni yolal? Gak Telagi Wup do wasip yañ imiñek miktim dakon monej diwari gaga do yopmal? <sup>4</sup>Gaga dakon miktim galaktokgokon yumañ nal. Do monej timal uñun gak dakon yo. Uñun bañ ni yo ak do nandal uñun tagi abim. Niañon da nandak nandak yokwi uñun pal? Gak amin bañ wasip dima yoyisal. Gak Piñkop nañ wasip iyisal.”

<sup>5</sup>Yañban nandañek Ananias piligi mañ kimakgit. Kimakban uñun dakon gen bini nandawit amin morap uñun madepsi pasalgwit. <sup>6</sup>Añakwa monji kabi kinda da abiñ bumjotni imalnañ wamañ añki gapmagwan yipgwit.

<sup>7</sup>Bisap 3 awa egi mudañakwa miñatni yo morap uñun noman tañ uñun dima nandañek apgut. <sup>8</sup>Apban Pita da yañ iyigit, “Nayinbi nandako. Miktimjil dakon monej timamal on gin?”

Yañban iyigit, “Asi uñun gin.”

<sup>9</sup>Yañ yañban Pita da yañ iyigit, “Jil niañon da Amin Tagi dakon Wup wasip iyik do but kalon amal? Pindat, amin ego gapmagwan yipmañ amin uñun yoma kagakon akgan. Uñun amin da gakyó kisi wamañ añkikdañ.”

<sup>10</sup>Yañ yañban uñudon gin miñat uñun Pita da buron piligi mañ kimakgit. Kimakban monji kabi uñun da abiñ kañba kimakgit kañ eni yipgwiron añki yipgwit. <sup>11</sup>Yañ añañakwa pañmuwukbi morap gat ae amin diwari gen bin uñun nandawit amin kisi madepsi pasalgwit.

### Yabekbi kabi da wasok tapmimi toñ morapmi awit

<sup>12</sup>Yabekbi kabi da miñat aminyo da binapmon tilak tapmimi toñ ae wasok masi masimi morapmi awit. Yesu nandañ gadañ ingwit amin uñun Solomon dakon Yik Nandat Tamo uñudon muwuk muwuk awit.

<sup>13</sup>Añakwa amin diwari pañmuwukbi kabi do nandaba wukwisi agit. Mani uñun gat muwuk egipdo si pasalgwit. <sup>14</sup>Yañ nandañakwa miñat wiliyo morapmi da Amin Tagi nandañ gadañ imiñek pañmuwukbi kabikon sañbewit. <sup>15</sup>Sañbeñakwa yabekbi kabi da wasok tapmimi toñ morapmi aba pindakgwit, do miñat aminyo da sot amin morapmi pañapgwit. Pañabiñ tobaron ae yaliñ poron yopba kosit obakon pakgwit. Yañ nandañek awit: Pita kosit obanañ obin kijañkwan gildat pañopmon wupni da sot amin di witjiñban kilek toni yañ do yopba pakgwit.

<sup>16</sup>Kokup moniñ moniñ Jerusalem añañwasinjek tañ añañ kiwit uñun dakon

a 5.2 Ya 4.34-35    b 5.3 Jn 13.2    c 5.12 Ya 2.43; 14.3

amin morapmi da sot amin ae amin koŋ da paŋupbal abi aminyo kisi paŋapba kilek tawit.

### Aŋelo da yabekbi dam tebanon baŋ pulugagit

<sup>17</sup>Yabekbi kabi da wasok tapmimi toŋ aŋakwa amin morapmi uŋudon kiŋ gadaŋakwa mukwa sogok amin dakon mibiltok amin gat dabini gat da pindagek nandaba yokwi tok aŋ yomgwit. Uŋun amin uŋun Sadyusi da kabikon nani. <sup>18</sup>Uŋun amin kabi da kiŋ yabekbi kabi timik dam teban yutnon yopgwit. <sup>19</sup><sup>d</sup>Yopmaŋakwa uŋun kalbi Amin Tagi dakon aŋelo kinda da dam teban yut dakon yoma witdalek ilikban waŋga pigiwit. <sup>20</sup>Pigakwa aŋelo da yaŋ yoyigit, “Ji kiŋ Telagi Yut Madep da nagalon pabiŋi agek egip egip kalugi on dakon mibili kisisi amin yoyiŋ mudoni.”

<sup>21</sup>Yaŋ yoyiŋban wisa dagaŋakwan aŋelo da yoyigit uŋun da tilagon kiŋ Telagi Yut Madep da nagalon pabiŋi amin wasaŋek yoyiŋ dekgwit.

Aŋakwa mukwa sogok amin dakon mibiltok amin gat dabini gat gen kokwin tamo madepmon opgwit. Obiŋek Israel amin dakon kila amin obiŋ muwutni do yaŋ yomgwit. Obiŋ muwugek yabekbi kabi dam teban yutnon da opni do gen yipba kiŋgit. <sup>22</sup>Mani obip amin da dam teban yutnon kiŋ mini pindagek obiŋ yaŋ yoyiwit, <sup>23</sup>“Nin kiŋ dam teban yut dakon yoma kono beŋgan tebaisi abi, ae obip amin yoma domon akba pindamaŋ, mani yoma witdal wigi amin kinda dima ekwan kamaŋ.”

<sup>24</sup>Yaŋ yaŋba nandaŋek Telagi Yut Madep dakon obip amin dakon mibiltok amin gat mukwa sogok amin dakon amin madep kabi kisi but morap nandaŋek yawit, “Uŋun amin dukon keŋ?”

<sup>25</sup>Uŋun do yaŋakwa amin kinda da abiŋ yoyigit, “Nandani! Ji da amin dam teban yutnon yopgwit uŋun abeŋ da Telagi Yut Madep da nagalon agek amin yoyiŋ dekaŋ.” <sup>26</sup>Yaŋ yoyiŋban Telagi Yut Madep dakon obip amin dakon mibiltok amin gat obip amin kabini gat da kiŋ yabekbi kabi timik paŋopgwit. Mani miŋat aminyo da tipbaŋ nindapni yaŋ do pasalek yo jigi di dima aŋ yomiŋek tayaŋgok paŋopgwit.

### Yabekbi kabi da gen kokwin amin do dima pasalgwit

<sup>27</sup>Obip amin da yabekbi kabi paŋobiŋ gen kokwin amin da iŋamon yopba akgwit. Agakwa mukwa sogok amin dakon mibiltok amin uŋun da mibili yoyiŋ nandak do yaŋ yoyigit, <sup>28</sup><sup>e</sup> “Ji uŋun amin dakon mibili amin dima yoyiŋdetni do yaŋsop tebaisi yaŋ damgumaŋ. Mani ji sigin yoyiŋ degakwa Jerusalem kokup pap amin kisi da ji dakon gen nandayin. Ae ji da nin do top kinda yaŋ yoŋ. Kila amin nin da Yesu aŋatno kimakgit, top yaŋ yaŋ nimaŋ.”

<sup>d</sup> 5.19 Ya 12.7-10    <sup>e</sup> 5.28 Mt 27.25

<sup>29</sup>fYaŋ yaŋban Pita gat notni kabi gat da yaŋ iyiwit, “Nin Piŋkop dakon gen uŋun naŋsi guramitno tagi asak. Amin dakon gen dima guramitneŋ. <sup>30</sup>Ji da Yesu tilak kindapmon aŋakba kimakgit. Mani babiknin dakon Piŋkop da kimoron naŋ aban pidagit. <sup>31</sup>gAban pidaŋban awigi iyi da aminsi tet do yipgut da nin dakon kosit niyiŋ nolik amin, ae yokwikon baŋ timit timit aminin yikdak. Do Israel amin but tobil aŋapno yokwinin tagi wiririk nimjak. <sup>32</sup>Piŋkop da yo morap agit uŋun nin da pindakgimaŋ. Nin uŋun do yaŋ tenŋeŋok amaŋ. Ae Telagi Wup uŋun kisi uŋun do yaŋ tenŋeŋok asak. Piŋkop da amin morap iyi dakon gen guramikgaŋ amin uŋun Telagi Wup yomisak.”

**Parisi amin kinda da notni kabi nandak nandak tagi yomgut**

<sup>33</sup>Yaŋ yaŋba nandaŋek gen kokwin amin da japmisi nandaŋek yabekbi kabi dapba kimotni do nandawit. <sup>34</sup>Mani Parisi amin kinda mani Gamaliel uŋun da gen kokwin amin kabikon pidaŋ akgit. Agek yabekbi kabi da waŋga piŋi bisap pisipmisok atni do obip amin yoyiŋban timikba piŋiwit. (Gamaliel uŋun gen teban yoyiŋdet amin kinda egipgut. Amin kisi da uŋun do nandaba wukwan imgwit.) <sup>35</sup>Pigakwa Gamaliel da notni kabi yaŋ yoyiŋgit, “Israel amin kabi, ji uŋun kabi do yo kinda aŋ yom do kaŋ, pakyansi nandaŋ kimagek ani. <sup>36</sup>hBilak abikisigwan amin kinda mani Tiudas uŋun da noman taŋ egek iyi do nandaban wukwan amin 400 yaŋ da tilak yolgwit. Mani amin da aŋakba kimagakwan uŋun yolgwit amin tayaŋigi kiŋakwa pini bami dima agit. <sup>37</sup>Ae uŋun da buŋon Galili amin kinda mani Judas uŋun da noman tagit. Noman taŋ gapman da man manjiwit bisapmon Judas da amin kabi kinda timikban gapman gat emat wamgwit. Uŋun kisi aŋakba kimagakwan uŋun yolgwit amin tayaŋigi kiwit. <sup>38</sup>Uŋun do nak yaŋsi dayisat, ji uŋun amin kabi do yo yokwi kinda dima aŋ yomni. Isal yopba kini. Amin da nandak nandagon yo uŋun aŋ kaŋ, bami dima asak. <sup>39</sup>Mani Piŋkop da nandak nandak yoban aŋ kaŋ, ji da aripmi dima pabiŋ yopni. Yaŋ ani kaŋ, ji Piŋkop gat emat wamni.”

<sup>40</sup>iYaŋ yaŋban bami yosok yaŋ nandaŋek yabekbi kabi yoyiŋba wiŋba baljawit. Baljaŋek buŋon ae Yesu da manon gen dima yoni do yaŋsop aŋ yomiŋek yopba kiwit. <sup>41</sup>jYesu dakon man do tepmi paŋek mayaktok tagi pamaŋ yaŋ nandawit. Yaŋ nandaŋek gen kokwin amin kabi yopmaŋ degek kisik kisik madepsi nandaŋek kiwit. <sup>42</sup>Gildari gildari Telagi Yut Madep da nagalgwan ae yuri yuri muwuk muwuk awit. Aŋek Yesu uŋun Kristo uŋun dakon Gen Bin Tagisi amin yoyiŋ tenŋeŋawit.

f 5.29 Ya 4.19 g 5.31 Ya 2.33-34; Ep 1.20; Ibr 2.10; 12.2 h 5.36 Ya 21.38

i 5.40 Ya 4.18 j 5.41 Mt 5.10-12; 1Pi 4.13

**Yabekbi kabi paŋpulugoni do amin 7 kabi manjiwit**

**6** <sup>1</sup>Uŋun bisapmon amin morapmi da paŋdet kabikon saŋbeŋba paŋdet morapmisi awit. Aŋakwa uŋun kabikon da amin diwari Grik gen yawit uŋun da Aram gen yawit amin uŋun do yaŋba yokwi tok aŋek yaŋ yawit, “Ji gildari gildari bupmi amin do jap yomiŋek sakwabat ninon ekwaŋ uŋun do jap dima yomaŋ. Uŋun tagi dima.” <sup>2</sup>Yaŋ yaŋakwa yabekbi 12 kabi da Yesu nandaŋ gadaŋ ingwit amin kabi yaŋ yoba opba yaŋ yoyiŋwit, “Nin da Piŋkop dakon gen yaŋ teŋteŋok pi yipmaŋek jap kokwin pi aneŋ uŋun da tagi dima asak. <sup>3</sup>Yaŋ do aŋek not kabi ji yaŋ ani. Disi da kabikon amin 7 kabi manjiŋba uŋun da jap kokwin pi ani. Amin nandak nandakni tagisi, ae amin da dabilon tagisi ekwaŋ, ae Telagi Wup da burikon tugaŋbi uŋuden amin baŋ pindagek timitni. Timikba uŋun amin do jap kokwin pi yomiŋek <sup>4</sup>nin da bisapmi bisapmi bisit pi ae Piŋkop gen yaŋ teŋteŋok pi gin aneŋ.”

<sup>5</sup>Yaŋ yaŋba miŋat aminyo da gen uŋun do nandaba galagi aban amin 7 kabi yaŋ manjiwit. Kinda Stiwen, uŋun nandaŋ gadatni tebaisi ae Telagi Wup da burikon tugaŋbi, ae Pilip, ae Pokorus, ae Nikano, ae Timon, ae Pamenas ae Nikolas. Nikolas uŋun Antiok kokup pap amin kinda. Uŋun Juda aminsi dima mani kulabik aŋek Piŋkop gawak imiŋek Juda amin kabikon saŋbegit. <sup>6</sup>Amin kabi uŋun manjiŋ yabekbi kabi da iŋamon yopba akgwit. Agakwa pi uŋun ani do kisitni kwenikon wutjiŋek gisam yomiŋek bisit awit.

<sup>7</sup>Jigi uŋun aŋmilip awit do Piŋkop dakon gen da madepsi ireŋtaŋ aŋaŋ kigit. Yaŋ aŋakwan Jerusalem kokup papmon Yesu nandaŋ gadaŋ ingwit amin madepsi paptan ireŋ tawit. Aŋakwa mukwa sogok amin morapmi da but tobil aŋek nandaŋ gadat awit.

**Juda amin da Stiwen gen pikon yipgwit**

<sup>8</sup>Stiwen uŋun Piŋkop da aŋpuluganeŋek tapmim imiŋakwan yo masi masimi ae tilak mibili mibili amin da binapmon agit. <sup>9</sup>Uŋun bisapmon amin diwari da Stiwen gat gen emat awit. Uŋun amin Juda amin dakon muwut muwut yut kinda mani Pulugaŋ Yopbi uŋun kabikon nani. Uŋun amin kokup pap Sairini ae Aleksandria ae miŋtim Silisia ae Esia tetgin da apgwit. <sup>10</sup><sup>m</sup>Mani Stiwen Telagi Wup da aŋpuluganeŋek nandak nandak tagisi imiŋakwan geni abik do aŋtidok awit.

<sup>11</sup>Aŋtidok awit do pasilikon da amin diwari yaŋ yoyiŋwit, “Ji kiŋ amin yaŋ yoyini, ‘Nin nandaŋapno Stiwen da Moses gat Piŋkop gat do gen yokwi yaŋban nandamaŋ’ yaŋ yoyini.”

<sup>12</sup>Top gen uŋun yoyiŋba amin ae kila amin ae gen teban yoyiŋdet amin dakon butni madepsi pidawit. Yaŋ aŋek kiŋ Stiwen abidaŋ aŋaŋ gen

k 6.1 Ya 4.35    <sup>1</sup> 6.7 Ya 2.41; 16.5    <sup>m</sup> 6.10 Lk 21.15

kokwin amin kabikon ankiwit. <sup>13</sup>Anki yipmanjek top amin di kokwinik yopba sitnok an iminjek yan yawit, “On amin bisapmi bisapmi Telagi Yut Madep gat ae gen teban Moses da mandagit gat do yanba yokwi tok asak. <sup>14</sup>Nin da nandanapno on amin da yan yagit, ‘Yesu Nasaret amin da Telagi Yut Madep unun tuwiljak. Ae Moses da anpak nimgut unun kulabik akdisak.’”

<sup>15</sup>Sitnok yan an iminjakwa amin gen kokwinon yikgwit kisi da kanjakwa Stiwen dakon tomno dabilyo anjelo yombem agit.

### Stiwen da gen kokwin aminon gen yagit

**7** <sup>1</sup>Anek mukwa sogok amin dakon mibiltok amin da yan iyigit, “Gen on yan gama unun asi yoj bo top?”

<sup>2</sup>Yan iyinban Stiwen da odej yoyigit, “Not ae dat kabi, nandani! Datnin Abraham unun Aran miktimon dima kin egek Mesopotemia miktimon egipgut bisapmon Pin kop tilimni unun Abrahamon alta nimgut. <sup>3</sup>Alta n iminjek yan iyigit:

‘Gak miktimgo ae notgo dabigoyo yopmanjek miktim kinda nak da golike n unudon kiki.’

<sup>4</sup>Pin kop da yan iyinban Kaldia miktim yipmanjek Aran miktimon pan ki egipgut. Pan ki egakwan datni kimagakwan Pin kop da yabekban ji da abisok on miktim ekwan on apgut. <sup>5</sup>Apban Pin kop da Abraham iyi do miktim timjok kinda dimasi nimgut. Mani Abraham gat yawi diwatni gat da on miktim don abidoni do yan teban tok gen kinda yagit. Gen unun iyigit bisapmon Abraham monji mini egipgut. <sup>6</sup>Pin kop da Abraham yan iyigit:

‘Gak dakon yawi diwatgo da amin njwakjwari da miktimon egipni. Egek oman amin daganjakwa amin da yo yokwi an yominjakwa bilak 400 asak.’

<sup>7</sup>Mani yo yokwi an yomni amin nak da don kobogi yokwi an yobe n. Yan anapbo yawi diwatgo da miktim unun yipmanjek obin on miktimon nak gawak namni.’

<sup>8</sup>Yan iyinjek sanbek sanbek agimal dakon tilakni giptimni mandisak do iyigit. Anek don Abraham dakon monji Aisak alta nban gildatni 8 kabi anjakwan giptimi mandagit. Ae don Aisak da Jekop dakon datni agit. Ae Jekop da babiknin 12 kabi dakon datni agit.

<sup>9</sup>Unun babiknin 12 kabikon da diwari da Josep do nandaba yokwi tok anek amin do yominjek tomni timikgwit. Timikba unun amin da Josep oman monji egipjak do Isip miktimon ankiwit. Mani Pin kop unun Josep gat egek <sup>10</sup>ujigi morapni alta n nimgwit unun anpuluganek kukwan nimgut.

<sup>n</sup> 7.2-3 WW 11.31; 12.1   <sup>o</sup> 7.4 WW 11.31-12.5   <sup>p</sup> 7.5 WW 12.7; 15.18; 17.8

<sup>q</sup> 7.6-7 WW 15.13-14; TP 12.40   <sup>r</sup> 7.7 TP 3.12   <sup>s</sup> 7.8 WW 17.9-14; 21.4

<sup>t</sup> 7.9 WW 37.11,28; 39.2,21-23   <sup>u</sup> 7.10 WW 41.37-44

Aṅakwan Josep da Isip dakon kila amin madep Pero gat gen yagimal bisapmon Piṅkop da nandan kokwin tagisi imiṅakwan kila amin madep da kaṅban tagisi agit. Yaṅ kagit do Isip miktimon ae yutni dakon yo morap kila asak do yipgut.

<sup>11</sup>Yipmanjakwan Isip ae Kenan miktimon jap kalonjisok tawit do babiknin jap do aṅek jigi madepsi pawit. <sup>12</sup>Yaṅ egek Jekop jap Isip ton yaṅ nandanek babiknin yabekban Isip miktimon kiwit. <sup>13</sup>Don aeni kwa Josep da notni yaṅ yoyigit, 'Nak naga ji dakon notji Josep.' Yaṅ aban kila amin madep Pero da Josep dakon yawi diwatni dakon mibili nandan pindakyo agit. <sup>14</sup>Uṅun da kwenon Josep da datni Jekop ae yawi diwatni 75 kabi yaṅ kisisi morap apni do gen yipban kigit. <sup>15</sup>Jekop gen uṅun nandanek kiṅ Isip miktimon egek kimakgit. Ae babiknin diwari kisi kimakgwit. <sup>16</sup>Kimakba amin da bumjotni wamaṅ aeni tobil paṅki Sekem kokup papmon wayikgwit. Bumjot yopyop tamo uṅun kalip Abraham da Sekem amin kinda mani Amo uṅun dakon monjini do moneṅ yomiṅek abidagit.

<sup>17</sup>Kalip Piṅkop da Abraham dakon yawi diwatni da Israel miktimon don abidoni do yaṅ teban tok aṅ imgut. Kili miktimon abidoni dakon bisap kwan ṅanakwan Israel amin Isip miktimon egipgwit uṅun madepsi ireṅ tawit. <sup>18</sup>Ireṅtaṅ egakwa kila amin madep kalugi kinda noman tagit. Uṅun amin da Josep dima nandan imgut. <sup>19</sup>Uṅun kila amin madep da nin dakon babiknin madepsi paṅkewalek yo jigisi aṅ yomgut. Yaṅ aṅek gen tebaisi yoyiṅban monji ṅakṅakni waṅga pabigi yopba taṅek kimakgwit.

<sup>20</sup>Uṅun bisapmon Moses altagit. Moses uṅun monji ṅakṅak tagisi ae Piṅkop da kaṅ galak tagit. Datni da yutnon kilani aṅakwa kanekni kapbi agit. <sup>21</sup>Kanekni kapbi aṅakwan waṅga abigi yipmanakwa kila amin madep Pero dakon gwi da kaṅ abidan aṅki iyi dakon monji naṅ yaṅ upmakgit. <sup>22</sup>Upmakban tagaṅek Isip amin dakon nandak nandak tagisi kisi nandan mudagit. Aṅek gen yagit ae pi mibili mibili agit uṅun tapmimi toṅsi agit.

<sup>23</sup>Moses uṅun bilakni 40 aṅakwan Israel amin notni kiṅ pindat do nandagit. <sup>24</sup>Kiṅ pindakban Isip amin kinda da Israel amin kinda yokwi aṅ iban kagit. Yaṅ kaṅek notni aṅpulugok do aṅek Isip amin uṅun yokwi agit dakon kobogi do uṅun amin aṅakban kimakgit. <sup>25</sup>Moses yaṅ aṅek yaṅ nandagit, 'Piṅkop da nak aṅpulugaṅban Israel amin uwal da kisiron baṅ timitdisat yaṅ nandan namdan.' Mani Israel amin Moses do yaṅ dima nandawit. <sup>26</sup>Pakgit da wisa dagokdo Moses abiṅ pindakban Israel amin

v 7.11 WW 41.54; 42.1-2 w 7.13 WW 45.1-4,16 x 7.14 WW 45.9-11; 46.27 y 7.15 WW 46.1-7; 49.33 z 7.16 WW 23.2-20; 33.19; Jos 24.32 a 7.17-18 TP 1.7-8 b 7.19 TP 1.11-22 c 7.20 TP 2.2 d 7.21 TP 2.3-10 e 7.24 TP 2.11-15



bamori da emat wamgumal. Wabal paŋwasik do aŋek yaŋ yoyigit, ‘Jil not kaloŋi da nido notni dapmaŋ dapmaŋ amal?’

<sup>27</sup>Yaŋ yoyiŋban emat wasagit amin da Moses ukwayikban kiŋakwan yaŋ iyigit: ‘Namin da kila amin ae gen kokwin aminin gepmak?’ <sup>28</sup>fApma gak Isip amin kinda aŋakbi kimakgit, abisok nakyo kisi yaŋ gin nikbi kimokgeŋ do nandisal, ma?’ <sup>29</sup>g “Gen uŋun iyinban nandaŋek Moses pasal Midian miktimon paŋki egek uŋudon miŋat kinda paŋek monji bamori paŋalagit.

<sup>30</sup>hPaŋalaŋek bilak 40 egi mudanaŋkwan aŋelo kinda da Moses altaŋ imgut. Aŋelo uŋun kindap moniŋ kinda soŋek mileŋ asip baljagit uŋungwan akgit. Sinai Kabap da kapmatjok miktim kibiri tim kinda tagit uŋudon altaŋ imgut. <sup>31</sup>Moses yo uŋun altaŋban kaŋek but morap agit. Yaŋ nandaŋek kapmatjok da pakyaŋsi kok do aŋek kigit. Kiŋakwan Amin Tagi da yaŋ iyigit, <sup>32</sup>‘Nak babakgo Abraham, Aisak ae Jepok dakon Piŋkop.’ Yaŋ iyinban Moses nimnimigek siŋtaŋ kokdosi pasalgit. <sup>33</sup>Aŋakwan Amin Tagi da yaŋ iyigit: ‘Moses, kandaŋ gwilgo ilik yopmaŋ. Miktim tim uŋun bamaŋ akdal uŋun telagi miktim. <sup>34</sup>Miŋat amin kabino Isip amin da yo yokwi morapmi aŋ yomiŋakwa kili pindat. Ae kunam wuwikni kili nandat do aŋek Isip da kisiron baŋ timit do pisat. Moses kili apbi yabekgo Isip miktimon kiki.’

<sup>35</sup>i “Kalip Israel amin da Moses abiŋ yipmaŋek yaŋ iyiwit, ‘Namin da mibiltok amin ae gen kokwin aminin manjiŋ gepmak?’ Piŋkop da uŋun Moses naŋgin mibiltok amini ae jigikon baŋ timitjak amini yabek yomgut. Aŋelo kindap moniŋon akgit uŋun da Piŋkop dakon gen abidaŋek Moses yabekgit. <sup>36</sup>jAŋek Moses da Isip miktimon baŋ timik paŋkiŋek wasok tapmimi toŋ ae tilak mibili mibili Isip miktimon ae Tap Gamikon agit. Ae miktim kibiri timon bilak 40 egek yaŋ gin agit.

<sup>37</sup>k “Uŋun Moses daŋin Israel amin yaŋ yoyigit, ‘Piŋkop da nak aŋalon aŋ nepgut yaŋ gin ji kabikon naŋ kombi amin kinda don aŋalon aŋ damjak.’ <sup>38</sup>lBabiknin miktim kibiri tim egipgwiron Moses uŋun gat kisi egipgwit. Sinai Kabapmon wikwan aŋelo kinda da gen iyigit. Moses da Piŋkop dakon gen egip egipmi toŋ timigek nin da nandaney do nimgut.

<sup>39</sup>m “Mani babaknin Moses dakon gen nandaŋ guramit do diŋa galak tawit. Geni maba kiŋakwan burikon da Isip miktimon tobiŋ kik do nandawit. <sup>40</sup>nYaŋ nandaŋek Aron yaŋ iyiwit, ‘Moses Isip miktimon da nin paŋ paŋ obik amin uŋun dukwan kik uŋun nin diŋa nandamaŋ. Do gak da kokup kidat dakon wupmi di wasaŋ nibi uŋun da mibiltay niba kosit wasaŋek kineŋ.’ <sup>41-42</sup>o “Uŋun bisapmon bulmakau wup kinda kokup

f 7.28 TP 2.14 g 7.29 TP 2.21-22; 18.3-4 h 7.30-34 TP 3.1-10 i 7.35 TP 2.14  
j 7.36 TP 7.3; 14.21; IDT 14.33 k 7.37 GT 18.15 l 7.38 TP 19.3 m 7.40 TP 32.1  
n 7.41-42 TP 32.2-6 o 7.41-43 Am 5.25-27

kidatni wasawit. Wasaŋek paret aŋek kisit da yo wasawit do kisik kisik madepsi awit. Yaŋ aŋakwa Piŋkop da manji yomiŋek gik kanek gildatyo gawak yomni do bikbik yomgut. Kombi amin da papiakon gen tosoŋ uŋun da tilagon yo yokwi awit. Gen uŋun yaŋ tosoŋ:

‘Israel amin ji miktim kibiri timon bilak 40 egek bulmakau ae sipsip dapmaŋek mukwa sowit, uŋun nak do awit? Uŋun dimasi.

43 Yut kabeŋ imalnaŋ wasaŋbi uŋun guramik awilgwit uŋun nak dakon yut dima.

Disi dakon kokup kidatji Molek uŋun dakon yutnaŋ awilgwit.

Ae kokup kidatji Repan uŋun dakon gik wup wasaŋek uŋun kisi pawilek gawak yomgwit.

Yaŋ awit do nak da ji dolbo miktimji yipmaŋek Babilon umogap tetgin do kini.’ ”

44 Stiwen saŋbeŋek yaŋ yagit, “Kalip babiknin miktim kibiri timon egipgwit bisapmon Piŋkop dakon imal yutni taŋ yomgut. Yut uŋun da taŋakwan Piŋkop babiknin gat egipgwit dakon tilak agit. Imal yut uŋun awit Piŋkop da Moses yaŋ ani yaŋ iyigit uŋun da tilagon awit.

45<sup>p</sup> Aŋek don monjini gat Josua gat da uŋun imal yut abidaŋ aŋaŋ Piŋkop da amin kabi morapmi yolban abigiwit uŋun miktimon aŋki yipgwit. Aŋki yipba agakwan wigi Dewit dakon bisap don apgut.

46<sup>q</sup> Piŋkop da Dewit do yo tagisi aŋ imgut. Aŋakwan Dewit da Jekop dakon Piŋkop do yut kinda awal do bisit agit. 47<sup>r</sup> Mani Solomon da uŋun yut awalgit.

48 “Mani Piŋkop Wikwisi uŋun amin kisit da yut awalgaŋon uŋudon dima egisak. Kombi amin da yaŋ yawit:

49<sup>s</sup> ‘Amin Tagi da yaŋ yosok, Kwen Kokup uŋun kila amin madep yiyit tamono ae miktim uŋun kandaŋ yipyip tamono.

Do nak do yut kinda aripmi dima agagi.

Ae yik yawot tamono dukwan tosoŋ?

50 Nak naga uŋun yo morap wasagim.’ ”

51<sup>t</sup> ‘Stiwen da gen kokwin amin kabi saŋbeŋek tebaisi yaŋ yoyigit, “Kwen wigik amin ji amin Piŋkop dima nandaŋ imaŋ da tilagon butji uŋun tebaisi ae mirakji da Piŋkop dakon gen dima nandabi yombem. Babikji da Telagi Wup do kurak tawit, jiyo kisi yaŋ gin aŋ. 52<sup>u</sup> Ji dakon babikji da kalip kombi amin kisi morap do yo yokwisi aŋ yomgwit. Aŋek kombi amin diwari Amin Kilegi don apjak do yaŋkwok awit babikji da uŋun amin dapba kimakgwit. Uŋun Amin Kilegi ji da uwal da kisiron yipba kili aŋakba kimakgit. 53<sup>v</sup> Ji Piŋkop dakon gen teban aŋelo da gen kagakon baŋ timikgwit, mani dimasi guramikgwit.”

<sup>p</sup> 7.45 Jos 3.14-17    <sup>q</sup> 7.46 2Sa 7.1-16    <sup>r</sup> 7.47 1Ka 6.1-38    <sup>s</sup> 7.49-50 Ais 66.1-2

<sup>t</sup> 7.51 Ais 63.10    <sup>u</sup> 7.52 Mt 23.31

### Stiwen tipban anakba kimakgit

<sup>54</sup>Stiwen da gen unun yanban nandajek butjap madepsi nandajek mam nawit. <sup>55</sup>Yanşi awit, mani Telagi Wup da Stiwen da buron pigi tuganban Kwen Kokup sijtañek Piñkop dakon tilimni kagit. Ae Yesu Piñkop da aminsi tet do akban kagit. <sup>56</sup>Yañ karjek yagit, “Kabit, nak kanapbo Kwen Kokup witdal kinjakwan Amin Dakon Monji Piñkop da aminsi tet do akban kosot.”

<sup>57</sup>Yañ yanban geni diwari nandak do kurak tanejek mirakni si pañsopmanjek madepsi yan tidawit. Yan anjek unudon gin amin kisisi da pidan mipagek kin Stiwen abidawit. <sup>58</sup>Abidan kokup pap yipmanjek wanga abigi tipban anakgwit. Amin Stiwen do wasañek sitnok an ingwit unun da imal dubakni ilik pañki monji kinda akgit mani Sol unudon yopmanjek Stiwen tipban anakgwit.

<sup>59</sup>Tipban anagakwa Stiwen bisit yan agit, “Amin Tagi Yesu, wupno abida.”

<sup>60</sup>xStiwen yan yanek njwakben anjek yan tidanejek yan yagit, “Amin Tagi, yokwini dakon kobogi dima yobi.” Stiwen yan yanek kimakgit.

**8** <sup>1-2</sup>Anakba kimagakwan Sol da yo tagisi kinda nan an yan pindakgit.

### Sol da pañmuwukbi pañtasik ak do pi agit

Stiwen anagakwa Piñkop antelak anjek egipgwit amin di da Stiwen do bupmi kunamyo madepsi anjek bumjotni anki yipgwit.

Unun gildaron da wasañek Piñkop dakon gen dakon uwalni da pañmuwukbi Jerusalem egipgwit unun pañupbal ak do pi madepsi awit. Yan anjek pañmuwukbi yolba wasen ki Judia tetgin do ae Samaria tetgin do kin kin awit. Kinakwa yabekbi kabi dagin Jerusalem egipgwit. <sup>3</sup>Unudon egakwa Sol da pañmuwukbi pañtasik ak do pi madepsi agit. Yan anjek yuri yuri agek amin timik pañki dam teban yutnon yopman yopman agit.

## Pañmuwukbi Kabi da Judia Ae Samaria Miktimon Yesu dakon Gen Yoyiñ Tenñenawit

*(Kilapmi 8.4–12.25)*

### Samaria miktimon Piñkop dakon gen yawit

<sup>4</sup>Pañmuwukbi dukwan dukwan wasen kiwit unun agek aminon Gen Bin Tagisi yoyiñ tenñenawit. <sup>5</sup>Anjek Pilip Samaria dakon kokup pap kindakon pigi Kristo dakon Gen Bin Tagisi yoyiñ tenñenagit. <sup>6</sup>Yanakwan

v 7.55 Kap 110.1 w 7.56 Kol 3.1 x 7.60 Lk 23.34 y 8.3 Ya 9.1,13; 22.4; 26.9-11

amin morapmi da geni nandawit, ae wasok tapmimi toŋ aban kaŋek gen yagit nandak do mirak pakyaŋsi yopgwit. <sup>7</sup>Kaŋakwa Pilip da koŋ morapmi yol yomiŋakwan koŋ da madepsi yaŋ tidanek wiŋ abigiwit. Ae amin kidari kimakbi ae kandapmi yokwi uŋun paŋmilip anyo agit. <sup>8</sup>Yaŋ aŋakwan uŋun kokup papmon kisik kisik madepsi awit.

<sup>9</sup>Uŋun kokup papmon amin kinda egipgut uŋun mani Saimon. Uŋun koŋ da tapmim imiŋakwa wasok amin da dima agagi morapmi kilisok aban Samaria miŋat amin morap kisi da kaŋek but morap nandan imgwit. Uŋun amin da iyi do nak kila amin madep kinda yaŋ yagit. <sup>10</sup>Aŋakwan amin wukwi ae amin piŋbi uŋun kisi uŋun dakon geni nandak do mirak pakyaŋsi yopgwit. Piŋkop dakon teban tokni mani Tapmimi Madepsi yaŋ yoŋ uŋun aminon tosok yaŋ yawit. <sup>11</sup>Wasok ŋwakŋwari morapmi aban kili kawit. Kaŋek but morap nandanek yol awilgwit. <sup>12</sup>Mani don Pilip da Piŋkop da Amin Kila Asak dakon Gen Bin Tagisi gat ae Yesu Kristo dakon man yaŋ tenŋenagit. Yaŋ aŋakwan miŋat wiliyo kisi uŋun do nandan gadanek telagi pakbi sowit. <sup>13</sup>Saimon uŋun kisi nandan gadat anek telagi pakbi sogit. Soŋek Pilip yolban dukwan dukwan kisi agipgumal. Anek tilak ae wasok tapmimi toŋ agit uŋun pindagek but morap madepsi nandagit.

<sup>14</sup>Yo yaŋ altaŋakwa yabekbi kabi Jerusalem egipgwit amin da Piŋkop dakon gen Samaria amin da kili abidawit uŋun dakon gen bini nandawit. Nandanek Pita gat Jon gat uŋudon kinjil do yabekgwit. <sup>15-16</sup>Telagi Wup Samaria aminon dima pigit. Isal Yesu da manon gin telagi pakbi sowit do yabekba kiŋ altaŋek Telagi Wup abidoni do bisit agimal. <sup>17</sup><sup>z</sup>Bisit aŋ mudanek kisitni kwenikon witjiŋakwal Telagi Wup abidawit.

<sup>18</sup>Yaŋ abal pindagek Saimon da moneŋ yom do anek yaŋ yoyigit, <sup>19</sup>“Nak do tapmim namiŋbal kisitno amin kwenon witjiko Telagi Wup yaŋ gin abidoni.”

<sup>20</sup>Yaŋban Pita da iyigit, “Gaga ae monenŋo kisi Tipdomon piginjil dosi nandisat. Piŋkop da but galak do yo nimisak uŋun moneŋ naŋ aripmi dimasi yomyomi. Dimasi. <sup>21</sup>Piŋkop da dabilon gak dakon but tagi dima tosok do Piŋkop dakon pi amaŋ uŋun gak gat aripmi dimasi agagi. <sup>22</sup>Yokwi uŋun asal uŋun yopmanek but tobi a. Anek butgokon nandak nandak yokwi toŋ uŋun wiririk gamjak do Amin Tagi bisit iyiki. <sup>23</sup>Pindak galaktokgo da butgo aŋupbal aban yokwi da dam tebanon ekwi gandisat.”

<sup>24</sup>Yaŋban Saimon da gen kobogi yaŋ yoyigit, “Jil nak do bisit abal Amin Tagi da nak do nandan yawok namiŋakwan yo uŋun yomal uŋun nagon dima noman toni.”

<sup>25</sup>Pita gat Jon gat da Samaria amin Amin Tagi dakon gen yoyiŋ tenŋenagimal. Ae Piŋkop da yo tagisi anyoban kagimal uŋunyo kisi

<sup>z</sup> 8.17 Ya 19.6

yoyigimal. Yoyiŋ mudaneŋ Jerusalem kokup papmon aeni kigimal. Kosiron kiŋek Samaria dakon kokup morap tawit unudon Gen Bin Tagisi yoyiŋ tenŋenagimal.

### **Pilip da Itopia amin kinda Piŋkop gen iyigit**

<sup>26</sup>Amin Tagi dakon anjelo kinda da Pilip yaŋ iyigit, “Gak miktim kibiri timon kosit kinda Jerusalem da Gasa kwan unudon pigiki.” <sup>27</sup>Yaŋ iyinban kosiron kiŋ Itopia amin kinda kagit. Unun amin gapman dakon amin madepni kinda egipgut. Itopia dakon kila amin madep miŋat Kandasi dakon moner kila amin madepni egipgut. Unun amin Piŋkop gawak im do Jerusalem opgut. <sup>28</sup>Opgut da miktimnikon tobil kik do anek bit madep os da amin ilik pawilgan tamokon yikgit. Yigek kombi amin Aisaia da gen mandagit papia unun manjigit.

<sup>29</sup>Anakwan Telagi Wup da Pilip yaŋ iyigit, “Gak unun amin pawil pawil tamo da kapmatjok kiki.”

<sup>30</sup>Iyinban Pilip timtim yanek kapmatjok da kiŋ nandanakwan Aisaia dakon gen unun manjigit. Manjinakwan Pilip da yaŋ iyigit, “Gak gen unun manjisal dakon mibili nandisal bo dima?”

<sup>31</sup>Iyinban yaŋ iyigit, “Amin kinda da mibili dima nayisak kaŋ, aripmi dima nandabo pisosak.” Yaŋ yanek Pilip amin pawil pawil tamokon wiŋban yitjil do iyigit.

<sup>32</sup>“Piŋkop dakon gen unun yaŋ tosok naŋ manjigit:

“Sipsip dap do aŋ ae sipsip moniŋ dangwi mandak do anakwa gen dima yoŋ, unun da tilagon gen kinda dima yagit.

<sup>33</sup>Anek amin da madepsi abin yipmanek gen pikon yipmanek yaŋ dagok kilegi dima anjimgwit.

Miktimon egip egipni gwayenba yeri mini agit.”

<sup>34</sup>Amin unun da gen unun manjinek Pilip yaŋ iyigit, “Kombi amin unun namin do yosok, iyi do yosok bo amin njwaknari kinda do yosok? Nayinbi nandako.” <sup>35</sup>Yaŋ iyinban Pilip da gen unun manjigit unun dakon mibili iyinek Yesu dakon Gen Bin Tagisi iyigit.

<sup>36-37</sup><sup>b</sup>Kosiron kiŋek pakbi kindakon altanek amin madep unun da Pilip yaŋ iyigit, “Kosol, pakbi oni. Mibili nido telagi pakbi dima sokeŋ?” <sup>38</sup>Yaŋ yanban amin pawil pawil dakon kila amin iyinban os pabidanakwan Pilip gat amin unun gat miktimon maŋ piŋek pakbikon pigigimal. Pigeŋ Pilip da telagi pakbi soŋ imgut. <sup>39</sup>Pakbi yipmanek wiŋakwal unudon gin Amin Tagi dakon Wup da Pilip anan kigit. Yaŋ anakwan amin madep unun sanbenek Pilip dima kagit. Mini kagit mani amin unun kisik kisik anek aeni tamonikon pawin yigek kigit. <sup>40</sup>“Kiŋakwan Pilip unun Asdot kokupmon noman tan akgit. Anek Pilip kokup pap morap tan anan

a 8.32-33 Ais 53.7-8    b 8.36-37 Ya 10.47    c 8.40 Ya 21.8

kiwiron agek Yesu dakon Gen Bin Tagisi yoyiŋ tenŋenjanek don Sisaria kokup papmon kiŋ altagit.

**Sol but tobil agit**  
(Ya 22.4-16; 26.9-18)

**9** <sup>1</sup>Uŋun bisapmon gin Sol da Yesu nandan gadan ingwit amin sigin dapba kimotni do yanek mukwa sogok amin dakon mibiltok aminon kigit. <sup>2</sup>Kiŋ Damaskus kokupmon Juda amin dakon muwut muwut yut dakon kila amin egipgwit uŋun do papia kindan mandan imjak do iyigit. Iyiban papia kindan mandan imgut. Uŋun papiakon gen yan tagit, “Sol da obiŋ pindakban minat ae wili morap Yesu Yolyol Kosit nan yolek akwa kan, uŋun da tagi timik dam teban yutnon yop do Jerusalem panopjak.” <sup>3</sup>Sol uŋun papia abidanek kiŋ Damaskus kokup pap ankapmat agit. Anakwan tilagi yanŋi Kwen Kokup dakon tenŋeni kindan Sol anŋwasinjek madepsi tenŋenan imgut.

<sup>4</sup>Anakwan Sol miktimon man pagede nandanakwan gen kindan altanek yan iyigit, “Sol, Sol, nak anupbal ak do pi nido asal?”

<sup>5</sup>Yan iyiban Sol da yagit, “Amin Tagi gak namin?”

Yan iyiban yagit, “Nak Yesu, nak nan anupbal ak do pi asal. <sup>6</sup>Abisok gak pidan kokup papmon pigiki. Pigaki amin kindan da yo ninanŋi aki uŋun da don gayisak.”

<sup>7</sup>Yo yan altanakwan amin Sol gat agipgwit gen uŋun nandawit mani ami dima kawit, do geni minisi akgwit. <sup>8</sup>Anakwan Sol pidan sinŋagit mani yo dima pindakgit. Yan aban kisirikon abidan anan Damaskus pigiwit. <sup>9</sup>Pigi gildat kapbi egakwan dabili dima pisagit. Ae jap pakbiyo dima agit.

<sup>10</sup>Damaskus kokup papmon Yesu nandan gadan imgut amin kindan egipgut mani Ananias. Uŋun amin buri pisanakwan dipmin yombem kindan kanakwan Amin Tagi da yan iyigit, “Ananias!”

Yan iyiban yagit, “Amin Tagi, nak oni.”

<sup>11</sup>Iyiban Amin Tagi da iyigit, “Gak kosit kindan mani Kosit Kilegi yan yon unudon kiŋ Judas da yutnon wigiki. Wigi Tasas amin kindan mani Sol uŋun do yoyiki. Uŋun amin bisit pi anek egisak. <sup>12</sup>Sol da buri pisanakwan dipmin yombem kindan kanakwan amin kindan mani Ananias uŋun da abiŋ wiŋ dabili aeni sinŋosak do kisiri kwenikon witjigit.”

<sup>13</sup>Amin Tagi da gen uŋun iyiban Ananias da kobogi yan iyigit, “Amin Tagi, gak dakon telagi amin kabigo Jerusalem ekwan uŋun amin da yo yokwisi morapmi an yomgut. Uŋun dakon geni amin morapmi da kili yanba nandagim. <sup>14</sup>Ae mukwa sogok amin dakon amin madep kabi da yan mudan ingwit da idon apgut. Abiŋ amin mango yanek bisit an amin uŋun timik dam tebanon yop do apgut.”

<sup>15</sup> eMani Amin Tagi da Ananias yan̄ iyigit, “Gak kiki! Uñun amin nak dakon man yan̄ ten̄tejosak do man̄jigim. Uñun da Amin Ņwaktjwari Kabi, ae uñun dakon kila amin madep kabini, ae Israel amin kabi kisikon mano yan̄ ten̄tejosak do yabetdisat. <sup>16</sup> fNak dakon man yan̄ ten̄tejanek jigi pasak uñun yoliko pindatjak.”

<sup>17</sup> Iyñban Ananias kin̄ yutnon wigi kisiri Sol da kwenon witjigit. Witjinek yan̄ yagit, “Sol not, Amin Tagi Yesu kosiron altañ gamgut uñun da dabilgo aeni sin̄tanjakwan Telagi Wup da butgokon tugosak do anek yabekban abisat.” <sup>18</sup> Yan̄ iyin̄jakwan yo dabili sopgut uñun kukwan̄ ki man̄jakwan yo pindakgit. Anek Sol pidan̄ telagi pakbi sogit. <sup>19</sup> Yan̄ anek uñun da kwenon jap nan̄jek aeni tapmim pagit.

### Sol Damaskus kokup papmon Piñkop dakon gen yagit

Sol gildat kabi di Yesu nandan̄ gadan̄ imgwit amin gat Damaskus egipgwit. <sup>20</sup> Egek uñudon gin̄ Juda amin dakon muwut muwut yut agek Piñkop dakon gen yan̄jek yagit, “Yesu uñun Piñkop dakon Monji.” <sup>21</sup> gSol da gen yan̄ban nandawit amin uñun but morap anek yan̄ yawit, “Kalip on amin da Jerusalem kokup papmon Yesu da manon bisit awit amin uñun pañupbal agit. Ae uñun amin timik nap ban̄ waman̄ pañpan̄ Jerusalem mukwa sogok amin dakon amin madep kabikon pañkik do apgut. On uñun amin da yosok, ma?” <sup>22</sup> hYan̄ yawit mani Sol dakon gen yogokni dakon tapmim san̄benek madepsi tagagit. An̄jakwan̄ Juda amin Damaskus egipgwit uñun yoyin̄ ten̄tejanek asisi Yesu uñun Kristo yan̄ yoyigit. Yan̄ yan̄ban gen kinda aripmi dima iyigi kawit.

### Juda amin da Sol uwal an̄ imgwit

<sup>23</sup> Gildat morapmi egi mudan̄akwa Juda amin da muwugek Sol an̄at do gen yawit. <sup>24</sup> Mani yo ak do yawit uñun amin da Sol kili iyin̄ba nandagit. Juda amin gildari gildari ae pilini pilini kokup pap dakon yoma morap tawit uñudon egek Sol an̄at do kila tebaisi awit. <sup>25</sup> iMani buñon yolgwit amin da Sol pilin̄ kaga an̄an̄ kokup pap dakon dam madepmon kwen awigiwit. Awigi gok madep kindakon iyin̄ba yigakwan̄ nap an̄yawot an̄akwa kosit gwagak nan̄ wan̄ga mibilikon pigigit.

### Sol Jerusalem egipgut

<sup>26</sup> jDon Sol Jerusalem kin̄jek Yesu nandan̄ gadan̄ imgwit amin kabikon san̄bek do kigit. Mani nandan̄ gadat amin notnin̄ kinda yan̄ dima nandan̄ imgwit, do kisi morap da kan̄ pasalgwit. <sup>27</sup> kYan̄ an̄akwa Banabas da Sol an̄an̄ yabekbi kabi da egipgwiron an̄kigit. An̄kin̄jek Sol da kosiron Amin

e 9.15 Ya 26.2,6; 27.24; Ro 1.5 f 9.16 2Ko 11.23-28 g 9.21 Ya 8.3 h 9.22 Ya 18.28  
i 9.25 2Ko 11.32-33 j 9.26 Gal 1.17-19 k 9.27 1Ko 9.1

Tagi kagit ae Amin Tagi da gen iyigit unun dakon geni yoyigit. Yoyiŋek Sol da Damaskus Yesu dakon mani pasol pasoli mini yaŋ tenŋerŋaŋ yomgut unun kisi do yoyigit. <sup>28</sup>Yaŋ yoyiŋban nandaŋakwa Sol Yesu nandaŋ gadaŋ imgwit amin gat Jerusalem egipgwit. Egek pasol pasoli mini agek Yesu da manon Piŋkop gen yaŋ tenŋerŋagit. <sup>29</sup>Aŋek Juda amin Grik gen yawit unun gat gen emat aŋ aŋ awit. Aŋek Sol si aŋakba kimotjak do nandawit. <sup>30</sup>Yaŋ aŋakwa notni da pindak nandaŋyo aŋek Sol Sisaria kokupmon aŋki yabekba Tasas kokupmon kigit.

<sup>31</sup>Unun bisapmon Judia ae Galili ae Samaria provinskon paŋmuwukbi tagisi egipgwit. Amin da yokwi dima aŋ yomiŋakwa paŋmuwukbi tapmim pawit. Aŋek Amin Tagi do nandaŋ gawagek egakwa Telagi Wup da nandak nandakni paŋteban agit. Aŋakwan amin morapmi paŋmuwukbikon saŋbeŋba madepsi sigin tagagit.

### Pita da Anias aŋmilip agit

<sup>32</sup>Pita unun kokup morap kisi agek Lida kokupmon kwan Piŋkop dakon amin kabi gat egipgwit. <sup>33</sup>Unun kokupmon amin kisit kandapmi kimakbi kinda kagit, mani Anias. Anias unun tamokon gin pagakwan bilak 8 kabi agit. <sup>34</sup>Kaŋek Pita da yaŋ iyigit, “Anias, abisok Yesu Kristo da gak aŋmilip asak. Do pidaŋ yaliŋ potgo paŋmilip a.” Yaŋ iyiŋban Anias unudon gin kwen pidagit. <sup>35</sup>Pidagek Lida kokupmon amin ae Saron miktim amin morap da Anias kaŋek but tobiŋ aŋek Amin Tagikon kiwit.

### Pita da Tabita kimoron naŋ aban pidagit

<sup>36</sup>Jopa kokup papmon Yesu nandaŋ gadaŋ imgut miŋat kinda egipgut mani Tabita. (Grik genon Dokas yaŋ iyiwit.) Unun bisapmi bisapmi aŋpak kilegisi aŋek yoni mini amin paŋpulugagit. <sup>37</sup>Unun bisapmon sot aŋek kimakgit. Kimakban bumjotni pakbinaŋ sugaŋ awigi yut kinda kwen nani tagit unudon yipgwit. <sup>38</sup>Lida kokup unun Jopa kokup pap da kapmatjok tosok. Do Yesu nandaŋ gadaŋ imgwit amin da Pita Lida kokupmon egisak yaŋ nandaŋek amin bamori yabekba kiŋ iyigimal, “Bisap noknok dima aŋek ninon tepmisi opbi!”

<sup>39</sup>Pita gen unun nandaŋek pidaŋban amin bamot gat kiwit. Kwan abidaŋba yut kwen nani tagit do aŋaŋ wigiwit. Wikwan sakwabat morapmi da abiŋ Pita aŋgwasinek kunam tagek Dokas da egek imal bupgut unun yoliwit.

<sup>40</sup>Yaŋ aba Pita da amin morap kisi yoyiŋban yomakon pigiwit. Pigakwa Pita ŋwakbeŋ aŋek bisit agit. Aŋek miŋat unun kimak tagit tetgin do tobilek yaŋ iyigit, “Tabita gak pida.” Yaŋ iyiŋban dabili siŋtaŋek Pita kaŋek pidaŋ yikgit. <sup>41</sup>Aŋakwan Pita da kisirikon abidaŋek ilikban pidaŋ akgit. Aŋek Piŋkop dakon miŋat amin kabi gat ae sakwabat gat yaŋ yoban wiŋba Tabita notji oni egisak yaŋ yoyiŋek yoligit. <sup>42</sup>Aŋakwan Pita da wasok tapmimi toŋ agit unun dakon



geni Jopa amin kisi da nandawit. Nandaŋek amin morapmi da Amin Tagi do nandaŋ gadawit. <sup>43</sup>Yaŋ aŋakwa Pita gildat morapmi Jopa kokup papmon amin kinda mani Saimon uŋun gat egipgumal. Saimon uŋun bulmakau gip paŋkilek ak amin kinda.

### Aŋelo kinda da Konilias altaŋ imeŋek gen iyigit

**10** <sup>1</sup>Amin kinda Sisaria kokupmon egipgut uŋun mani Konilias. Uŋun Rom gapman dakon emat amin 100 dakon kila amini egipgut. Emat amin kabi uŋun Itali Emat Amin Kabi yaŋ yawit. <sup>2</sup>Konilias gat gwakni gat uŋun Piŋkop do pasal gawak imeŋek egipgwit. Yaŋ aŋek Konilias da Juda amin yoni mini amin paŋpulugagit. Ae bisapmi bisapmi Piŋkop do bisit pi aŋek egipgut. <sup>3</sup>Bisap kindakon gildat tobi do 3 kilok buri pisaŋakwan dipmin yombem kinda kagit. Kaŋakwan Piŋkop dakon aŋelo kinda yutnon wigi yaŋ iyigit, “Konilias!”

<sup>4</sup>Konilias uŋun kaŋek pasol pasol madep aŋek yaŋ iyigit, “Amin Tagi yo kinda ni?”

Iyiŋban aŋelo da iyigit, “Bisit pi asal ae yoni mini amin paŋpulugosol Piŋkop da uŋun aŋpak kaŋban tagisi asak. <sup>5</sup>Abisok amin di yabekbi amin kinda Jopa kokup papmon egisak uŋun abidaŋ aŋop do kini. Amin uŋun mani Saimon ae mani kinda Pita yaŋ iyaŋ. <sup>6</sup>Pita uŋun wawi Saimon uŋun da yutnon egisak. Wawi uŋun bulmakau gip paŋkilek ak amin kinda. Yutni tap kidipmiŋon tosok.”

<sup>7</sup>Aŋelo gen uŋun iyimeŋek kiŋakwan Konilias da oman monjini bamori ae emat amini kinda gat yaŋ yoban opgwit. Emat amini uŋun Piŋkop do pasal gawak imim amin kinda. Uŋun bisapmi bisapmi Konilias aŋpulugaŋban egipgumal. <sup>8</sup>Konilias da uŋun amin kapbi yo morap altaŋ imeŋ uŋun kisi yoyiŋ mudaneŋ yabekban Jopa kiwit.

### Pita da dipmin kinda kagit

<sup>9</sup>Yabekban kiŋ kosiron pakgwit da wisa dagokdo aeni kiŋ Jopa kokup pap aŋkapmat aŋakwa gildat binap agit. Uŋun bisapmon gin Pita bisit pi ak do yut kwenon wigigit. <sup>10</sup>Wigi bisit aŋ egek jap do agit, mani jap apmeŋon paŋkosit aŋakwa dipmin yombem kinda kagit. <sup>11</sup>Kaŋakwan Kwen Kokup witdal kiŋakwan yo kinda imal madep yombem kinda da pigit. Uŋun kodigi 4 kabikon da yipba miŋtimon pigit.

<sup>12</sup>Uŋun imalon bit kilapyo mibili mibili ae birombak tuŋon aminyo ae minam kisi uŋungwan taŋba pindakgit. <sup>13</sup>Pindagakwan gen kinda da yaŋ noman taŋban nandagit. Gen uŋun yaŋ: “Pita, gak pidaŋ on dapmaŋ na.”

<sup>14</sup>Mani Pita da yaŋ yagit, “Amin Tagi, dimasi dapmaŋ noken. Nak bisap kindakon jap kinda Juda amin da gen tebanon dima noknogi kinda dima nagim.”

<sup>1</sup> 10.14 MS 11.1-47; Esi 4.14

<sup>15</sup> "Yaŋ yaŋban gen aeni iyigit, "Yo Piŋkop da paŋmilip aban yo tagisi aŋ uŋun gak da dima noknogi yaŋ dima yoki." <sup>16</sup> Yo uŋun kosiri kapbi altaŋ imiŋek uŋudon gin aeni Kwen Kokup wigigit.

<sup>17</sup> Wigakwan Pita yo uŋun kagit dakon mibili niaŋsi yaŋ nandaŋek but morap agit. Yaŋ nandaŋek egakwan Konilias da amin yabekgit uŋun apgwit. Abiŋ amin yoyiŋba Saimon dakon yut yoliŋba uŋun da yoma kagakon paŋki akgwit. <sup>18</sup> Agek yaŋ tidaŋek yaŋ yawit, "Saimon, mani kinda Pita yaŋ yoŋ, uŋun egisak bo dima?"

<sup>19</sup> Yaŋ yaŋakwa Pita yo kagit uŋun do but morap sigin nandaŋek yigakwan Telagi Wup da yaŋ iyigit, "Saimon, amin kapbi gak wisan. <sup>20</sup> Uŋun nak da naga yabekgo abeŋ do gak uŋun gat pigi kik do but bamot dima aki."

<sup>21</sup> Yaŋ iyinban Pita da pidaŋ pigi amin uŋun yaŋ yoyigit, "Amin wisan uŋun nak mani. Ji mibili nido abeŋ?"

<sup>22</sup> Yaŋban amin uŋun da yaŋ iyiwit, "Emat amin 100 dakon kila amin kinda mani Konilias uŋun da yabekban abamaŋ. Uŋun amin kilegisi ae Piŋkop do pasalek gawak imiŋek egisak. Juda amin morap da uŋun amin do nandaba wukwan imaŋ. Telagi aŋelo kinda da gak yaŋ gaban yutnikon kiki do iyigit. Kiŋek gak da gen di yaŋbi nandisak do iyigit." <sup>23</sup> Yaŋ iyinba Pita da amin uŋun yaŋban yutnon wiŋba kilani aban pakgwit.

### Pita Konilias da yutnon kigit

Wisa dagokdo pidaŋ kiŋakwa Jopa amin notni di kisi buŋon yolba kiwit. <sup>24</sup> Pita gat amin kiwit uŋun kosiron dipmin kinda pakgwit da wisa dagokdo Sisaria kokupmon kiŋ altawit. Altaŋakwa Konilias uŋun do jomjom aŋek egipgut. Ae yawi diwatni gat ae notsini gat yaŋ yoban apgwit uŋun gat kisi jomjom aŋek egipgwit. <sup>25</sup> Aŋakwan Pita obiŋ yoma wilaŋon wukwan Konilias uŋun Pita da akgiron kiŋ ŋwakbeŋ aŋek gawak imgut. <sup>26</sup> "Aŋakwan Pita da ilikban pidaŋakwan yaŋ iyigit, "Pidaŋ at! Nak madepgo dima."

<sup>27</sup> Yaŋ iyinban Konilias gat gen yaŋek yutnon wigi pindakban amin morapmisi muwukgwit. <sup>28</sup> Pindagek Pita da yaŋ yoyigit, "Ji disi nandaŋ, nin da gen tebanon Juda amin nin Amin Iŋwakŋwari Kabi gat muwuri uŋun dimasi tosok ae yutnikon ariŋmi dima kigigi. Mani Piŋkop da yaŋsi nolayinban kat, amin kisi morap uŋun gat tagi muwugek egipmi. Amin yokwi yaŋ yogogi mini. <sup>29</sup> Yaŋsi nolayinban kat, do ji dakon gen nagon kwan nandaŋek but bamot dima aŋek abisat. Ji mibili nido nak do gen yipba kigit?"

<sup>30</sup> Yaŋban Konilias da iyigit, "Yo kinda altaŋ naban egapno gildat 4 kabi mudak. Yo uŋun yaŋ noman taŋ namgut. Nin abisok gildat tobil do

3 kilok on ekwamanj unjoden bisapmon nak yutnokon egek bisit pi agim. Bisit anjek egapbo unjodon gin amin kinda injamnokon akban kagim. Imalni unjun tenjentini madepsi. <sup>31</sup>Altanjek yanj yagit, 'Konilias, gak bisit pi asal ae yoni mini amin panpulugosol Piŋkop da unjun anpak kanban tagisi asak. <sup>32</sup>Do gak amin di yabekbi kinj amin kinda mani Saimon ae mani kinda Pita unjun abidanj anop do Jopa kini. Pita unjun bulmakau gip panmilip ak amin kinda mani Saimon unjun da yutnon egisak. Yutni unjun tap ileŋon toso.' <sup>33</sup>Yanj nayinban unjodon gin gak idon opbi do amin yabekgo kiwit. Kinj gayinba nandanjek abisal unjun da tagisi asak. Abisok nin Piŋkop da dabilon muwamanj da yigek Amin Tagi da gen morap nin niyiki do gamsung unjun nandanen."

### Pita Konilias da yutnon Piŋkop gen yagit

<sup>34</sup>Yanban Pita da yanj yagit, "Nak abisok asisi nandanj kimokdot, Piŋkop da amin morap kisi do nandaban aripsi asak. <sup>35</sup>Amin miktimi miktimi Piŋkop do pasalek gawak imanj ae anpak kilegi anj, unjun amin do Piŋkop da nandaban tagisi asak. <sup>36</sup>Piŋkop da Israel amin kabi nin do Gen Bin Tagisi niyigit unjun ji disi nandanj. Geni kinda unjun yanj: Yesu Kristo unjun amin morap dakon Amin Tagi egisak. Yesu da pi aban Piŋkop gat but kalonj agimanj. <sup>37</sup>Judia miktimon yo morap altawit unjun ji disi nandanj. Jon da amin telagi pakbi soni do yoyin mudanjakwan Galili Provinskon yo yanj altawit. <sup>38</sup>Piŋkop da Yesu Nasaret kokupmon nani pini asak do yanj daganj iminek Telagi Wupni imgut. Iban yomani yomani kinjek amin panpulugagit. Piŋkop da Yesu gat egipgut do Sunduk da amin panupbal agit unjun Yesu da panmilip anj mudagit.

<sup>39</sup>"Judia miktimon ae Jerusalem kokup papmon yo morap agit unjun nin kanj nandanjo agimanj. Ae tilak kindapmon anjakba kimakgit. <sup>40</sup>Mani gildat kapbi anjakwan Piŋkop da wasok aban kimoron da pidanban anjalon anj yoban amin diwari da kawit. <sup>41</sup>'Amin kisi morap da dima kawit. Piŋkop da man bini yanj tenjentok ani do kokwinikgit kabi ninon gin altagit. Kimoron da pidanban nin unjun gat jap pakbiyo agimanj. <sup>42</sup>Piŋkop da amin kimakbi ae wayin abi unjun kisi anpakni kokwin asak do unjun amin manjigit. Nin da gen unjun amin yoyinenj do Yesu da yanj nimgut. <sup>43</sup>'Kombi amin kisi morap da Yesu da pi don asak do yanjkwok kalipsigwan kil awit. Yesu nandanj gadanj imanj amin unjun kisi morap Yesu dakon kilegi do Piŋkop da yokwini wiririk yomdisak."

<sup>44</sup>"Pita gen sigin yanjakwan Telagi Wup amin morap mirak panjek yikgwit unjun kabikon pigit. <sup>45-46</sup>'Anjakwan gen mibili mibilikon da

o 10.34 GT 10.17; Ro 2.11 p 10.37 Mt 4.12-17 q 10.38 Mt 3.16; Lk 4.17-21

r 10.41 Lk 24.42-43; Ya 1.8 s 10.42 Ya 17.31; 1Pi 4.5 t 10.43 Ais 53.5-6; Jer 31.34; Ya 2.38 u 10.44 Ya 11.15; 15.8 v 10.45-46 Ya 2.4; 19.6

Piņkop yaņ aņkisiwit. Aņakwa Juda amin di Yesu nandaņ gadaņ ingwit amin Pita gat akgwit uņun da but morap aņek yawit, “Mao, Piņkop da but galak do Telagi Wup Amin Ņwakaņwari Kabi kisi do yomisak!”

Yaņ yaņba Pita da yagit, <sup>47</sup>“Telagi Wup nin da abidagimaņ on amin yaņ gin abidoņ. Do telagi pakbi tagi soni.” <sup>48</sup>“Yaņek Yesu Kristo da manon telagi pakbi soni do yoyigit. Telagi pakbi soņ mudareņek Pita gildat kabi di gat uņudon egipni do iyiwit.

**Pita da paņmuwukbi Jerusalem egipgwit yo altaņ imgwit do yoyigit**

**11** <sup>1</sup>Yabekbi kabi ae paņmuwukbi kabi Judia miktimon egipgwit uņun da Amin Ņwakaņwari Kabi kisi da Piņkop gen kili abidawit uņun dakon geni nandawit. <sup>2</sup>Do Pita Jerusalem kwan nandaņ gadat amin giptimi mandabi da nandaba yokwi tok aņ imgwit. <sup>3</sup>“Yaņ aņek iyiwit, “Gak amin giptimni dima mandabi da yutnon kwi uņun gat jap nido nawit?”

<sup>4</sup>Yaņ yaņba Pita da yo morap altaņ imgwit uņun do yoyigit. <sup>5</sup>Yoyiņek yaņ yagit, “Nak Jopa kokup papmon bisit pi aņek butno pisaņakwan dipmin yombem kinda kagim. Kaņapbo Kwen Kokup da imal madep kinda kodigi 4 kabikon da yipba nak da egipgimon pigit. <sup>6</sup>Piņakwan nak uņungwan wisiņek bit kilapyo mibili mibili pindakgim. Uņungwan joņ bit kilapyo, ae birombak tuņon aminyo, ae minam amin da dima upmakbi uņun kisi pindakgim. <sup>7</sup>Yaņ pindagapbo gen kinda altaņek yaņ nayigit, ‘Pita, gak pidaņ on dapmaņ na.’

<sup>8</sup>“Nayiņban kobogi yaņ yagim, ‘Amin Tagi, aripmi dimasi dapmaņ nokeņ. Nak bisap kindakon jap kinda Juda amin da gen tebanon dima noknogi kinda dimasi nagim.’

<sup>9</sup>“Gen uņun aeni altaņ namiņek yaņ nayigit, ‘Yo Piņkop da paņmilip aban yo tagisi aņ uņun gak da dima noknogi yaņ dima yoki.’ <sup>10</sup>Yo uņun kosiri kapbi altaņ namiņek uņudon gin aeni Kwen Kokup wigigit.

<sup>11</sup>“Yaņ pindagapbo amin kapbi Sisaria kokupmon da nak do yabekgwit uņun amin nin da yut egipgumaņ yomakon uņudon paņabiņ akgwit. <sup>12</sup>Agakwa Telagi Wup da nak yaņ nayigit, ‘Gak but bamot dima aņek pigi uņun gat kini.’ Yaņ nayiņban pigapbo notno 6 kabi on akgamaņ uņun kisi buņon nolba kiņ Konilias da yutnon wigigimaņ. <sup>13</sup>Kiņ yutnikon wigapno Konilias da yaņ niyigit, ‘Aņelo kinda da altaņ namiņek yaņ nayigit, “Jopa kokup papmon amin kinda egisak mani Saimon, ae mani kinda Pita. Uņun amin kiņ iyiņba opjak do amin di yabekbi kini. <sup>14</sup>“Kiņ iyiņba obiņ gen di gayisak. Uņun gen gayiņban Piņkop da gak gat ae yutgokon amin morap ekwaņ uņun kisi yokwikon baņ timitdisak.” ’

15<sup>a</sup> “Yaŋ nayiŋban nak da wasaŋek yaŋapbo Telagi Wup ninon mibiltok pigit uŋun amin kabikon yaŋ gin pigit. 16<sup>b</sup>Yaŋ aŋakwan Amin Tagi da gen kinda yagit uŋun do butno pisagit. Yaŋ yagit, ‘Jon da telagi pakbi soŋ damgut. Mani Piŋkop da ji Telagi Wup soŋ damjak.’ 17Nin kalip Amin Tagi Yesu Kristo nandaŋ gadaŋ imgumaŋ bisapmon Piŋkop da Telagi Wupni but galak do nimgut. Ae uŋun amin kabi do yaŋ gin yomgut, do nak yombem da Piŋkop tagi dima kiriŋik ibom?”

18<sup>c</sup>Pita yaŋ yaŋban nandaŋek buri maŋakwa Piŋkop dakon man awigeŋk yaŋ yawit, “Nin abisok asisi nandamaŋ, Piŋkop da Amin Ŋwakŋwari Kabi kisi nandaŋ yomiŋakwan but tobiŋ aŋek egip egip abidoŋ.”

### Antiok amin paŋmuwukbi kaluk awit

19<sup>d</sup>Stiwen aŋakgwit bisapmon Yesu nandaŋ gadaŋ imgwit amin uwalni da yo yokwi aŋ yomiŋakwa wasaŋ ki Ponisia tetgin, ae Saiprus ae Antiok tetgin kiŋ kiŋ awit. Kiŋek Yesu dakon Gen Bin Tagisi Juda aminon gin yawit. 20Mani uŋun amin kabikon diwari uŋun Saiprus ae Sairini kokupmon nani uŋun da Antiok kiwit. Kiŋ Amin Tagi Yesu dakon Gen Bin Tagisi Grik amin kisi do yoyiwit. 21Yoyiŋakwa Amin Tagi da paŋpulugaŋakwan amin morapmi da nandaŋ gadat awit. Yaŋ aŋek but tobiŋ aŋek Amin Tagikon kiwit.

22<sup>e</sup>Uŋun dakon gen bini Jerusalem kwan paŋmuwukbi da nandaŋek Banabas yabekba Antiok kigit. 23Kiŋ Piŋkop da nandaŋ yawotni do aŋek yo tagisi aŋyomgut uŋun pindakgit. Pindagek but galaksi nandaŋek Amin Tagi bisapmi bisapmi but dasi nandaŋek yolni do yoyiŋ paŋteban agit. 24Banabas uŋun amin tagisi, nandaŋ gadatni tebaisi taŋakwan Telagi Wup uŋun da buron tugagit, do amin morapmisi da Amin Tagikon kiwit.

25<sup>f</sup>Antiok pi aŋ mudakek Banabas uŋun Sol wisin kok do Tasas kigit. 26Kiŋ Sol kaŋ abidaŋban Antiok apgumal. Apbal paŋmuwukbi gat Antiok bilak kinda egek amin morapmisi Piŋkop dakon gen yoyiŋ dekgimal. Antiok kokupmon amin da Yesu nandaŋ gadaŋ imgwit amin uŋun Kristo Dakon Amin Kabi yaŋ wasaŋek yoyiwit.

27Uŋun bisapmon kombi amin di Jerusalem yipmaŋek Antiok piwit. 28<sup>g</sup>Piŋakwa kombi amin kinda mani Agabus uŋun da pidaŋ agek Telagi Wup da aŋpulugaŋakwan yaŋkwok kinda yagit. “Miktimi miktimi jap minisi akdisak,” yaŋ yoyigit. (Uŋun dakon bami Klodias da kila amin madep egipgut bisapmon jap do awit.) 29Paŋmuwukbi Agabus da gen yagit uŋun nandaŋek notni Judia miktimon egipgwit paŋpulugok do yawit. Yaŋek amin kaloŋ kaloŋ moneŋ taŋ yomgwit da tilagon

<sup>a</sup> 11.15 Ya 2.4   <sup>b</sup> 11.16 Ya 1.5   <sup>c</sup> 11.18 Ya 13.48; 14.27   <sup>d</sup> 11.19 Ya 8.1-4  
<sup>e</sup> 11.22 Ya 4.36   <sup>f</sup> 11.25 Ya 9.30   <sup>g</sup> 11.28 Ya 21.10

paŋmuwukgwit. <sup>30</sup>hPaŋmuwuk Banabas gat Sol gat do yomiŋek yabekba Jerusalem paŋmuwukbi dakon kila amin do paŋkigimal.

### **Erot da Jems aŋakban kimagakwan Pita dam tebanon yipgut**

**12** <sup>1</sup>Uŋun bisapmon kila amin madep Erot da paŋmuwukbi diwari paŋupbal agit. <sup>2</sup>Aŋek Jon dakon padige Jems emat agak siba naŋ aŋakban kimagit. <sup>3</sup>Erot da yaŋ aban Juda amin da nandaba tagisi aban Pita kisi abidagit. (Uŋun Bret Yisni Mini Dakon Jap Noknok Bisap Madepmon agit.) <sup>4</sup>Abidaŋek aŋki dam teban yutnon yipmaŋek kilani ani do obip amin 16 kabi yopgut. Aŋek don Yapyap Bilak mudanaŋkwan amin morap da dabilon abiŋ gen pikon yip do nandagit. <sup>5</sup>Yaŋ nandaŋek Pita dam teban yutnon yipban kilani awit. Mani paŋmuwukbi da Piŋkop da Pita aŋpulugosak do bisit pi madepsi awit.

### **Aŋelo da Pita aŋpulugagit**

<sup>6</sup>Aŋwa Erot da Pita gen pikon yiyipmi yaŋ do kalbi obip amin bamori da bikbigon pagakwan kilani agimal. Pita uŋun nap teban bamori baŋ aŋteban awit. Aŋakwa obip amin diwari dam teban dakon yoma kila aŋek akgwit. <sup>7</sup>Aŋakwa uŋudon gin Amin Tagi dakon aŋelo kinda altaŋakwan tenŋeŋi madepsi kinda dam teban yutgwan tenŋeŋagit. Aŋakwan aŋelo da Pita gekgegikon tidaŋ aŋ yolek iyigit, “Gak tepmisi pidaŋ at!” Yaŋ iyinaŋkwan kisirikon nap teban bamot witdal kiŋ mibilikon magimal.

<sup>8</sup>Maŋakwal aŋelo da Pita yaŋ iyigit, “Gak imalgo paŋek kandap gwilgo yopmaŋ.” Iyiŋban yaŋ gin aŋakwan aeni iyigit, “Imal dubakgo paŋek nak nol.” <sup>9</sup>Yaŋ yaŋban Pita aŋelo yol aŋkigit. Mani aŋelo da uŋun asi asak yaŋ Pita dima nandaban pisagit. Butno pisaŋakwan dipmin yombem kinda kosot yaŋ nandagit. <sup>10</sup>iYaŋ nandaŋek kiŋ obip amin kabi kinda yapmaŋek kiŋ aeni obip amin kabi kinda gat yapmaŋek ain yoma tagit uŋudon kigimal. Uŋudon kiŋakwal ain yoma uŋun iyi witdal kiŋakwan kokup papmon piŋigimal. Piŋi timisok di kiŋek aŋelo uŋun Pita yipmaŋ dek kigit.

<sup>11</sup>Kiŋakwan Pita buri pisaŋakwan yagit, “O, kili nandako pisolok. Amin Tagi da aŋeloni kinda yabekban piŋ nak aŋpulugak. Erot gat ae Juda amin gat da yo morap ak do nandaŋek nepgwiron naŋ aŋpulugosok.”

<sup>12</sup>Yaŋ nandaŋek Jon dakon meŋi Maria uŋun da yutnon kigit. (Jon uŋun mani kinda Mak yaŋ iyiwit.) Amin morapmi uŋun yutnon muwuk egek bisit pi awit. <sup>13</sup>Yaŋ aŋek egakwa Pita da abiŋ waŋga

agek yoma domon tidagit. Tidaŋakwan oman miŋat kinda mani Roda uŋun da yoma witdal do aŋek opgut. <sup>14</sup>Obiŋ Pita dakon tek nandaŋ burikon kisik kisik madepsi nandagit. Yaŋ nandaŋek yoma dima witdalek tintim yaŋek kiŋ notni yaŋ yoyiŋgit, “Pita yoma domon akdak!”

<sup>15</sup>Yoyiŋban iyiwit, “Gak ŋugiŋi, Pita dam teban yutnon yiŋek aripmi dima apjak.”

Yaŋ iyinŋba sigin teban taŋek yaŋgit, “Asisi, Pita yomakon akdak!”

Yaŋban iyiwit, “Aŋeloni da bo akdak.”

<sup>16</sup>Yaŋ yaŋakwa Pita yoma sigin tidaŋban nandaŋek yoma witdalek Pita kaŋek but morap awit. <sup>17</sup>Yaŋ aŋakwa Pita da gen dima yaŋek tayaŋgok yiŋni do kisiri da tilak aŋ yomgut. Aŋek Amin Tagi da damon naŋ witdal aŋaŋ obik uŋun do yoyiŋgit. Yoyiŋ mudaŋek yoyiŋgit, “Ji da Jems gat not kabi gat yo on altaŋ namik uŋun do yoyini.” Yaŋ yoyiŋek Pita si abigiŋgit.

<sup>18</sup>Wisa dagokdo obip amin da Pita wisinŋba mudaŋban but morap aŋek notni yoyiŋ yoyiŋ aŋek yawit, “Pita dukwan kik?” <sup>19</sup>Erot da Pita wisinŋ koni do amin yabekban kiŋ wisiwit mani dima kawit. Dima kawit do Erot da obip amin Pita kila awit uŋun gen pikon yopmaŋek dapba kimotni do yoyiŋgit.

### Erot kimakŋit

Don Erot Judia miktim yipmaŋek Sisaria kokupmon paŋki egipgut. <sup>20</sup>Erot uŋun Saidon ae Tair kokupmon amin do nandaba yokwi tok madepsi aŋ yomgut. Uŋun kokup pap bamot japni uŋun Erot da miktim kila agiron uŋudon timikgwit. Mani Erot da japmi nandaŋek kosit sopsop aŋ yomgut. Yaŋ agit do kokup pap bamot kisi muwugek Erot dakon but mosak do kiŋ koneŋ yaŋ yaŋek kiwit. Kiŋ mibiŋtok Blastas do altaŋ imiŋek uŋun gat not aŋek don Erot do kiwit. (Blastas da Erot dakon dipmin potpot yutni dakon kila agit.)

<sup>21</sup>Kwa Erot da bisap kinda aŋ yomiŋek uŋun bisapmon kila amin madep yik imalni paŋek kila amin madep tamonikon yikŋit. Yiŋek gen madepsi yoyiŋgit. <sup>22</sup>Yaŋakwan amin da yaŋ tidaŋek yawit, “Uŋun amin dima, piŋkop kinda da yosok.” <sup>23</sup><sup>k</sup>Gen uŋun nandaŋek Erot iyi do nandaban wigakwan Piŋkop dima aŋkisigiŋit. Yaŋ agit do Amin Tagi dakon aŋelo da uŋudon gin aŋakban namat da naŋ iba kimakŋit.

<sup>24</sup><sup>l</sup>Mani Piŋkop dakon gen da ireŋtaŋ kokupmi kokupmi kigiŋit.

<sup>25</sup><sup>m</sup>Banabas gat Sol gat pini Jerusalem wasip aŋek Jon mani kinda Mak uŋun abidaŋbal kisi Antiok kiwit.

j 12.18 Ya 5.22-24 k 12.23 Dan 5.20 l 12.24 Ais 55.11 m 12.25 Ya 11.29-30; 15.37

**Pol miktimi miktimi agek Yesu dakon gen yaŋ tenŋenagit**  
(*Kilapmi 13.1–21.14*)

**Banabas gat Sol gat yabekgwit**

**13** <sup>1</sup>Antioŋ paŋmuwukbi kabikon kombi amin ae yoyiŋdet amin kisi egipgwit. Uŋun dakon mani yaŋ: Banabas, ae Simeon mani kinda Naija yaŋ iyiwit. Ae Lusias Sairini kokupmon nani, ae Manain uŋun moniŋisogon da Erot gat kaloni egipgumal, ae Sol. <sup>2</sup>"Bisap kindakon jap kelek egek Piŋkop gawak imiŋek egipgwit. Yaŋ anjakwa Telagi Wup da yoyigit, "Ji Banabas gat Sol gat manjiŋ yopba pi anjil do nandisat uŋun anjil." <sup>3</sup>"Yaŋ yaŋban nandaŋek Piŋkop do nandaŋek jap kelek egek bisit pi awit. Aŋ mudaŋek kisitni amin bamot da kwenon witiŋek yabekba kigimal.

**Amin bamot Saiprus miktimon Piŋkop dakon gen yaŋimal**

<sup>4</sup>Amin bamot Telagi Wup da yabekban Selusia kokup papmon pigigimal. Pigeŋ uŋudon da tap waggakon da Saiprus wigigimal. <sup>5</sup>Wigi Salamis kokup papmon kiŋ altaŋek Juda amin dakon muwut muwut yut tawit uŋudon agek Piŋkop dakon gen yaŋ tenŋenagimal. (Jon mani kinda Mak uŋun amin bamot gat kisi agek paŋpulugagit.)

<sup>6</sup>Aŋek miktim timjok kinda tap binap tosoŋ uŋun mani Saiprus uŋun kisisi agi mudaŋek don Papos kokup papmon kiŋ altawit. Kiŋ altaŋek Juda amin kinda kagimal. Uŋun amin sot wamwam amin ae kombi gen toptop yogok amin kinda. Uŋun amin mani Ba-Yesu. <sup>7</sup>Ba-Yesu uŋun gapman dakon mibiltok amin mani Segius Paulus uŋun dakon paŋpulugokni egipgut. Segius Paulus uŋun nandak nandakni wukwisi. Sol gat Banabas gat da obiŋ Piŋkop dakon gen yaŋbal nandisak do yaŋ yomgut. <sup>8</sup>Mani Segius da Yesu dima nandaŋ gadaŋ imjak do amin bamot uwal aŋ yomgut. (Ba-Yesu uŋun sot wamwam amin kinda do Grik genon da Elima yaŋ iyiwit.) <sup>9</sup>Mani Sol (mani kinda Pol) uŋun Telagi Wup da burikon tugaŋban Elimas tebaisi kaŋek yaŋ iyigit, <sup>10</sup>"Gak Sunduk dakon monji. Gak aŋpak tagisi morap toŋ uŋun dakon uwalni. Top gen yogok mibili mibili gat ae aŋpak yokwi morap uŋun gagon tugosok. Gak da Amin Tagi dakon aŋpak kilegisi paŋ upbal asal. Yokwi morap asal uŋun dima yopbi, ma?" <sup>11</sup>"Yaŋ yaŋek iyigit, "Nandaki, abisok Amin Tagi dakon kisit da gikban dabilgo piŋin tokdisak. Aŋakwan gildat dimasi kaŋek dabilgo yaŋ gin taŋakwan bisap dubagisok egipbi."

Pol da Ba-Yesu yaŋ iyinŋakwan uŋudon gin piŋin tuk da piŋ dabili sopgut. Sopmanŋakwan kosit wisik aŋek amin da kisirikon abidaŋek kosit

<sup>n</sup> 13.2 Ya 9.15   <sup>o</sup> 13.3 Ya 6.6   <sup>p</sup> 13.5 Ya 12.12; 15.39   <sup>q</sup> 13.11 Ya 9.8



yolini do pabidan dagok agit. <sup>12</sup> Yan anjakwan Segius unjun kanjek nandan gadat agit. Anjek Amin Tagi dakon gen do nandaban yo madepsi agit.

**Pisidia miktim dakon kokup kinda Antiok unjudon Piņkop gen yagimal**

<sup>13</sup> Pol gat notni gat kisi Papos kokup pap yipmanjek tap wakga abidanjek Pega kokup papmon kiwit. Pega kokup pap unjun Pampilia miktimon toso. Jon mani kinda Mak unjudon yopman degek tobił Jerusalem aeni pigigit. <sup>14</sup> Pega yipmanjek kiņ Antiok kokup papmon kiņ altawit. Antiok unjun Pisidia miktimon toso. Sabat bisap kindakon Juda amin da muwut muwut yutnon pawigi yikgwit. <sup>15</sup> Yigakwa unjun muwut muwut yut dakon kila amin da gen teban ae kombi amin gen Piņkop da papiakon toņ unjun ban diwari manjin mudanek Pol gat dabini gat do gen yan yipba pigigit, “Not kabi, ji amin dakon but panjeban ak do gen di yok do nandan kan tagi yoni.”

<sup>16</sup> Geni unjun nandanek Pol pidan agek tayanğok yitni yan do kisiri anenagek yan yoyigit, “Israel amin ae Amin Ijwakjwari Kabi, ji Piņkop gawak iman amin, nak do mirak yopni! <sup>17</sup> Israel amin dakon Piņkop da babiknin iyi do manjinek Isip miktimon gisam yomanjakwan amin morapmisi ireņ tawit. Don Piņkop da iyi da tapmimon Isip ban timik panogput. <sup>18</sup> Yan anjek miktim kibiri timon agek anpak yokwi aba Piņkop da yum pindagakwan bilak 40 egipgwit. <sup>19</sup> Anjakwan Kenan miktimon Piņkop da miktim 7 unjun dakon amin panjupbal anek miktimni Israel amin do wagil yomgut. <sup>20</sup> Unjun yo morap altaņ yomgwit unjun dakon bilakni 450 da aripmon altawit.

“Anjek don Israel amin miktimni abidan egakwa Piņkop da kila amini panalon an yomgut. Yan anjakwan wigi kombi amin Samuel altagit. <sup>21</sup> Samuel da bisapmon Piņkop da kila amin madepni kinda analon anjomjak do Israel amin da yawit. Yanba Samuel da Sol, Kis dakon monji nan analon an yoban unjun da kilani anjakwan bilak 40 yan agit. (Sol unjun Benjamin da jalapmon nani kinda.)

<sup>22</sup> x “Don Piņkop da Sol yan dagan iban isal egakwan Dewit da kila amin madep egipjak do manjigit. Piņkop da yan anek Dewit do yan yagit, ‘Nak Dewit Jesi dakon monji unjun kanjek butno tagisi asak. Unjun da geno tagisi guramitjak yan kosot.’ <sup>23</sup> Kalip Piņkop da yan teban tok gen kinda yan yagit, ‘Don amin kinda yabekgo unjun da Israel amin timitjak.’ Yagit unjun da aripmon Dewit dakon yawi diwaron nan Israel amin kabi timitjak do Yesu yabekgit. <sup>24</sup> Yesu pini dima wasanjakwan Jon da Israel amin but tobił anek telagi pakbi soni do yoyigit. <sup>25</sup> a Jon pini aban mudok

r 13.13 Ya 15.38 s 13.17 TP 1.7; 6.6; 12.51 t 13.18 IDT 14.34; GT 1.31-32

u 13.19 GT 7.1; Jos 14.1 v 13.20 GK 2.16; 1Sa 3.20 w 13.21 1Sa 8.5,19; 10.20-24

x 13.22 1Sa 13.14; 16.12; Kap 89.20 y 13.23 2Sa 7.12-16 z 13.24 Mt 3.1-2

a 13.25 Jn 1.20,27

do anjakwan yaŋ yoyigit, ‘Ji nak do namin yaŋ nandan? Nak ji da jomjom aŋ iman amin dima. Mani nandani, amin wukwisi kinda nak da buŋon noldak. Nak uŋun amin dakon piŋbisi egisat do uŋun dakon kandap gwil napni nak da aripmi dima witdali.’

<sup>26</sup>“Not kabi, Abraham dakon babini kabi, ae Amin ŋwakŋwari Kabi Piŋkop gawak iman amin, nandani. Piŋkop da amin yokwikon baŋ timitjak uŋun dakon but piso geni uŋun nin do yipban apgut. <sup>27</sup>Jerusalem amin gat ae kila amin gat da Yesu uŋun namin amin kinda yaŋ uŋun dima nandaba pisagit. Ae kombi amin dakon gen Sabat bisap morap manjiwit, mani dima nandaba pisagit. Do uŋun amin gen pikon yipmanjek anakba kimakgit. Yaŋ aba kombi amin da gen yawit uŋun bami noman tagit. <sup>28</sup><sup>b</sup>Yo yokwi kinda yaŋ ak, do tagi anatan yaŋ kinda dima kawit. Mani Pailat da anakban kimotjak do madepsi yawit. <sup>29</sup>“Gen morap uŋun do kalip kombi amin da papiakon kili mandawit uŋun da aripmon aŋ mudawit. Yaŋ anek bumjotni don tilak kindapmon naŋ kukwan anki kimakbi tamokon yipgwit. <sup>30</sup>Mani Piŋkop da kimoron naŋ aban pidagit. <sup>31</sup><sup>d</sup>Pidan gildat morapmi altaŋ yoban amin Yesu gat kisi Galili da Jerusalem pigiwit uŋun da kawit. Abisok Yesu kawit amin da uŋun dakon geni Juda aminon yaŋ tenŋenon.

<sup>32-33</sup><sup>e</sup> “Nin Gen Bin Tagisi dayaman. Piŋkop da kalip babiknin yaŋ teban tok kinda aŋ yomgut uŋun bami ton agit. Gwakni kabi nin da bisapmon Yesu kimoron naŋ aban pidanban gen yagit uŋun bami ton agit. Kap Papi 2 kon gen uŋun yaŋ mandabi:

‘Gak Monjino, nak abisok gak dakon Datgo asat.’

<sup>34</sup><sup>f</sup>Piŋkop da asi Yesu kimoron naŋ aban pidanban gen yagit uŋun bami ton agit. Aeni aripmi dimasi kimotjak. Piŋkop da uŋun do yaŋ yagit:

‘Kalip Dewit do yo tagisi ae telagisi aŋ im do yaŋ teban tok agim uŋun yo ji do daben.

Yo morap uŋun yagim uŋun da tilagon asi altokdan.’

<sup>35</sup><sup>g</sup>Ae uŋun do Piŋkop da papiakon gen kinda gat yaŋ tosok:

‘Gak Telagi Amingo kimakbi tamokon yipbi taneŋ dima miktosak.’

<sup>36</sup>“Nin nandaman, Dewit kalip Piŋkop dakon galaktok yolek egipgut. Anek don kimakban bumjotni anki iyi dakon babikni da kimakbi yopyop tamokon yipba taneŋ miktagit. <sup>37</sup>Mani amin uŋun Piŋkop da kimoron naŋ aban pidagit uŋun amin giptimni dima miktagit. <sup>38-39</sup><sup>h</sup>Uŋun do anek not kabi gen uŋun yaŋ tenŋenoman uŋun pakyansu nandani. Uŋun amin da nin dakon yokwi wiririt aminin egisak. Moses dakon gen teban guramigek ji amin kilegi aripmi dima ani. Yokwisi sigin tan damni. Mani uŋun amin da amin morap iyi do nandan gadan iman amin uŋun

<sup>b</sup> 13.28 Mt 27.22-23   <sup>c</sup> 13.29 Mt 27.59-60   <sup>d</sup> 13.31 Ya 1.3,8   <sup>e</sup> 13.33 Kap 2.7  
<sup>f</sup> 13.34 Ais 55.3   <sup>g</sup> 13.35 Kap 16.10   <sup>h</sup> 13.38-39 Ro 10.4

yokwini wiririk yomihek amin kilegisi yan yoyisak. <sup>40</sup>Ji kan kimotni! Dima kan, kalip kombi amin da gen yawit unun jikon altosak. Gen unun yan yawit:

<sup>41</sup> <sup>i</sup> ‘Manji gen yogok amin ji yo aben unun kanek but morap anek wagil tasik toni.

Ji da bisapmon yo nwakwari kindi akdisat.

Amin kindi da yo unun akdisat unun do dayisak kan, ji aripmi dima nandan gadakdan.’ ”

<sup>42</sup>Pol da gen unun yoyin mudanban Banabas gat yomakon pigakwal amin da yan yoyiwit, “Jil awiki Sabat bisapmon aesil obhek gen unun sigen niyinjil.” <sup>43</sup>Yan yoyinba amin kisi muwut muwut yut yipmanek yomakon pigiwit. Pigakwa Juda amin morapmi gat ae Amin Nwakwari Kabikon nani morapmi Juda aminon sanhek Pinkep but dasi gawak imgwit amin gat kisi Pol gat Banabas gat yolgwit. Yolakwa amin bamot da Pinkep dakon nandan yawotni do nandanek tebaisi agek egi anan kini do yoyin panjeban agimal.

<sup>44</sup>Awuki Sabat bisap unun abinakwan unun kokup pap dakon amin morapmisi da Pinkep dakon gen nandak do abin muwukgwit.

<sup>45</sup>Muwugakwa Juda amin da amin morapmisi muwukba pindagek amin bamot do yanba yokwi tok anek Pol da gen yagit abin yipgwit.

<sup>46</sup>JYan anakwa Pol gat Banabas gat da pasol pasoli mini yan yoyigimal, “Asisi, nit pi kokwinik nimgut da tilagon Pinkep gen mibiltok Juda amin ji do kalip dayamak. Mani ji da gen unun abidok do dima galak ton. Yan anek egip egip dagok dagogi mini dimasi abidone yan disi yon. Do nit ji depmanek Amin Nwakwari Kabikon kinde. <sup>47</sup>kAmin Tagi da yan anek do kili yan niyigit:

‘Nak da ji manjin depbo Amin Nwakwari Kabi dakon tenjenj madejni egipni.

Anek miktimi miktimi ekwan amin panpuluganakwa yokwikon ban timikgen do manjin depgum.’ ”

<sup>48</sup>Yan yanban nandek Amin Nwakwari Kabikon nani da tagisi nandek Amin Tagi dakon gen do but galaksi nandawit. Anakwan minjat amin morapyo egip egip dagok dagogi mini abidoni do manjin yopgut unun da nandan gadat awit. <sup>49</sup>Anakwa Amin Tagi dakon gen da unun miktim da kokup morap kisi iren tagit. <sup>50</sup>Mani Juda amin da minjat man madejni ton Pinkep dosi pasalgwit, ae unun kokup pap dakon kila aminyo kisi dakon but sugawit. Yan anek Pol gat Banabas gat yokwi anyomihek unun miktimon dima egipjil do yolgwit. <sup>51</sup>Yan aba yokwi iyikon gin tosok yan nandani do kandapnikon kimbaban tawit unun tidanbal kinakwa Ikoniam kokup papmon kigimal. <sup>52</sup>Kinakwal Antiok

<sup>i</sup> 13.41 Ab 1.5    <sup>j</sup> 13.46 Ya 3.26; 18.6    <sup>k</sup> 13.47 Ais 49.6    <sup>l</sup> 13.51 Mt 10.14; Ya 18.6

kokupmon Yesu nandaŋ gadaŋ imgwit amin burikon kisik kisik nandawit, ae Telagi Wup da tugaŋ yomgut.

**Banabas gat Pol gat Ikoniam kokupmon Piŋkop gen yagimal**

**14** <sup>1</sup>Pol gat Banabas gat Antiok kokupmon Piŋkop dakon pi agimal unjudeŋ gin Ikoniam kokupmon yaŋ gin agimal. Juda amin da muwut muwut yut kindakon wigeŋ gen tagisi yoyiŋakwal Juda ae Grik amin morapmi da nandaŋ gadat awit. <sup>2</sup>Mani Juda amin diwari dima nandaŋ gadawit unjun da Amin Iŋwakŋwari Kabi dakon but sugawit. Sugaŋba nandaŋ gadat awit miŋat amin do nandaba yokwi tok anjomgwit. <sup>3</sup><sup>m</sup>Pol gat Banabas gat bisap dubagi Ikoniam egeŋ Amin Tagi dakon gen madepsi yoyigimal. Aŋek Amin Tagi da tapmim yomiŋakwan wasok tapmimi toŋ morapmi agimal. Yaŋ anjakwal amin da Piŋkop asi amin do nandaŋ yawok yomisak yaŋ nandani do Amin Tagi da wasok tapmimi toŋ unjun yoligit.

<sup>4</sup>Mani unjun kokup papmon amin kabi bamori pudaŋ kiwit. Kabi kinda Juda amin gat akgwit, ae kabi kinda yabekbi bamot gat akgwit. <sup>5</sup><sup>n</sup>Aŋek don Amin Iŋwakŋwari Kabikon nani gat ae Juda amin gat ae kila amini gat kisi da yaŋ nandat aŋek Pol gat Banabas gat yokwi an yomiŋek tipbaŋ dap do awit. <sup>6</sup>Mani amin bamot unjun yo ak do awit unjun pindak nandaŋyo aŋek kokup unjun yipmaŋek Likonia miktimon kigimal. Kiŋ kokup pap bamot Lista ae Debe ae kokup moniŋ moniŋ unjudon tawit kisi ageŋ <sup>7</sup>Gen Bin Tagisi yaŋ teŋteŋaŋ yomgumal.

**Banabas gat Pol gat Likonia miktimon Piŋkop gen yagimal**

<sup>8</sup>Lista kokup papmon amin kinda kandapmi alek taŋbi mibilikon gin yigeŋ egipgut. Meŋi da yaŋ anjalagit. <sup>9</sup>Unjun amin Pol da Piŋkop dakon gen yaŋakwan mirak paŋakwan Pol da unjun amin kilek tosak dakon nandaŋ gadatni taŋban kagit. <sup>10</sup>Kaŋek madepsi yaŋek yaŋ iyigit, “Gak pidaŋ bamaŋ at!” Yaŋ iyinban amin unjun wigi maŋek wasaŋek kosit agipgut.

<sup>11</sup><sup>o</sup>Pol da wasok unjun aban kaŋek miŋat amin morapyo da Likonia genon da yaŋ tidaŋek yaŋ yawit, “Mao, piŋkop ekwaŋ di da amin giptim paŋek ninon peŋ!” <sup>12</sup>Banabas unjun Sus yaŋ iyineŋek Pol unjun gen yogok amin do Emes yaŋ iyiwit. <sup>13</sup>Kokup kidat Sus unjun dakon Telagi Yut Madepni kokup pap da waŋga kapmatjok tagit. Unjun telagi yut dakon mukwa sogok amin bulmakau wili di jareŋ baŋ paŋtilim abi unjun paŋabiŋ kokup pap da yoma kagakon yopgut. Mukwa sogok amin gat ae miŋat aminyo gat kisi amin bamot do bulmakau dapmaŋek mukwa soŋ yomdo awit.

<sup>m</sup> 14.3 Mk 16.20; Ibr 2.4    <sup>n</sup> 14.5 Ya 14.19    <sup>o</sup> 14.11 Ya 28.6

<sup>14</sup>Yañ anjakwa yabekbi bamot Banabas gat Pol gat paret añ yom do añ dakon geni nandan wuripdak imalni pidañek miñat amin morap kabikon pigi yañ tidañek yañ yagimal, <sup>15</sup>*P* “Not kabi, ji nidosi unun akdañ? Nit amin ji yombem gin. Nit ji do Gen Bin Tagisi dayamak. Ji da kokup kidat unun yopmañek Piñkop egip egipmi toñ egisak unudon gin tobilni do dayamak. Unun Piñkop da miktim, kundu ae tap wasañek yo morapni kisi wasañ yopgut. <sup>16</sup>*Q*Kalip miktimi miktimi amin kabi morap egipgwit unun yum pindagakwan galaktokni yolek egipgwit. <sup>17</sup>Mani amin da Piñkop asi egisak yañ nandani do yo tagisi morapmi damisak. Sikak yipban mañakwan pigaga jap tagisi pañjereñ añ daban aripmisi nañek kisik kisik añ.” <sup>18</sup>Amin bamot gen unun yañek amin dakon but pabik do pali pañtidok agimal. Mani dima, buri mañakwa paret dima awit.

<sup>19</sup>*S*Juda amin di Antiok ae Ikoniam da apgwit unun da amin dakon but sugañba Pol uwal añ imgwit. Uwal añ imiñek Pol tip bañ añañek kili kuñwak yañ nandañek ilik añañ abigi kokup pap da wañga yipgwit. <sup>20</sup>Yipba tañakwan don Yesu nandañ gadañ imgwit amin da abin muwuk Pol añañwasañek akgwit. Yañ anjakwa pidañban kokup papmon aeni pigiwit. Pigi pakgwit da wisa dagokdo Banabas gat unun kokup pap yipmañek Debe kokup pap kigimal.

#### **Pol gat Banabas gat da amin dakon but pañteban agimal**

<sup>21</sup>Amin bamot Debe kokup papmon Gen Bin Tagisi yoyiñ teñteñañakwal amin morapmisi da Yesu nandañ gadañ imgwit. Añek unudon da tobil Lista ae Ikoniam ae Antiok kigimal. <sup>22</sup>“Unun kokup pap kapbi gwasañek Yesu nandañ gadañ imgwit amin dakon but pañteban añek yañ yoyigimal, “Yesu dima yipmañ degek nandañ gadañ imiñek tebaisi atni. Mibiltok jigi morapmi pañek don Piñkop da Amin Kila Asagon kikdamañ.” <sup>23</sup>Yañ yoyiñek pañmuwukbi kabi morap egi añañ kiwit unun do kila amini manjiñ manjiñ awit. Añek Piñkop do nandañek jap kelek egek bisit pi añek egipgwit. Añek unun kila amin kabi egip egipni Amin Tagikon tosok yañsi nandawit amin unun Amin Tagi da kisiron yopgumal.

#### **Aeni Antiok kokup pap Siria miktimon kigimal**

<sup>24</sup>Yañ añek Pisidia miktim nañ kiñek Pampilia miktimon kiñ altagimal. <sup>25</sup>Altañek Pega kokupmon Piñkop gen yoyiñek Atalia kokup papmon pigigimal.

<sup>26</sup>“Pigi tap wakga kinda abidañek Atalia kokup pap yipmañek Antiok kokupmon kiñ altagimal. Kalip Antiok pañmuwukbi da amin bamot

---

*P* 14.15 Kap 146.6; Ya 10.26    *Q* 14.16 Ya 17.30    *R* 14.17 Jer 5.24    *S* 14.19 Ya 17.13; 2Ko 11.25    *T* 14.22 Ya 15.32; 1Tes 3.3    *U* 14.26 Ya 13.1-2

Amin Tagi da nandan yawok yomiŋek paŋpuluganjakwan Piŋkop dakon pi anjil do yabekba kigimal. Kiŋ Piŋkop dakon pi aŋ mudanek aeni <sup>27</sup>v<sup>a</sup>abiŋ altaŋek paŋmuwukbi yaŋ yobal apba Piŋkop da paŋpuluganjakwan yo morap agimal uŋun dakon geni yoyiŋek yaŋ yagiŋmal, “Piŋkop da Amin Ŋwakŋwari Kabi nandan gadat dakon kosit witdal yoban nandan gadat awit.” <sup>28</sup>Yaŋ yanek Antiok paŋmuwukbi gat gildat morapmi egipgwit.

**Paŋmuwukbi dakon muwut muwut madep kinda Jerusalem awit**

**15** <sup>1</sup>Pol gat Banabas gat Antiok egakwal amin diwari Juda miktimon da piŋ paŋmuwukbi yoyiŋ degek yaŋ yoyiwit, “Ji Moses dakon gen guramiŋek giptimji dima mandani kaŋ, Amin Tagi da ji dima timitjak.” <sup>2</sup>\*Yaŋ yoyiŋakwa Pol gat Banabas gat da nandabal yokwi taŋban uŋun amin gat gen emat madepsi awit. Yaŋ aŋakwa paŋmuwukbi da amin bamot gat ae nandan gadat amin di gat manjiŋ yopba Jerusalem kiwit. Kwa yabekbi gat paŋmuwukbi dakon kila amin gat gen uŋun aŋmilip ani yaŋ do yabekgwit.

<sup>3</sup>Yabekba Ponisia ae Samaria miktim uŋun baŋ kiwit. Kiŋek uŋun miktim bamotgwan nandan gadat amin yaŋ yoyiŋimal, “Amin Ŋwakŋwari Kabi da but tobiŋ aŋek Piŋkopmon kwaŋ.” Gen uŋun yoyiŋbal but galak madepsi nandawit. <sup>4</sup>Jerusalem kiŋ altaŋba paŋmuwukbi gat ae kila amini gat ae yabekbi kabi gat da gildat tagi yaŋ yoyiwit. Yaŋ yoyiŋba Piŋkop da paŋpuluganjakwan yo morap agimal uŋun dakon geni yoyiŋimal. <sup>5</sup>Yaŋbal nandan gadat amin di Parisi da kabikon nani uŋun da pidaŋ agek yaŋ yawit, “Amin Ŋwakŋwari Kabikon nani uŋun giptimni mandanek Moses dakon gen teban guramitni do yoyini.”

<sup>6</sup>Yaŋ yaŋba yabekbi kabi gat ae paŋmuwukbi dakon kila amin gat da gen uŋun niaŋ yono kilek tosak yaŋ do muwukgwit. <sup>7</sup><sup>z</sup>Muwugek yaŋ nandat morapmisi aŋek Pita da pidaŋ agek yaŋ yoyiŋit, “Not kabi, ji kili nandan. Piŋkop da pi kokwinik nimiŋek nak Gen Bin Tagisi Amin Ŋwakŋwari Kabikon yaŋapbo nandanek nandan gadat ani do nak kilisok manjiŋit. <sup>8</sup><sup>a</sup>Piŋkop da amin morap dakon but kisi pindak mudosok. Pindak mudanek Telagi Wupni Juda amin nin do nimgut, yaŋ gin Amin Ŋwakŋwari Kabi amin kisi do yomgut. Yaŋ agit do Piŋkop da uŋun amin timit do tagisi nandisak yaŋ nandamaŋ. <sup>9</sup>Nin do wasok kinda aŋek uŋun amin do wasok ŋwakŋwari kinda asak yaŋ yogogi mini. Nandan gadat aŋakwa butni sugaŋ paŋmilip asak. <sup>10</sup><sup>b</sup>Do ji abisok nido Piŋkop aŋkewalek paŋmuwukbi da kwapmon yo jigi yopmanŋaŋ? Kalip babiknin da Moses dakon gen teban uŋun guramit do aŋtidok awit, ae ninyo kisi uŋun guramit do aŋtidok amaŋ. <sup>11</sup><sup>c</sup>Do yaŋsi nandan gadaneŋ, Amin

v 14.27 Ya 15.4,12 w 15.1 Gal 5.2 x 15.2 Gal 2.1 y 15.4 Ya 14.27 z 15.7 Ya 10.1-43  
a 15.8 Ya 10.44; 11.15 b 15.10 Mt 11.30; Gal 3.10 c 15.11 Gal 2.16; Ep 2.5-8

Tagi Yesu dakon nandan yawotni do anek Pin kop da nin yokwikon ban timikdak. Ae unun amin kabi kisi yan gin timikdak.”

<sup>12</sup>Pita yan yanban amin muwuk yikgwit kisi tayangok yigek Pol gat Banabas gat do mirak yopgwit. Mirak yopmanakwa Pin kop da panpuluganakwan Amin Iwawakwari Kabikon wasok tapmimi ton agimal unun do yoyigimal. <sup>13</sup><sup>d</sup>Yoyin mudanakwal Jems da yan yagit, “Not kabi mirak pani. <sup>14</sup>Pin kop da wasanek Amin Iwawakwari Kabikon amin timikban iyi dakon amin kabi awit unun do Saimon da kili niyik. <sup>15</sup>Pin kop da Amin Iwawakwari Kabi don timitdisak dakon geni unun kombi amin da kalipsigwan kili yawit. Gen unun yan tosok:

<sup>16</sup> <sup>e</sup> ‘Amin Tagi da yan yosok, “Dewit dakon diwatni unun yut kinda yombem.

Unun yut da man tuwil kigit, mani nak da aeno don abin anmilip anek witjiken.

<sup>17</sup> Yan abo Amin Iwawakwari Kabi morap naga do kili manjigim unun da Amin Tagini nak wisini.” ’

<sup>18</sup> Gen unun Amin Tagi da kalipsigwan kili yagit.”

<sup>19</sup> Jems da sanbenek yan yagit, “Do nak yan nandisat, Amin Iwawakwari Kabi but tobil anek Pin kopmon kwan unun nin da jigi dima yomneq do nandisat. <sup>20-21</sup><sup>f</sup>Kalipsi da win abisok on ekwamanon kokup pap morap tan anan kwanon Moses dakon gen yan tetenawit. Sabat bisap morapmon Juda amin dakon muwut muwut yutnon Moses dakon gen manjin manjin awit. Do yum but piso papia kinda yan mandan yomneq. Ji kokup kidat do paret abi unun dakon jap dima noni. Jap unuden Pin kop da pindakban dima noknogi an. Ae minat wiliyo yumabi mibili mibili dimasi ani. Ae bit kilapyo si tipba kwan gat ae yawiyo kisi dimasi noni.”

### Papia kinda yipba kigit

<sup>22</sup> Yabekbi kabi gat ae kila amin gat ae panmuwukbi morap gat da iyikon amin bamori pindakba Pol Banabas gat Antiok kini do yawit. Yan yanek Judas mani kinda Basabas gat ae Sailas gat yan manjiwit. Unun amin panmuwukbi dakon kila amin bamot egipgumal. <sup>23</sup> Amin bamot do papia yomgwit unjungwan gen yan mandawit,

“Nin yabekbi kabi ae panmuwukbi dakon kila amin, nin ji dakon notji da papia on mandaman. Amin Iwawakwari Kabi Yesu nandan gadan iman amin Antiok ae Siria ae Silisia Provinskon ekwan ji gildat tagi yan dayaman.

<sup>24</sup> “Nin da kabikon amin diwari da kin ji dakon nandak nandak panupbal awit dakon geni kili nandagiman. Nin da yan yoyini yan dima

<sup>d</sup> 15.13 Gal 2.9   <sup>e</sup> 15.16-18 Am 9.11-12   <sup>f</sup> 15.20-21 TP 34.15-17; MS 17.10-16

yoyinapno kin dayiwit. <sup>25</sup>Nin idon muwuk but kalon anjek amin bamot ji do kini do manjigiman. Manjin yopno notnin bamot galagisi nandan yomaman Pol ae Banabas unun gat kini do yan yomguman. <sup>26</sup>Amin bamot unun egip egipni dima pankutnanjek Amin Taginin Yesu Kristo dakon man yoyin tenjenagimal. <sup>27</sup>Nin da Judas gat Sailas gat gen on mandaman unun nan gin dayinjal do yabekgaman. <sup>28</sup>Telagi Wup da nandisak, ninyo kisi yan gin nandanek yan dayaman, jigi morapmi dima damnen. Gen teban onjok bangin yolni. <sup>29</sup>Ji bit kilapyo kokup kidat do dapman paret an unun dima noni. Ae yawi dima noni. Ae si tipba kwon ununyo kisi dima noni. Anjek minat wiliyo yumabi mibili mibili dima ani. Ji kan kimagek unun anpak morap yapni kan unun tagisi. Nin dakon gen yan gin. Do ji tagisi egipni.”

<sup>30</sup>Amin bamot yabekba Antiok pigi panmuwukbi kabi yan yobal muwukba papia unun yomgumal. <sup>31</sup>Yobal panmuwukbi da papia unun manjinba unun da buri panteban aban but galaksi nandawit. <sup>32</sup>Anakwa Sailas gat Judas gat unun kombi amin bamori do gen tagisi morapmi panmuwukbi yoyinek buri panteban agimal. <sup>33-34</sup>Amin bamot unun Antiok bisap dubagkok egipgumal. Egek don panmuwukbi da galok gen yoyinek but yawot gat kinjal yan yoyinek yopba amin yabekba kigimal kabikon aeni kigimal. <sup>35</sup>Kinjakwal Pol gat Banabas gat Antiok sigin egek amin diwari gat kisi yoyindet pi awit. Anjek Amin Tagi dakon gen yoyin tenjenawit.

### Pol gat Banabas gat but kalon dima agimal

<sup>36</sup>Gildat di egi mudanek Pol da Banabas yan iyigit, “Nit aenit kokup papmon agek nandan gadat amin pindatden. Amin Tagi dakon gen yan tenjenan yomgumak tagi panek ekwan bo yan do agek pindatden.” <sup>37</sup><sup>h</sup>Banabas unun Jon mani kinda Mak unun kisi abidanbal agipni do nandagit. <sup>38</sup><sup>i</sup>Mani Mak kalip Pampilia miktimon yopman degek abinakan iyi gin pi agimal, do Pol unun gat agip do nandaban tagi dima agit. <sup>39</sup>Unun do anjek gen emat madepsi agimal. Yan anjek pidan ki Banabas da Mak abidanban tap wakga kinda abidanek Sairpus miktim timon wigigimal. <sup>40</sup>Yan anakwal Pol Sailas nan abidagit. Anakan panmuwukbi da Amin Tagi dakon nandan yawotni jilon tosak yan yoyinba kigimal. <sup>41</sup>Kin Siria ae Silisia miktimon agek Pol da panmuwukbi morap yoyin panteban agit.

### Pol da Timoti abidanban Sailas gat kisi agipgwit

**16** <sup>1</sup>Pol Debe kokup pap kinjek unudon da Lista kokup pap kin altagit. Unun kokupmon Yesu dakon panetni kinda egipgut



mani Timoti. Menji unun Juda miñat kinda. Unun miñat Yesu nandan gadan imgut. Mani datni unun Grik amin kinda. <sup>2</sup>Ɓanmuwukbi kabi Lista kokup pap ae Ikoniam kokup papmon egipgwit amin da Timoti do amin tagisi kinda yan yawit. <sup>3</sup>Do Pol Timoti abidoko kisi agipden yan nandagit. Mani Juda amin unun miktimon egipgwit da Timoti dakon datni unun Grik amin kinda yan kili nandawit. Do Juda amin dakon but moni do Pol da Timoti dakon gip mandagit. <sup>4</sup>Añek Timoti abidanban kokup papmon agek gen kalip kila amin gat yabekbi kabi gat da Jerusalem muwugek anteban awit unun ban panmuwukbi yoyinek yan yoyiwit, “Ji gen on nan guramigek egipni.” <sup>5</sup>Yan anakwa panmuwukbi morap dakon nandan gadat teban tagit. Gildari gildari amin da panmuwukbi kabikon sanbenba amin kabi madepsi awit.

### Pol da Masadonia amin kinda dipminon kagit

<sup>6</sup>Telagi Wup da Esia miktimon Pinjok dakon gen dima yonjil do yansop anyomgut, do Pol gat Timoti gat kin Prigia ae Galesia miktimon binap nan kigimal. <sup>7</sup>Misia miktimon kin altañek Bitinia miktimon pigik do agimal. Mani Yesu dakon Wup da dima piginjil do kosit soggut. <sup>8</sup>Yan aban Misia miktimon yapmanek Troas kokup papmon pigigimal. <sup>9</sup>Pigi unun kalbi Pol da buri pisanakwan dipmin yombem kinda kanakwan Masadonia amin kinda da yan iminek yan iyigit, “Gak tap pidanek Masadonia miktimon obin nin panpulugoki.” <sup>10</sup>Pol da unun kanek Pinjok da iyi Gen Bin Tagisi kin yoyinen do yan nimisak yan nandanek unudon gin Masadonia kik do tagap tagiman.

### Lidia nandan gadat agit

<sup>11</sup>Nin Troas kokup pap yipmanek tap wakga kinda abidanek nomansi kin miktimon timjok kinda tap binap tosok unun mani Samares unudon wigi altagiman. Wisa dagokdo unun miktimon yipmanek tap wakga aenin abidanek Neapolis kokupmon kigiman. <sup>12</sup>Ae unun kokup yipmanek Pilipai kin altagiman. Pilipai unun Masadonia miktimon dakon kokup pap madepni. Unun Rom da kila agit. Rom amin morapmi da kalip kili apgwit da unun kokupmon ekwan. Nin unudon gildat kabi di egipguman. <sup>13</sup>Egek Sabat bisapmon kokup pap dakon yoma kagakon pigi yapmanek wanga pigi pakbi kindakon kigiman. Nin unun pakbikon tamo kinda koneñon bisit anen yanon da pigigiman. Unun pakbikon pigi pindatno miñat di muwukgwit pindak unudon yigek Gen Bin Tagisi yoyigiman. <sup>14</sup>Miñat kinda unun kabigwan yikgit unun mani Lidia, kokupni Taitaira. Lidia imal gami ban yopmanek moneñ ilit pi anek egipgut. Unun Pinjok gawak iminek egipgut. Amin Tagi da Lidia dakon but yomani witalban

k 16.2 Pil 2.19-22    l 16.4 Ya 15.23-29    m 16.6 Ya 18.23

Pol da gen yagit do bamisi yosok yaŋ nandaŋek mirak pakyaŋsi yopgut. <sup>15</sup>Aŋek miŋat uŋun gat ae yutnikon egipgwit amin gat kisi telagi pakbi sowit. Soŋ mudanek yaŋ niyigit, “Nak asisi Amin Tagi Yesu do kili nandan gadaset yaŋ nandan namaŋ kaŋ, nak da yutnon paŋki egipneŋ.” Yaŋ yaŋek yutnikon si kineŋ do teban taŋban kigimaŋ.

### Pol gat Sailas gat Pilipai dam teban yutnon yopgwit

<sup>16</sup>Bisap kindakon nin bisit agak tamokon kigimaŋ. Kino oman miŋatjok kinda kosiron apban domdom agimaŋ. Uŋun miŋatjok koŋni kinda taŋ imiŋakwan yo don altoni uŋun do yaŋkwok agit. Amin da opba yo don altoni dakon mibili yoyiŋakwan kila amini da moneŋ madepsi timikgwit. <sup>17</sup>Nin kiŋapno miŋatjok uŋun Pol gat nin gat da buŋon nolek yaŋ tidaŋek yaŋ yagit, “On amin uŋun Piŋkop Wikwisi Madep dakon oman monjini. Piŋkop da ji yokwikon baŋ timitjak dakon gen dayaŋ.”

<sup>18</sup>Miŋatjok uŋun yaŋ sigin yaŋakwan gildat morapmi agit. Yaŋ aŋakwan Pol uŋun nandaŋek kuragisi nandan tobil koŋ yaŋ iyigit, “Yesu Kristo da yaŋ dagok aŋnamgut do yaŋsi gayisat, gak miŋatjok on yipmaŋ degek wiŋ abigi!” Yaŋ iyinban uŋudon gin koŋ miŋatjok uŋun yipmaŋ dekgit.

<sup>19</sup>Yaŋ aban oman miŋatjok uŋun dakon kila amini moneŋ timit timit kositnin pasildak yaŋ nandawit. Yaŋ nandaŋek Pol gat Sailas gat timik tebais ilik paŋpaŋ kila amin do maket tamokon paŋkiwit. <sup>20</sup>Amin bamot paŋpaŋ gen kokwin amin madepmon paŋki yopmaŋek yaŋ yoyiwit, “On Juda amin bamot da nin dakon kokup papmon amin but sugaŋbal upbalap madepsi aŋ. <sup>21</sup>Rom dakon aŋpagon yo dima aneŋ do gen teban tosok on amin bamot da amin uŋun tetgin ilik paŋgwamal.”

<sup>22</sup>Yaŋ yaŋakwa amin muwukgwit kisi da yaŋba yokwi tok aŋyomgwit. Yaŋ aba gen kokwin amin madep da amin bamot dakon paba pigikni iligek kaliŋ kiriŋbaŋ baljoni do yoyiwit. <sup>23</sup>Yoyiŋba madepsi baljaŋek dam teban yutnon yopgwit. Yopmaŋek dam teban yut dakon kila amin kilani tebaisi asak do iyiwit. <sup>24</sup>Iyinba nandaŋek amin bamot pawigi dam teban yutnon yut moniŋ kinda yutgwansi tagit uŋudon yopgut. Yopmaŋek dima abigiŋjil yaŋ do kandapni kindap kwuk baŋ paŋteban agit.

<sup>25</sup>Yaŋ aban egek kalbi binap Piŋkop do bisit aŋek ae kap yaŋakwal dam teban yutnon amin yikgwit da nandawit. <sup>26</sup>Aŋakwa uŋudon gin wudip madepsi kinda aŋek dam teban yut dakon gwak paŋ kwakwalikgit. Yaŋ aŋakwan yoma kisi witdal kiŋ mudanekwa amin morap kisit kandapnikon yo paŋteban awit uŋun kisi witdal ki mawit. <sup>27</sup>Maŋakwa dam teban yut dakon kila amin dipminon da pidaŋ pindakban dam teban yut dakon yoma kisi pisawit. Yaŋ pindak amin kisi abigi mudan yaŋ nandaŋek nak kila tagi dima at yaŋon da emat agak sibani ilik iyi naŋ sugok do agit.

<sup>n</sup> 16.17 Mk 1.24   <sup>o</sup> 16.20 Mk 13.9   <sup>p</sup> 16.22 2Ko 11.25; 1Tes 2.2   <sup>q</sup> 16.27 Ya 12.18-19

28 Yaŋ ak do aŋakwan Pol da yaŋ tidaŋek yaŋ iyigit, “Giptingo goman di abim! Dam teban yutnon amin nin kisi morap oni ekwamaŋ.”

29 Yaŋ yaŋakwan dam teban yut dakon kila amin teŋteŋi kind aŋopni do yaŋit. Aŋopba abidaŋ pasol pasol nandaŋek tintim yaŋek kiŋ Pol gat Sailas gat da buron gawagek nandaban wukwan yomgut. 30 Yaŋ aŋek amin bamot timik yut buri moniŋi yikgimal uŋun yipmaŋek yut buri madep do pabigi yaŋ yoyigit, “Amin bamot, niaŋ aŋapbo Amin Tagi da nak yokwikon naŋ abidosak?”

31 Yaŋ yaŋban iyigimal, “Gak Amin Tagi Yesu nandaŋ gadaŋ imiŋaki Piŋkop da gak gat ae yutgokon amin ekwaŋ gat kisi yokwikon baŋ timitjak.” 32 Yaŋ iyineŋ Amin Tagi dakon gen iyineŋ amin morap yutnikon egipgwit gat kisi yoyigimal. 33 Yoyiŋbal kalbi binap uŋun bisapmon giŋ dam teban yut dakon kila amin da amin bamot timik paŋki giptimni obip amin da baljaŋba dagawit uŋun pakbi baŋ sugagit. Yaŋ aŋek uŋudon giŋ iyi ae gwakni kisi telagi pakbi sowit. 34 Aŋek amin bamot timikban yutnikon pawigi yigakwal jap yomgut. Amin uŋun gat gwakni gat Piŋkop nandaŋ gadaŋ imineŋ burikon da kisik kisik madepsi nandawit.

35 Wisa dagokdo gen kokwin amin madep da obip amini yabekba kiŋ dam teban yut dakon kila amin yaŋ iyiwit, “Gak amin bamot uŋun yopbi kinjil.”

36 Yaŋ iyinba kiŋ Pol yaŋ iyigit, “Jil dam teban yut yipmaŋek kinjil do gen kokwin amin madep da gen yipba obisak. Do jil but yawot gat kinjil.”

37 Mani Pol da obip amin yaŋ yoyigit, “Manit Rom gapmanon tosok. Do nidosi nit dakon mibilnit pakyaŋsi dima kokwinineŋek amin morapmi da dabilon nindapmaŋek dam teban yutnon nipmaŋ? Yaŋ ayiŋ da abisok nit pasilikon da nipba kikkdamak? Uŋun tagi dima. Amin madep uŋun da iyisi abiŋ pulugaŋ nipba kindeŋ.”

38 Yaŋ yoyiŋban obip amin da Pol da gen yoyigit uŋun aŋaŋ gen kokwin amin kabi yoyiwit. Yoyiŋba Pol gat Sailas gat Rom amin bamori yaŋ yaŋba nandaŋek si pasalgwit. 39 Aŋek gen kokwin amin madep da dam teban yutnon kiŋ amin bamot buri moni do kokwin tagisi dima aŋek yo yokwisi aŋdamgumaŋ, gen yaŋ yoyineŋ paŋpaŋ wanga pabigiwit. Yaŋ aŋek kokup pap uŋun yipmaŋ kinjil do gen yaworikon da yoyiwit. 40 Yoyiŋba Pol gat Sailas gat dam teban yut yipmaŋek Lidia da yutnon wigigimal. Wigi nandaŋ gadat amin pindak buri paŋteban ak do gen yoyigimal. Yaŋ aŋek don kokup pap yipmaŋek kigimal.

### Tesalonaika amin da Pol gat Sailas gat dap do awit

**17** 1 Pol gat dabini gat Ampipolis kokupmon kiŋ altawit. Kokup uŋun yipmaŋek Apolonia kokup papmon kiŋek Tesalonaika

kokup papmon kinj altawit. Uñun kokup papmon Juda amin dakon muwut muwut yut kinda tosok. <sup>2</sup>Pol iyi Sabat bisap morapmon wigi wigi agit yañ gin uñun muwut muwut yutnon Juda amin gat wigiwit. Sabat bisap kapbi kisi uñun yutnon wukwan Piñkop dakon gen dakon mibili yañ nandat awit. <sup>3</sup>Añek Pol da Piñkop dakon gen dakon mibili yoyiñ teñteñay yomgut. Gen uñun asi bamì noman tañ mudarñ yañ yoyiñek yagit, “Kombi amin da Kristo tepmi pañek kimagek don aeni pidosak do yañkwok kalipsigwan kili awit. Uñun Yesu do dayiñ teñteñosot, uñun Kristo yañsi dayisat.” <sup>4</sup>Yañ yoyiñban Juda amin diwari da Pol gat Sailas gat dakon gen nandañek nandañ gadat añek amin bamoron sañbewit. Añakwa Grik amin morapmi Piñkop gawak imgwit amin ae kila amin miñat morapmi kisi amin bamot yolgwit.

<sup>5</sup>Yañ añakwa Juda amin da amin bamot do nandaba yokwi tok añ yomgwit. Yañ nandañek maket tamokon pidok amin di egipgwit uñun timikba uñun gat amin morapmi pañmuwuk buri sugañba upbalap madepsi awit. Yañ añek timtim yañek amin kinda mani Jeson uñun da yutnon kinj Pol gat Sailas gat wisin timik amin morap da inamon pabigi yopneñ yañ yañek kiwit. <sup>6</sup>Mani amin bamot mini pindak Jeson gat pañmuwukbi kabi di gat timik ilik pañpañ uñun kokup pap dakon kila aminon pañkiwit. Pañkiñek yañ tidañek sitnok anyomiñek yawit, “On amin miktimi miktimi agek yokwi morapmi añ da abisok idon abeñ da ekwañ. <sup>7</sup>Jeson da uñun amin yañban yutnikon pawigi ekwañ. Uñun amin morap kisi kila amin madepnin Sisa dakon gen tebani uñun yapmañek yañ yoñ, ‘Kila amin madep ñwakiñwari kinda egisak uñun mani Yesu.’”

<sup>8</sup>Gen uñun yañba nandañek miñat aminyo gat ae kokup pap dakon kila amin gat wiripdagek upbalap madep awit. <sup>9</sup>Yañ añakwa kila amin da Jeson gat notni gat yoyiñba monen yopmañek abigiwit. Upbalap dima noman tosok kañ monenñi ae timitni yañon da yopgwit.

#### **Pol gat Sailas gat Beria kokup papmon pi agimal**

<sup>10</sup>Pilin tañakwan pañmuwukbi da Pol gat Sailas gat yabekba Beria kigimal. Kinj altañek Juda amin da muwut muwut yutnon wigigimal. <sup>11</sup>Juda amin Beria egipgwit uñun amin tagisi. Añpakni da Juda amin Tesalonaika egipgwit uñun yapgut. Pol dakon gen do galagisi nandañek gildari gildari Piñkop dakon gen uñun pakyañsi manjiñ nandawit. Manjiñ nandañek Pol da gen asi yosok bo suñ yosok yañ do kokwin awit. <sup>12</sup>Añek Juda amin morapmi da nandañ gadat awit. Ae Grik kila amin miñat morapmi da nandañ gadat añakwa Grik wili morapmi uñun kisi yañ gin awit.

§ 17.7 Lk 23.2; Jn 19.12

<sup>13</sup>Yañ anjakwa Juda amin Tesalonaika egipgwit unun da Pol unun Beria kokupmon egek Piŋkop dakon gen yosok yañ nandawit. Yañ nandajek obiñ amin dakon but sugañ pañupbal awit. <sup>14</sup>Anjakwa unudon gin pañmuwukbi da tepmisi Pol yabekba tapmon pigigit. Pigakwan Timoti gat Sailas gat unun Beria sigin egipgumal. <sup>15</sup>Egakwal Pol Atens kokup papmon pigi altañek iyi gat pigiwit amin yañ yoyigit, “Ji tobil Beria wigi Timoti gat Sailas gat yoyinba tepmi pinjil.” Yañ yoyinban wigiwit.

### Pol Atens kokup papmon Piŋkop dakon gen yagit

<sup>16</sup>Pol Atens egek Timoti gat Sailas gat do jomjom añek egipgut. Egek unun kokup papmon kokup kidat dakon wup morapmisi pindagek buri yokwisi agit. <sup>17</sup>Yañ agit do Juda amin da muwut muwut yutnon wigigit. Unudon Juda amin gat ae Amin ņwakñwari Kabikon amin Piŋkop gawak imañ amin gat kisi egipgwit. Unun amin da Piŋkop dakon mibili pakyañsi nandani do gen tebaisi yoyigit. Ae gildari gildari maket tamokon pañki egek amin kiñ ap awit unun gat kisi yañ gin agit. <sup>18</sup>Anjakwan Epikorian ae Stoik<sup>u</sup> amin kabi bamot unun dakon nandak nandak amin diwari da opba Pol gat gen emat anjakwa di da yañ yawit, “On gen pakbi amin ni gen nañ yosok?” Ae di da yawit, “Miktim dubagikon nani dakon piŋkop unun do bo yosok?” Pol da Gen Bin Tagisi yoyiñek Yesu do yoyigit ae amin kimoron da pidoni do kisi yoyigit unun do añek gen unun yawit. <sup>19</sup>Unun amin da Pol abidañ añañ gen kokwin amin kabi kinda fleñ Areopaguskon muwukgwit unudon añkiñek yañ iyiwit, “Nin gak da gen kalugi unun amin yoyiñ dekdal unun niyiki do nandamañ. <sup>20</sup>Gen yosol unun nandano ņwakñwarisi asak do mibili niyiñbi nandano.” <sup>21</sup>(Atens miñat amin morap ae amin dubagikon da apba egipgwit ununyo kisi yañ awit, bisapmi bisapmi nandak nandak kalugi mibili mibili unun do yañ nandat añ egek bisapni madepsi nañ nañ awit.)

<sup>22-23</sup>Pol Ariopagus muwut muwut tamokon kila amin da binapmon pidañ agek yañ yagit, “Atens amin nak kokupji añgwasinek agek piŋkop gawak yomyom añ unun dakon yo kidat pindakgim. Pindagek alta kindakon gen kinda yañ mandabi kagim: On Alta Unun Piŋkop Kinda Mibilni Dima Nandamañ Unun do Wasañbi. Nak yañ kagim do añek ji do yañ nandisat, ji piŋkop gawak yomyom dakon añañpak do nandaba yo madepsi asak. Unun Piŋkop mibilni dima nandajek isal dogin gawak imañ unun dakon mibilisi dayiko nandabit.

---

† 17.17 Ya 18.19    <sup>u</sup> 17.18 Epikorian amin kabi unun on miktim dakon kisik kisik mibili mibili do yo bamisi yañ nandawit. Anjakwa Stoik amin kabi unun giptim dakon galaktok dima yolneñ kañ, nin amin tagisi yañ nandawit.

24<sup>v</sup> “Piŋkop miŋtim ae yo morap miŋtim da kwenon toŋ wasaŋ yopgut uŋun Piŋkop da kundu ae miŋtim dakon Amin Tagi Madep egisak. Yaŋdo, amin kisit da telagi yut wutjaŋ uŋudon dima egisak. 25<sup>w</sup> Ae yo kinda do wadak wadak aban amin kisit da yo uŋun wasaŋek Piŋkop aŋpulugogi uŋun dima tosok. Piŋkop da iyi egip egip ae mirim ae yo morap gat kisi amin kisi do yomisak. 26<sup>x</sup> Piŋkop uŋun da amin kalonŋisikon da amin kabi morapmi wasagit. Wasaŋban ireŋ tajeŋ kiŋ miŋtimi miŋtimi aripmisi agit. Egipni dakon bisap gat ae miŋtim egipni dakon kilapmi kisi kokwinik yomgut da ekwaŋ. 27<sup>x</sup> Amin da Piŋkop tebai wisih koni do aŋek uŋun agit. Mani Piŋkop dubagikon dima egisak. Kapmatjok nin da bikbigon egisak. 28<sup>y</sup> Kap wasok aminji kinda da yaŋ yagit, ‘Uŋun da egip egip nimisak ae tapmim nimiŋakwan kosit akwamaŋ.’ Ae kinda da yaŋ yagit, ‘Ninyo kisi uŋun dakon monjini ekwamaŋ.’

29<sup>y</sup> “Nin Piŋkop dakon monjini ekwamaŋ, do Piŋkop uŋun gol bo silwa bo tip yombem yaŋ dima nandaneŋ. Piŋkop amin da nandak nandagon da yo kisit da wasoŋ uŋun yombem dima. 30<sup>z</sup> Kalip nandaŋ kokwini tagi dima amin egakwa Piŋkop da yo kinda dima aŋyomiŋek yum pindagakwan egipgwit. Mani abisok amin morap dukwan dukwan ekwaŋ but tobił ani do gen tebai yosok. 31<sup>a</sup> Don miŋat amin morap gen pikon yop do bisap kinda kili yiŋgut. Uŋun bisapmon gen kokwin kilegisi aŋek miŋtim amin kisi morap gen pikon yopdisak. Gen kokwin pi uŋun asak do Piŋkop da amin kinda kili manjigit. Uŋun amin Piŋkop da asisi kimoron naŋ aban pidagit, do amin morap yaŋsi nandaŋ imni, Piŋkop da gen kokwin pi uŋun amindosi imgut.”

32<sup>b</sup> Pol da amin kimoron da pidoni do yaŋban amin diwari da jigilak gen yaŋ imgwit. Mani diwari da yaŋ iyiwit, “Yo uŋun yosol uŋun do di gat niyihbi nandaneŋ do nandamaŋ.” 33<sup>c</sup> Yaŋ yaŋba Pol muwut muwut tamo yiŋmaŋek kigit. 34<sup>d</sup> Amin diwari Pol yolek nandaŋ gadat awit. Kinda uŋun mani Dionisius. Uŋun amin gen kokwin amin Ariopagus muwut muwut tamokon muwukgwit uŋun kabikon nani kinda. Ae miŋat kinda mani Damaris, ae amin diwari kisi nandaŋ gadat awit.

### Pol Korin kokup papmon Piŋkop dakon gen yagit

**18** <sup>1</sup> Don Pol Atens yiŋmaŋek Korin kokup papmon kigit. <sup>2</sup> <sup>a</sup> Kiŋ Juda amin kinda kagit mani Akwila. Akwila uŋun Pontus miŋtimon nani kinda. Kili yaŋgok miŋatni Prisila gat Itali miŋtim yiŋmaŋek opgumal. Itali miŋtim mibili yaŋ do yiŋmaŋek apgumal. Rom dakon kila amin madep Klodias da Juda amin kisi morap Rom kokup pap uŋun yiŋmaŋ kiŋ mudoni do gen tebai yiŋgut. Pol uŋun amin wam pindat do

<sup>v</sup> 17.24-25 1KA 8.27; Ya 7.48    <sup>w</sup> 17.25 Kap 50.12    <sup>x</sup> 17.27 Kap 145.18; Jer 23.23  
<sup>y</sup> 17.29 Ais 40.18-20; 44.10-17; Ya 19.26    <sup>z</sup> 17.31 Kap 96.13    <sup>a</sup> 18.2 Ro 16.3

kigit. <sup>3</sup>Pol da yut kabeŋ dakon imal bupbup pi agit unun amin wamyo kisi pi yaŋ gin agimal, do Pol kwan egek unun pi awit. <sup>4</sup>Pol Sabat morapmon Juda amin dakon muwut muwut yutnikon wigigit. Wikwan Juda ae Grik amin Yesu nandaŋ gadaŋ imni do gen emaron da nayiŋbi gayiko awit.

<sup>5</sup>Sailas gat Timoti gat Masadonia yipmaŋek piŋakwal Pol imal yut pi agit unun yipmaŋek Piŋkop dakon pi gin agit. Piŋkop dakon gen yoyiŋek Juda amin yaŋ yoyigit, “Yesu unun asi Kristo.” <sup>6</sup>Mani Juda amin da Pol dakon gen abiŋ yipmaŋek jigilak gen yaŋ imgwit. Yaŋ aba imalnikon jimjim tawit tarapmikban maŋakwa yaŋ yoyigit, “Ji Tipdom do amin ani kaŋ, gulusuŋ unun disi dakon, nak dakon dima. Nak abisok Amin Ŋwakŋwari Kabikon kiŋ Piŋkop dakon gen unudon yokeŋ.” <sup>7</sup>Yaŋ yoyiŋek muwut muwut yut unun yipmaŋek unudonjok piŋi amin kinda mani Titus Jastus unun da yutnon wigigit. Titus unun Piŋkop gawak imiŋek egiŋgut. <sup>8</sup>Unun muwut muwut yut dakon mibiltok amini mani Krispus unun gat gwakni gat Pol da Piŋkop dakon gen yaŋban Amin Tagi nandaŋ gadaŋ imgwit. Ae Korin kokup papmon amin morapmi nandaŋ gadat aŋek telagi pakbi sowit.

<sup>9</sup>Kalbi kindakon Amin Tagi da Pol buri piŋaŋakwan dipmin yombem kinda kaŋakwan altaŋ imiŋek yaŋ iyigit, “Gak dima pasalek nak dakon geno sigin yaŋ teŋteŋoki. Gen mapmit dima aki. <sup>10</sup>Nak gak gat egisat. Nak dakon amin morapmisi on kokup papmon ekwaŋ, do amin kinda da dima gitjak.” <sup>11</sup>Iyiŋban Pol Korin egakwan bilak kinda mudajaŋakwan ae bilak kinda dakon kanek 6 kabi egek Piŋkop dakon gen yoyiŋ dekgit. <sup>12</sup>Mani Galio da Akaia miktim dakon kila amin madep yikgit bisapmon Juda amin da muwugek Pol uwal aŋ imiŋek abidaŋ ilik aŋaŋ gen pi yutnon aŋki yipmaŋek yaŋ yawit, <sup>13</sup>“On amin da amin Rom dakon gen teban dima guramitni do yoyiŋ degek Piŋkop gawak imim dakon kosit ŋwakŋwari yolisak.”

<sup>14</sup>Yaŋ yaŋba Pol da geni kobogi yoyik do agit. Mani Galio da Juda amin yaŋ yoyigit, “Juda amin, on amin Rom gapman dakon gen teban kinda yapgut, bo ae aŋpak yokwi kinda agit kaŋ, ji dakon gen tagi nandakeŋ. <sup>15</sup>Mani ji disi dakon gen moniŋ moniŋ ae man ae gen tebanji do yoŋ. Nak unuden gen do gen pi ak do dima galak tosot. Disi yaŋ paŋmilip abit.” <sup>16</sup>Yaŋ yoyiŋek yolban gen pi yut yipmaŋek abigiwit. <sup>17</sup>Abigi unudon gin Korin amin da amin kinda mani Sostenes abidaŋek gen pi tamo da kapmatjok aŋakgwit. Yaŋ aba Galio unun awit do nandaban yo isali agit. Sostenes unun Juda amin dakon muwut muwut yut dakon kila amin kinda.

---

<sup>b</sup> 18.3 Ya 20.34    <sup>c</sup> 18.5 Ya 17.14-15    <sup>d</sup> 18.6 Ya 13.46,51; 20.26    <sup>e</sup> 18.10 Jos 1.9; Ais 41.10

### Pol aeni Antiok kokup pap Siria miktimon kigit

<sup>18</sup>f Pol gildat morapmi Korin egek don pañmuwukbi galok gen yoyiñek Prisila gat Akwila gat timikban Senkria kokupmon pigiwit. Pigi altañek Pol Piñkop do yañ teban tok kinda kili agit, do busuñ dangwani mandagit. Yañ añek Siria miktimon kik do añek tap wakga kinda abidawit. <sup>19</sup>Abidañek Epesas kokup papmon kiñ altawit. Altañek Prisila gat Akwila gat unudon yopmañek Pol iyi Juda amin da muwut muwut yutnon wukwan Juda amin gat Piñkop dakon gen dakon mibili do gen emat añek nayiñbi gayiko awit. <sup>20</sup>Añek yañ iyiwit, “Gak nin gat timisok di gat egek don kiki.”

Yañ iyiñba yoyigit, “Aripmi dima egipneñ.” <sup>21</sup>Mani yopmañ kik do añek yañ yoyigit, “Piñkop da ji do aeno opbeñ do nandisagon don opbeñ.” Yañ yoyiñek tap waggakon wigeek Epesas yipmañek kigit. <sup>22</sup>Kiñ Sisaria kokup papmon altañek unudon da Jerusalem wigi pañmuwukbi gildat tagi yañ yoyiñek Antiok kokup papmon pigigit. <sup>23</sup>Pigi Pol bisap dubakgok Antiok egek don aeni Galesia ae Prigia miktimon kokup morap toñ unudon kokup gwasik agit. Yañ añek Yesu nandañ gadañ imgwit amin morap dakon nandañ gadat pañteban agit.

### Apolos da Epesas kokup papmon Piñkop gen yagit

<sup>24</sup>Pol kokup gwasik añaqwan Juda amin kinda mani Apolos unun Aleksandria kokup papmon amin kinda unun pañabiñ Epesas egipgut. Unun amin gen yogokni tagisi, ae Piñkop dakon gen dakon mibili pakyañsi nandagit. <sup>25</sup>Amin da Apolos Amin Tagi dakon mibili do iyiñ dekba kili nandagit. Ae Amin Tagi dakon gen but dasi nandañek amin yoyiñ dekgit. Yañ añek Yesu dakon mibili suñ dima yagit. Bamisi yañ teñteñagit. Mani Jon da telagi pakbi sogit unun dogin nandagit. <sup>26</sup>Apolos unun Juda amin da muwut muwut yutnon wigeek pasol pasoli mini Piñkop dakon gen madepsi yoyigit. Yoyiñakwan Prisila gat Akwila gat da geni nandañ Apolos abidañ añki yutnikon egek Piñkop dakon mibili pakyañsi nandañ pisolak do iyiñ dekgimal.

<sup>27-28</sup>g Don Apolos Akaia miktimon kik do nandak nandak añaqwan Epesas pañmuwukbi da buri añteban awit. Yañ añek papia kinda Akaia pañmuwukbi da Apolos kwan tagisi abidoni do mandawit. Añaqwa Apolos kiñ Akaia miktimon altañek amin da dabilon Juda amin dakon top geni pabiñ yopgut. Añek Piñkop da papiakon gen toñ unun pañteñteñ añek Yesu unun asi Kristo yañ yoyigit. Yañ añek Piñkop dakon nandañ yawotni do añek nandañ gadat awit amin unun madepsi pañpulugagit.

f 18.18 IDT 6.18; Ya 21.24 g 18.27-28 Ya 9.22



**Pol da Epesas kokup papmon Piņkop dakon gen yagit**

**19** <sup>1</sup>Apolos Korin egipgut bisapmon Pol koron tetgin agek don Epesas pigi altagit. Pigi altaņek Yesu dakon paņdetni diwari pindakgit. <sup>2</sup>Pindagek yaņ yoyigit, “Ji nandaņ gadat awit bisapmon Telagi Wup abidawit bo dima?”

Yaņ yoyiņban yawit, “Dima, nin Telagi Wup kinda egisak yaņ dima nandagiņa.”

<sup>3</sup>Yaņba Pol da yoyigit, “Kaņ ji ni telagi pakbi naņ sowit?”

Yoyiņban yawit, “Nin Jon dakon telagi pakbi naņ sogiņa.”

<sup>4</sup>Yaņba Pol da yaņ yoyigit, “Jon da amin telagi pakbi soņ yomgut uņun but tobił aņek telagi pakbi soni do agit. Jon da yaņ yoyigit, ‘Amin kinda nak da buņon noldak uņun amin naņ nandaņ gadaņ imni.’ Jon da gen yagit uņun Yesu do yagit.” <sup>5</sup>Pol da gen uņun yaņban nandaņek Amin Tagi Yesu da manon telagi pakbi sowit. <sup>6</sup>Piņkop dakon pakbi soņakwa Pol da kisiri kwenikon wiņiņakwan Telagi Wup da uņun kabikon piņakwan gen mibili mibili yaņek kombi gen yawit. <sup>7</sup>Amin uņun 12 kabi da tilak da awit.

<sup>8</sup>Pol Juda amin dakon muwut muwut yutnon wiņek Piņkop gen madepsi yoyigit. Aņek Piņkop da Amin Kila Asak dakon gen do yaņek gulusuņ nandak nandakni paņmilip ak do aban notni pabiņ yopmaņ yopmaņ awit. Pol pi uņun aņek kanek kapbi egipgut. <sup>9</sup>Mani diwari gen uņun nandaņek but teban aņek nandaņ gadat ak do dima galak tawit. Yaņ aņek amin morapmi da dabilon Yesu Yolyol Kosit do yaņba yokwi tok awit. Yaņ aņakwa Pol gat Yesu dakon paņdetni gat yopmaņ degek si kiwit. Kiņ Pol gildari gildari yaņ nandak yut kindakon wukwan Piņkop dakon gen dakon mibili do nayiņbi gayiko awit. Yaņ nandak yut uņun Tiranus dakon. <sup>10</sup>Pol bilak bamori egek Piņkop gen yaņakwan Esia miķtimon Juda amin ae Grik amin egipgwit uņun kisi morap da Amin Tagi dakon gen nandawit.

**Skewa dakon monjini da koņ yol do awit**

<sup>11</sup>Pol Piņkop da aņpulugaņakwan wasok tapmimi toņ ŋwakņwarisi morapmi agit. <sup>12</sup>Yaņ agit do amin da imal dakni paņobiņ Pol da kwenon wiņiņek paņki sot amin do yoba timiķgwit. Timiķakwa sotni mudanaķwa koņni wiņ abigiwit. <sup>13</sup>Aņakwa Juda amin diwari da agek Amin Tagi Yesu da manon da koņ yol do aņek yaņ yawit, “Pol da amin kinda dakon mibili yaņ teņteņosok, uņun Yesu. Uņun da manon gayiko abigi!” <sup>14</sup>Juda amin dakon mukwa sogok amin dakon amin madep kinda mani Skewa

<sup>h</sup> 19.1 1Ko 3.6 <sup>i</sup> 19.2 Ya 8.16 <sup>j</sup> 19.4 Mt 3.11 <sup>k</sup> 19.6 Ya 8.17; 10.44,46 <sup>l</sup> 19.11 Ya 14.3  
<sup>m</sup> 19.12 Ya 5.15

uŋun dakon monjini 7 kabi da yaŋ gin awit. <sup>15</sup> Aŋakwa bisap kindakon koŋ kinda da gen kobogi yaŋ yoyigit, “Nak Yesu nandaŋ imisat, ae Pol yo kisi nandaŋ imisat. Mani ji namin?” <sup>16</sup> Yaŋ yoyijek koŋni toŋ amin da miŋgaŋ kwenikon wigi obisi dapmaŋek imalni paŋ dagaŋ yopban yut yipmaŋek molaŋ abigiwit.

<sup>17</sup> Juda amin ae Grik amin morap Epesas egipgwit uŋun yo altaŋit dakon geni nandaŋek madepsi pasalgwit. Yaŋ aŋek Amin Tagi Yesu dakon man do nandaba wukwisi agit. <sup>18</sup> Aŋakwa amin nandaŋ gadat kili awit uŋun da amin morap da iŋamon kalip yo yokwi morap awit uŋun yaŋ teŋteŋawit. <sup>19</sup> Aŋek amin morapmi Sunduk dakon yo kidat pawilgwit uŋun dakon mibili papiani paŋabiŋ amin morapmi da dabilon kindapmon soŋba sowit. Papia uŋun dakon yumaŋ nogi manjikba 50 tausen silwa moneŋ agit.

<sup>20</sup> Yaŋ aŋakwa Amin Tagi dakon gen tapmimi toŋsi ireŋ taŋ aŋaŋ kokupmi kokupmi kigit.

<sup>21</sup> Yo morap uŋun altaŋ mudaŋakwa Pol Jerusalem kik do aŋek miktim bamot Masadonia ae Akaia baŋ kik do nandagit. Nandaŋek yagit, “Nak Jerusalem kiŋek don Rom kokup papmon kikkosi nandisat.” <sup>22</sup> Pol paŋpulgok bamotni Timoti gat Erastas gat baŋ yabekban uŋun da kalip Masadonia kiŋimal. Kiŋakwal Pol iyi Esia miktimon bisap dubakgok egipgut.

### Pol uwal aŋ imgwit

<sup>23</sup> Uŋun bisapmon Epesas amin da Yesu Yolyol Kosit do yaŋba yokwi tok aŋek upbalap madepsi awit. <sup>24</sup> Mibili yaŋ do awit. Kisit kilda amin kinda egipgut mani Demitius. Uŋun amin silwa baŋ kokup kidat miŋat Atemis uŋun dakon wup wasagit. Moneŋ ilit pi aŋek pi monjini moneŋ madepsi timikgwit.

<sup>25</sup> Demitius uŋun iyi dakon pi monjini ae kisit kilda amin diwari kisi yaŋ yoban muwukba yaŋ yoyigit, “Disi nandaŋ, pi on amaŋon moneŋ madepsi timikgamaŋ. <sup>26</sup> Disi kili kaŋ nandaŋyo awit. Pol da amin dakon nandak nandakni kili paŋupbal aŋ mudagit. Aŋek amin kisit da kokup kidat wasoŋ uŋun yo bami dima yaŋsi yosok. Pol da gen uŋun yaŋakwan Epesas kokupmon amin ae Esia miktim amin da nandaba gen uŋun bamisi asak. <sup>27</sup> Pol dakon gen da moneŋ ilit kositnin aŋupbal akdisak do nak si pasoldot. Piŋkop madep Atemis dakon telagi yut do amin da nandaba yo isalisi akdisak. Aŋek Atemis dakon man madepni mokdisak. Esia miktimon ae miktimi miktimi amin kisi uŋun piŋkop miŋat naŋ gawak imaŋ. Mani Pol da uŋun dakon man madep abiŋ yip do pi asak.”

<sup>n</sup> 19.17 Ya 5.11    <sup>o</sup> 19.21 Ya 23.11; Ro 1.13    <sup>p</sup> 19.23 2Ko 1.8

<sup>28</sup> Yan yanban amin gen unun nandan japtan yan tidanjek yawit, “Epesas nin dakon Atemis unun da wukwisi madep!” <sup>29</sup> Yan yanjek unun kokup papmon amin morapmi da madepsi yan tidanjek upbalap madepsi awit. Anjek Pol dakon notni bamori unun ilik panpan muwut muwut yut madepmon panjkiwit. Unun amin bamot unun Masadonia amin, Pol gat kisi agipgwit. Mani kinda Gaius ae kinda Aristakus. <sup>30</sup> Anjakwa Pol amin da binapmon kik do nandagit mani panmuwukbi da dima kisak do kosit sopsop awit. <sup>31</sup> Ae Esia gapman dakon amin madep di unun Pol dakon notni, ununyo kisi da Pol muwut muwut yut madepmon dimasi kisak do gen yipba apgut.

<sup>32</sup> Amin muwukgwit unun nandan upbal madepsi awit. Yan anjek madepsi yan tidanjek gen mibili mibili yawit. Ni mibili do muwukgaman unun dima nandaba pisagit. <sup>33</sup> Juda amin da amin kinda mani Aleksanda yipba minjat amin morap da inamon agakwan amin da yokwi unun da bo ak yan nandawit. Yan anjakwa Aleksanda da Juda amin nin da dima aman yanon da geni kobogi yoyik do anjek upbalap dima yoni do kisiri da tilak an yomgut. <sup>34</sup> Mani amin da Juda amin kinda yan kan nandanjo anjek madepsi sigin yan tidanjek yawit, “Epesas nin dakon Atemis unun wukwisi madep!” Unun gen nanjin sigin yanjakwa bisap 2 aua da arip agit.

<sup>35</sup> Yan anjakwa Epesas kokup pap dakon kilda mandakni da gen sopman yominek nawa gen yan yoyigit, “Epesas amin, amin morap kisi nandan, Atemis daman dakon telagi yut ae tipni kundukon da magit unun kisi nin da kokup papmon tanjakwal nin da kilani aman yan nandan niman. <sup>36</sup> Unun top dima unun asisi do upbalap dima yoni. Tayangok nandan kokwin anjek yo don ani. <sup>37</sup> On amin bamot panaber unun Telagi Yut Madepnin dakon yo di kabo dima nagimal. Ae nin dakon pinjkop minjat do yanba yokwi tok kinda dima agimal. <sup>38</sup> Demitius gat pi monjini gat nandaba yokwi tok anjek gen di yok do nandan kan, gen pi agak bisapmon tagi yoni. Yanba gen kokwin amin madep da geni nandanjek tagi panmilip ani. <sup>39</sup> Do ji genji di yan panmilip ak do nandan kan, gen kokwin muwut muwut bisapmon tagi yan panmilip ani. <sup>40</sup> Gapman dakon amin madep da abisok yo aman dakon geni nandisak kan, gen pikon nipjak do nak si pasoldot. Upbalap madep nido ayin yan niyisak kan, nin da gen kobogi tagi kinda aripmi dima iyinen.” <sup>41</sup> Kilda mandak da gen yan yoyinek amin muwukgwit unun yoyinban kin mudawit.

### Pol Masadonia ae Grik miktimon agipgut

**20** <sup>1</sup> Upbalap madep awit da daganakwan Pol da panmuwukbi yan yoban abin muwukba buri panjeban anjek galok gen yoyinek

Masadonia miktimon kigit. <sup>2</sup>Kiŋ uŋudon agek paŋmuwukbi gen morapmi yoyiŋek buri paŋteban aŋek don Grik miktimon kiŋ altagit. <sup>3</sup>Uŋudon kanek kapbi egipgut. Egek don tap wakgakon da Siria miktimon kik do tagap tagit. Mani Juda amin da Pol aŋat do aŋek yaŋ nandat aŋ dakon geni nandagit. Do yum pindagek Masadonia miktimon ae tobil kik do nandagit. <sup>4</sup>Amin diwari Pol gat kisi agipgwit. Kinda uŋun mani Sopata uŋun Beria kokupmon amin kinda, Perus dakon monji. Ae Tesalonaika kokupmon amin bamori mani Aristakus ae Sekundus, ae Debe kokup papmon nani kinda mani Gaius. Ae Timoti gat Esia miktimon amin bamori mani Tikikus ae Tropimus. Uŋun amin kabi Pol gat kisi agipgwit. <sup>5</sup>Uŋun amin kabi da kalip Troas kokup papmon paŋki egek nin do jomjom awit. <sup>6</sup>Aŋakwa nin Bret Yisni Mini Bisap Madep mudanŋakwan Pilipai yipmaŋek tap wakgakon wige kigimaŋ. Kiŋ tap binap agapno gildat 5 kabi mudanŋakwan amin nin do jomjom aŋek Troas kokup pap egipgwit uŋudon kino notni pindak pindak agimaŋ. Aŋek uŋudon gildat 7 kabi egipgumaŋ.

#### **Troas kokup papmon Pol da Yutikus kimakgit naŋ aban pidagit**

<sup>7</sup>Sonda kalbi nin paŋmuwukbi gat jap aŋwa nok do aŋek muwukgimaŋ. Aŋapno Pol wisa dagokdo kikeŋ yaŋ nandaŋek Piŋkop gen dubagisi yaŋakwan kalbi binapmi agit. <sup>8</sup>Yut nin da egipgumaŋ uŋun yut kwen tosok. Uŋun yutnon lam morapmi koleŋ yopgwit. <sup>9</sup>Uŋun yut da kosit gwagagon monji bilak kinda yikgit mani uŋun Yutikus. Pol da gen saŋbeŋek yaŋakwan monji uŋun yik dipmin pagek uwagat aŋek waŋga miktimon maŋ aŋakgit. Maŋ aŋakban kimakgit naŋ pigi abidawit. Uŋun yut notni kwen kwen awit dakon kidiŋi kapbi kwen nani egipgwiron da magit. <sup>10</sup>Mani Pol da pigi monji uŋun da kwenon pagek kisiri da kendagek yagit, “Ji nandaba kik dima ani. Egip egipni taŋ imisak.” <sup>11</sup>Pol yaŋ yaŋek aeni kwen wigi bret pidaŋban nawit. Yaŋ aŋek gen sigin yoyiŋakwan wigi wisa dagaŋakwan yopmaŋ kigit. <sup>12</sup>Yopmaŋ kiŋakwan amin monji uŋun abidaŋ yutnikon aŋkiwit. Wagil dima kimakgit yaŋ nandaŋek butni yawori tawit.

#### **Pol Troas kokup pap yipmaŋek Miletus kokup papmon kigit**

<sup>13</sup>Nin Pol yipmaŋek tap wakgakon da Asos kokup papmon kiŋ altaŋek Pol do jomjom agimaŋ. Nin da kalip kiŋapno Pol iyi miktim kosit kik do aŋek uŋun do niyigit. <sup>14</sup>Jomjom aŋapno Pol Asos abiŋ altaŋ niban abidono tap wakgakon wige Mitilini kokup papmon kigimaŋ. <sup>15</sup>Uŋudon da wisa dagokdo Mitilini yipmaŋek miktim kinda mani Kios kapmatjok taŋban kaŋek yapgumaŋ. Ae gildat kinda do tap uŋun pudaŋ yapmaŋek Samos kokup papmon kiŋ altagimaŋ. Ae uŋudon da wisa dagokdo Miletus kokup papmon kiŋ altagimaŋ. <sup>16</sup>Pol da Esia miktimon bisap

noknok dima aneŋ yaŋ nandagit, do nin tap wakgakon da Epesas kokup pap si yapmaŋek Miletus kokup pap kigimaŋ. Bisap noknok dima aŋek tepmi kineŋ kaŋ, Pentikos Bisap Madep Jerusalem koneŋ yaŋ nandagit.

**Pol da Epesas paŋmuwukbi dakon kila amin galok gen yoyigit**

<sup>17</sup>Nin kokup pap Miletus uŋudon egek Pol da Epesas paŋmuwukbi dakon kila amin opni do gen yipban kigit. <sup>18</sup>sGen yipban kwan opba yaŋ yoyigit, “Nak kilisi Esia miktimon apgum bisapmon ji gat bisap morapmi egek aŋpak agim uŋun disi nandaŋ. <sup>19</sup>Bisap morapmi Juda amin da nak abiŋ nep do gen yawit. Yaŋ aŋakwa bisap morapmi butno madepsi jik taŋakwan kunam morapmi takgim. Aŋek nak nagado nandako maŋakwan Amin Tagi dakon pi agim. <sup>20</sup>Nak ji paŋpulugok do gen tagisi kinda dima wutjiko tagit. Gen kisisi muwut muwut madepmon ae yutjikon dayiŋ dekgim uŋun disi nandaŋ. <sup>21</sup>Nak Juda amin ae Grik amin but tobiŋ aŋek Piŋkopmon kiŋek Amin Taginin Yesu nandaŋ gadaŋ imni do gen madepsi yaŋ teŋteŋagim. <sup>22</sup>Nandani. Telagi Wup da uŋudon kiken dosi nayisak, do nak Jerusalem kikdisat. Uŋudon kiko yo kinda ni da altaŋ namjak uŋun dima nandisat. <sup>23</sup>tMani on gin nandisat, kokup morap agisaron butnokon Telagi Wup da yaŋsi nayisak. Don amin da dam teban yutnon nepdaŋ, ae jigi namdaŋ uŋun kisi nayiŋakwan agisat. <sup>24</sup>uMani nak naga dakon egip egip do yo madep kinda yaŋ nandaŋek egip egipno aŋkutnok do dima nandisat. Nak kosit uŋun agisat naŋgin agek Amin Tagi Yesu da pi namgut uŋun aŋ mudoken. Pi uŋun Piŋkop da nandaŋ yawotni do aŋek yo madepsi ninon asak uŋun dakon Gen Bin Tagisi yaŋ teŋteŋoken.

<sup>25</sup>“Not kabi, nandani. Nak ji gat egek Piŋkop da Amin Kila Asak dakon gen dayiŋ teŋteŋagim. Nak abisok nandisat, ji depmaŋ kiŋapbo jikon da kinda da nak ae buŋon dimasi nandakdaŋ. <sup>26-27</sup>Nak Piŋkop dakon nandak nandak kinda dima wutjiko tagit. Kisisi dayiŋ teŋteŋagim. Nak abisok but piso wagil dayisat. Do jikon da amin kinda Tipdom do amin asak kaŋ, uŋun nak dakon gulusuŋ dima. <sup>28</sup>vJi disi dakon kila aŋek paŋmuwukbi morap dakon kila kisi ani. Paŋmuwukbi kabi uŋun Piŋkop da Monji dakon yawi naŋ yumaŋ nagit. Uŋun sipsip kabini ji da kila ani do Telagi Wup da ji manjiŋ depgut. <sup>29</sup>wNak nandisat. Depmaŋ kiŋapbo joŋ piŋan yokwisi da jikon abiŋek sipsip kabi paŋupbal akdaŋ. <sup>30</sup>Aŋakwa jikon da amin diwari da piŋan paŋmuwukbi kabikon da amin diwari buŋon yolni do top gen yoyikdaŋ. <sup>31</sup>xYaŋdo, ji kaŋ kimotni. Bilak kapbi da butgwan nak kunamon da ji kalon kalon kisi dayiŋ dekgim. Uŋun do dima iŋtoni.

† 20.17 Ya 18.21    § 20.18 Ya 18.19–19.10    † 20.23 Ya 9.16; 21.11    † 20.24 Ya 21.13; 2Ti 4.7    † 20.28 1Ti 4.16; 1Pi 5.2-4    † 20.29 Mt 7.15; Jn 10.12    † 20.31 1Tes 2.11

<sup>32</sup>“Nak abisok Pinjokop da kilasi asak do unjun da kisiron depmanjat. Nandaŋ yawotni dakon geni da ji panjeban aban yoni tagisi telagi amin kabini do yopbi unjun tagi timitni. <sup>33</sup>“Nak amin dakon monerj ae yo kabini do pindak galaktok dima agim. <sup>34</sup>“Nak da pi agim dakon mibili unjun disi nandaŋ. Naga da kisit da pi aŋek yo nido wadak wadak agim unjun timigek notno pi agimaŋ unjun kisi panpulugagim. <sup>35</sup>Naga pi teban yaŋ aŋek dayiŋ doligim. Jiyo yaŋ gin aŋek teban tokni mini amin unjun panpulugoni. Amin Tagi Yesu iyi gen kinda yagit unjun dima in-tonerj. Gen unjun yaŋ: ‘Yo imisak amin dakon kisik kisikni wukwi, aŋakwan iban abidosok amin dakon kisik kisikni pinjbi.’”

<sup>36</sup>Pol gen unjun yoyiŋ mudanek kila amin kabi gat njwakberj aŋek bisit yagit. <sup>37</sup>Bisit aban mudanakwan kila amin kisi da kunam tagek Pol bedaŋ mandaŋ nawit. <sup>38</sup>Pol da buŋon nak dakon injamno ae dima kokdaŋ yaŋ yoyigit do bupmisi nandawit. Bupmi yaŋsi nandaŋek Pol aŋaŋ tap waggakon aŋkiwit.

### Pol Jerusalem kigit

**21** <sup>1</sup>Nin kila amin yopmaŋ degek tap wakga abidaŋek nomansi miktim timjok kinda tap binap tosok unjun mani Kos unjudon wigigimaŋ. Wigek unjudon da gildat kinda do miktim timjok kinda tap binap tosok unjun mani Rodes wigek unjudon da Patara kokup papmon kigimaŋ. <sup>2</sup>Kiŋ kono tap wakga kinda Ponisia miktimon kik do aban kagimaŋ. Kaŋek unjudon wigino kigimaŋ. <sup>3</sup>Kiŋek miktim tim kinda tap binap tosok unjun mani Saiprus kaŋek unjun gwandenj tetgin do taŋakwan nin amin tetgin da yapgumaŋ. Yapmaŋek Siria miktimon kiŋ kokup Tair unjudon tap wakga paŋki akgit. Agakwan tap waggakon pi monji yik iligakwa <sup>4</sup>nin kiŋ Yesu dakon paŋdet kabini pindatno unjun gat gildat 7 kabi egipgumaŋ. Egapno Telagi Wup da panjagap aban Pol yaŋ iyiwit, “Gak Jerusalem dima kiki.” <sup>5</sup>Egipgumaŋ dakon bisap mudanakwan Yesu dakon paŋdetni gat ae miŋat monjiyoni gat kisi kokup pap yipmaŋ degek tap kidipmiŋon pigigimaŋ. Pigi unjudon njwakberj aŋek bisit agimaŋ. <sup>6</sup>Bisit ano mudanakwan notni galok gen yoyiŋ yoyiŋ aŋek yutnikon kiŋakwa nin tap waggakon wigigimaŋ.

### Kombi amin Agabus da Pol gen iyigit

<sup>7</sup>Nin Tair kokup yipmaŋek kiŋ Tolemes kokup papmon altagimaŋ. Unjudon Yesukon saŋbewit amin kabi gildat tagi yaŋ yoyino unjun gat gildat kinda egipgumaŋ. <sup>8</sup>Unjudon pakgimaŋ da wisa dagokdo unjun kokup pap yipmaŋek Sisaria kokup papmon kiŋ altanek Pilip da yutnon kino unjun gat egipgumaŋ. Pilip unjun yabekbi kabi panpulugoni do kalip

y 20.33-34 1Ko 9.11-12 z 20.34 Ya 18.3; 1Tes 2.9 a 21.4 Ya 20.23 b 21.8 Ya 6.5; 8.40

amin 7 kabi manjikbi unun kabikon nani kinda. Unun amin Gen Bin Tagisi yanj terjetok amin kinda. <sup>9</sup>Pilip unun gwi 4 kabi. Unun aminon dima yopbi. Minjat kabi unun kombi gen yogok minjat egipgwit.

<sup>10</sup> Nin Sisaria kokupmon gildat kabi di egapno kombi amin kinda mani Agabus unun Judia miktimon da pigit. <sup>11</sup> Piŋ altaŋ niminek Pol dakon boban napni abidaneŋ Agabus da iyi dakon kisit kandapyo wamgut. Wamaŋek yanj yagit, “Telagi Wup da yanj yosok, ‘Nak da on asat, yanj gin Juda amin Jerusalem ekwan da on boban nap dakon ami wamaŋ Amin Ŋwakŋwari Kabi da kisiron yipdan.’”

<sup>12</sup> Yanj yanban Pol Jerusalem dimasi kisak do nin gat ae amin egipgumaŋ gat kisi da anktunaŋek tebaisi iyigimaŋ. <sup>13</sup> Mani Pol da gen kobogi yanj yagit, “Nak dam tebanon nepni do tagi nandisat. Ae Jerusalem Amin Tagi Yesu da man do kimokgeŋ do tagi nandisat. Do ji nido nak anŋolgol anek kunam takgaŋ? Yanj anakwa butno yokwi tosoŋ.”

<sup>14</sup> Yanban Pol kono kik do teban tagit, ae nandak nandakni nin da kulabik aripmi dima agagi yanj nandaneŋ yagimaŋ, “Amin Tagi da yo altaŋ imjak do nandisak unun tagi altaŋ imjak.”

### **Pol dam tebanon yigakwan gen pikon yipmaŋek mibilni nandak do pi awit**

*(Kilapmi 21.15–26.32)*

#### **Pol Jerusalem kiŋ altaŋit**

<sup>15</sup> Yanj nandaneŋ nin yiknin paŋek Jerusalem kokup papmon wigigimaŋ. <sup>16</sup> Yesu dakon paŋdetni di Sisaria egipgwit unun gat kisi wigek unun da nin paŋki Nason da yutnon nipba egipgumaŋ. Nason unun kalip Yesu kili nandaŋ gadaŋ imgut. Miktimni unun Saiprus. <sup>17</sup> Nin Jerusalem kiŋ altono paŋmuwukbi da nin but galagon da timikgwit. <sup>18</sup> Timikba pakgimaŋ da wisa dagokdo Pol nin gat kisi Jems kok do kigimaŋ. Kiŋ altaŋek paŋmuwukbi dakon kila amin kisi morap unudon gin Jems gat ekwa pindakgimaŋ. <sup>19</sup> Unudon Pol da gildat tagi yanj yoyinek Piŋkop da anpulugaŋban Amin Ŋwakŋwari Kabikon pi morap agit unun dakon gen kisisi yoyiŋ mudagit.

#### **Kila amin da Pol Telagi Yut Madepmon wigisak do iyiwit**

<sup>20</sup> Paŋmuwukbi dakon kila amin Pol dakon gen nandaneŋ Piŋkop ankiŋsiwit. Anek iyiwit, “Not nandaki. Juda amin morapmisi da Yesu kili nandaŋ gadaŋ imgwit. Unun amin kisisi da Moses dakon gen teban

© 21.10 Ya 11.28    <sup>d</sup> 21.11 Ya 20.23; 21.33    <sup>e</sup> 21.13 Ya 20.24    <sup>f</sup> 21.19 Ya 15.12  
<sup>g</sup> 21.20 Ya 15.1,5

guramik kimokogon. <sup>21</sup>Mani amin diwari da gak do yan yoyiwit, ‘Pol da Juda amin Amin Ijwakɔwari Kabi da bikbigon ekwan unun Moses dakon gen teban dima guramitni do yoyinek yan yoyisak, “Ji monjisi dakon giptim dima mandani. Ae Juda amin dakon anpak dima yolni.”’ <sup>22</sup>Nianji anej? Gak idon kili apgul yan nandan gamdan.

<sup>23-24</sup>h “Do nin da gen kinda gayino gak yan gin abi. Anaki gakyo kisi gen teban guramikdal yan gandani. Nin gat amin 4 kabi ekwaman. Unun amin kabi Pinjopmon yan teban tok gen kinda kili awit. Gak unun amin kabi timikbi Pinjop da dabilon gen teban yolek giptim panjkilek ak dakon anpak ani. Ae mukwa sok do unun dakon yo gak da gaga yubi. Yan anaki unun amin kabi busun dangwani tagi mandani. Yan abi amin da gandanek top yan inguman yan gandani. <sup>25</sup>iAmin Ijwakɔwari Kabi Yesu nandan gadan ingwit amin nin da gen anteban agiman unun kili mandan yomguman. Gen unun yan: Ji kokup kidat do paret abi unun dakon jap dima noni. Ae yawi gat ae bit kilapyo si tipba kwon dima noni. Ae minat wiliyo yumabi mibili mibili dima ani.”

<sup>26</sup>jGildat kinda do Pol amin 4 kabi unun timikban giptim panjkilek ak dakon anpak anek egipgwit. Yan anek Telagi Yut Madepmon wigi mukwa sogok amin dakon mibiltok amin ni bisapmon wasip anek, ae amin kalon kalon dakon paretni mukwa soni unun do Pol da but piso yoyigit.

### Juda amin da Pol Telagi Yut Madepmon abidawit

<sup>27</sup>Gildat 7 kabi pali mudanakwan Juda amin di Esia miktimon da apgwit unun da Pol Telagi Yut Madepmon kawit. Kanek minat amin morap muwukgwit dakon but suganek Pol abidawit. <sup>28</sup>Abidanek yan tidanek yan yawit, “Israel amin ji abin nin panpuluganba on amin gen pikon yipno. On amin da kokupmi kokupmi amin morapmi dakon but panjupbal asak. Anek Israel amin kabi nin do, ae Moses dakon gen teban do, ae on Telagi Yut Madep kisi do yanba yokwi tok asak. Ae unun gin dima. Grik amin timikban on Telagi Yut Madep da nagalon winjek telagi tamo on anjupbal aban yo isali asak.”

<sup>29</sup>k (Kalip Epesas kokup papmon amin kinda mani Tropimus unun Pol gat Jerusalem kokup papmon ekwal pindakgwit, unun do anek gen unun yawit. Unun amin Pol da abidanban Telagi Yut Madepmon wigigimal yan nandawit.)

<sup>30</sup>Kokup madepmon amin gen unun nandan wuripdagek teri teri da timtim yanek apgwit. Abin Pol abidan ilik anan Telagi Yut Madep dakon nagal yapmanek wanga abigiwit. Yan anek unudon gin Telagi Yut Madep dakon yoma kisi sogwit.

### Rom dakon emat amin da Pol abidawit

<sup>31</sup>Pol anakba kimot do anakwa Jerusalem amin morap kisi gen butjap ematy madep an unun dakon gen bini Rom dakon emat amin dakon

<sup>h</sup> 21.23-24 IDT 6.1-20; Ya 18.18    <sup>i</sup> 21.25 Ya 15.29    <sup>j</sup> 21.26 1Ko 9.20    <sup>k</sup> 21.29 Ya 20.4



mibiltok amin da nandagit. <sup>32</sup>Yañ nandajek unjudon gin kila amini di gat ae emat amini di gat timikban tintim yanek miñat amin kabikon pigiwit. Pigakwa amin da emat amin dakon mibiltok amin gat ae emat amini gat pindagek Pol sanberjek dima anjakgwit. <sup>33</sup>Emat amin dakon mibiltok amin da obiñ Pol abidajek nap teban bamori ban Pol abisini do yoyigit. Ajek amin yan yoyigit, “On namin amin kinda? Ae ninañ agit?” <sup>34</sup>Yañban di da gen kinda yanakwa di da ñwakñwari yawit. Yan yanek upbalap madep anakwa gen bami kinda dima abidagit. Do Pol abidaj anaj emat amin da yomakon awigini do yoyigit. <sup>35</sup>Pol kin yut unun da man wigigon altañakwan amin da Pol si anakba kimotjak do gwayan tebaisi awit. Yan aba emat amin da pasalek Pol si kendak anaj wigiwit. <sup>36</sup><sup>1</sup>Amin morapmi da buñon yolek madepsi sigin yan tidajek yawit, “Anakba kimakban!”

### Pol da Juda amin iyi dakon nandaj gadat dakon mibili yoyigit

<sup>37</sup>Emat amin da Pol anaj yutnikon awigik do anakwa emat amin dakon mibiltok amin Grik genon da yan iyigit, “Gen kinda tagi gayiken?”

Yañban iyigit, “Gak Grik gen nandisal, ma? <sup>38</sup><sup>m</sup>Abikisokgwan Isip amin kinda gapman gat emat wasajek amin dapdap sibani toñ amin 4 tausen timikban miktim amini minikon kiwit. Gak unun amin dima, ma?”

<sup>39</sup>Yañban Pol da yagit, “Nak Juda amin kinda. Kokupno unun Tasas, Silisia miktimon toso. Kokup madepno amin morap da man bini nandaj. Amin gen tagi yoyiken?”

<sup>40</sup>Yañban mibiltok amin da gen tagi yoyisak do iyigit. Iyñban Pol unun man wigigon da agek upbalap dima ani do kisiri da tilak an yomgut. Yan aban amin kisi upbalap yipman mudawit. Yan anakwa Pol da Ibru genon da yan yoyigit,

**22** <sup>1</sup>“Not kabi ae dat kabi nandani. Nak gulusuñ kinda dima agim do dayikdisat.” <sup>2</sup>Nandaba Pol Ibru genon da gen yanakwan upbalap dima anek tayanok egipgwit. Yan anakwa Pol da yan yoyigit, <sup>3</sup><sup>n</sup> “Nak Juda amin kinda. Meño da Tasas kokup pap Silisia miktimon toso unudon anajagit. Mani nak on kokup papmon tagagim. Yoyinetno Gamaliel unun da nak babiknin dakon gen teban morap tagisi nayin dekgit. Ji Pinok dakon pi but dasi an, nakyó kisi yan gin an kimakgim. <sup>4</sup><sup>o</sup>Nak da miñat ae wili nandaj gadat anek Yesu Yolyol Kosit nan agipgwit unun panupbal anek dapbo kimotni do pi agim. Anek pabisin panpan dam teban yutnon panpigim. <sup>5</sup>Yan anapbo mukwa sogok amin dakon mibiltok amin gat ae kila amin dakon gen kokwin amin kabi da nandaj namgwit, do nak da pi agim unun da ji tagi dayin tetenoni. Unun da Juda amin notnin Damaskus egipgwit do papia kinda mandawit.

<sup>1</sup> 21.36 Lk 23.18    <sup>m</sup> 21.38 Ya 5.36-37    <sup>n</sup> 22.3 Ya 5.34    <sup>o</sup> 22.4 Ya 8.3

Uñun naba nak Yesu nandan gadan imgwit amin kabi Damaskus egipgwit uñun timik panjobiñ Jerusalem dam teban yutnon yopmanjek kobogi do yo yokwi anyomni do anjek kigim.”

**Pol da but tobil agit dakon mibili yoyigit**

*(Ya 9.3-19; 26.12-18)*

<sup>6</sup>Pol sanbenjek yan yagit, “Nak kiñ gildat binap 12 kilok da tilagon Damaskus ankapmat anapbo tenjenji madep kinda Kwen Kokup da pin anbinap aban nak binapmon akgim. <sup>7</sup>Tenjenan naban nak miktimon man pagak nandanapbo gen kinda altanek yan nayigit, ‘Sol! Sol! Gak nido nak anupbal ak do pi asal?’

<sup>8</sup>“Yanban yan iyigim, ‘Amin Tagi gak namin?’

“Iyiko yagit, ‘Nak Yesu Nasaret amin nan anupbal ak do pi asal.’ <sup>9</sup>Amin nak gat agipguman uñun tenjenji kawit. Mani gen uñun nayigit uñun dima nandawit.

<sup>10</sup>“Nayinban iyigim, ‘Amin Tagi, nak ninañ abeñ?’

“Gen uñun yoko Amin Tagi da nayigit, ‘Gak pidañ Damaskus kokupmon pigaki amin kinda da pi morap aki do yan mudan gamgum uñun do gayisak.’ <sup>11</sup>Tenjenji madep uñun tenjenan naban dabilno pilin tagit do amin agipguman uñun da nak kisitnokon da abidañ Damaskus abigiwit.

<sup>12</sup>“Abigi nepba amin kinda mani Ananias nak nandak do apgut.

Uñun amin Pinkop gawak iminek gen teban guramik kimakgit. Juda amin morap Damaskus egipgwit da nandaba amin kilegisi kinda agit. <sup>13</sup>Ananias uñun kapmatjok da abin agek nak yan nayigit, ‘Sol not, dabilgo aeni sintosak.’ Yan nayinban uñudon gin sintanek Ananias kagim. <sup>14</sup>Kanapbo nayigit, ‘Babiknin dakon Pinkop da gak da niansi abi do nandisak uñun goliñban koki do manjin gepgut. Ae Amin Kilegi kanaki uñun da iyi gen gayinban nandaki do manjin gepgut. <sup>15</sup>Gak yo morap pindak nandanjo agil uñun miñat amin morap yoyin tenjenokdisal. <sup>16</sup>Do bisap noknok dima abi. Pidañek telagi pakbi soñek mani yanaki uñun da diwarigo wiririk gaban.’

<sup>17</sup>“Don aeno Jerusalem tobil abin Telagi Yut Madepmon wigi bisit an egek dabilno kulabik anakwan dipmin yombem kinda kagim. <sup>18</sup>Kanapbo Amin Tagi da yan nayigit, ‘Gak tepmisi pidañ Jerusalem yipman ki. Nak dakon gen on kokup papmon yoyiki kan, amin da dima abidokdan.’

<sup>19</sup>“Nayinban iyigim, ‘Amin Tagi, dima, on amin kalip nak da muwut muwut yut morapmon agek amin gak nandan gadan gamgwit uñun baljanek dam tebanon yopgum uñun nandan namañ. <sup>20</sup>Ae gak dakon gen yan tenjenok amingo Stiwen anakba kimakgit bisapmon nak

kapmatjok agek tip ban anjakgwit amin dakon imal dubakni ilik yopman naba kila agim. Anjek pindagapbo Stiwen anjakba kimakban nandako tagisi agit.’

<sup>21</sup> s “Mani Amin Tagi da nayigit, ‘Nak da Amin Ijwakɲwari Kabi kokup dubagisikon ekwan unun do kiki do yabekdat.’”

### Pol da emat amin nak Rom amin kinda yan yoyigit

<sup>22</sup> Pol da Amin Ijwakɲwari Kabi do gen unun yanjakwan amin da nandaneɲ yan tidaneɲ yawit, “Anjakba kimakban. Unuden amin miktimon tagi dima egipmi.”

<sup>23</sup> Yan tidaneɲ imal dubakni ilik maba kinakwa kimbaban timik maba kwen wigiwit. <sup>24</sup> Yan anjakwa emat amin dakon mibiltok amin da emat amini yan yoyigit, “Ji Pol anki nin ekwaman yutnon baljoni. Baljaneɲ amin da mibili nido japmi nandaneɲ yan tidan iman unun dakon mibili iyi yanban nandani.” <sup>25</sup> ‘Yoyinban anki kisit kandapyoni panɲinɲin anek wamgwit. Anjakwa Pol da kila amini kapmatjok akban kaneɲ yan iyigit, “Gen kokwin amin da nak dakon mibilno dima kan nandanyo anjakwa nak nitdan. Unun tagi dima akdan. Nak Rom amin kinda. Ji Rom dakon gen teban yapmanɲan.”

<sup>26</sup> Yanban kila amini gen unun nandan kin mibiltok amini yan iyigit, “Ma, on amin Rom amin kinda. Gak nianɲi akdisal?”

<sup>27</sup> Iyinban kin Pol yan iyigit, “Nayinbi nandako. Gak Rom amin kinda?” Iyinban yagit, “Asi nak Rom amin kinda.”

<sup>28</sup> Yanban yan yagit, “Nak Rom aminsi dagok do tomni madepsi yumgim.”

Yanban Pol da iyigit, “Gak yan agil mani nak altagimon da Rom aminsi kinda egipgum da egisat.”

<sup>29</sup> “Yanjakwan amin Pol baljok do awit pasalek dima baljawit. Anjakwa mibiltok amin da Pol Rom amin kinda nan yoyiko nap teban nan anteban ayin yan kan nandanyo anek unun kisi pasol pasol agit.

### Pol gen kokwin amin kabikon gen yagit

<sup>30</sup> Juda amin da Pol ni gulusun nan agit do yon, emat amin dakon mibiltok amin unun dakon mibili pakyansi nandak do pi agit. Do gildat kinda do mukwa sogok amin dakon amin madep kabi ae Juda amin dakon gen kokwin amin morap abin muwutni do gen tebai yipgut. Yipban abin muwugakwa Pol dakon nap teban wital imineɲ abigi yipban unun da inamon akit.

**23** <sup>1</sup> Pol da sinɲanban gen kokwin amin kabikonsi kinakwan pindagek yan yoyigit, “Not kabi, abikikon da win abisok

egisaron nak Piŋkop da dabilon butnokon da tagisi egi anaŋ wit yaŋ nandisat.”<sup>2</sup> <sup>v</sup>Gen uŋun yaŋban mukwa sogok amin dakon mibiltok amin Ananias da Pol da kapmatjok akgwit amin gen kaganikon anaŋatni do yoyigit. <sup>3</sup> <sup>w</sup>Yoyiŋban anaŋakwa Pol da yaŋ iyigit, “Piŋkop da gitdisak. Gak yut dakon pompom kilegi yombem, mani mukgwan niŋ da naŋba nitniraŋbi. Gak gen teban guramikdat yaŋ nandaŋek nak gen pikon nep do abil da yikdal. Mani gaga gen teban yapmaŋek nitni do yoyisal.”

<sup>4</sup> Amin kapmatjok akgwit da gen uŋun nandaŋek Pol yaŋ iyiwit, “Gak Piŋkop dakon mukwa sogok amin dakon mibiltok amin do yaŋba yokwi tok aŋ imisal, ma?”

<sup>5</sup> <sup>x</sup>Yaŋba Pol da yoyigit, “Not kabi, Piŋkop da papiakon gen yaŋ tosok: ‘Ji kila aminji kinda do yaŋba yokwi tok dima ani.’

On amin uŋun mukwa sogok amin dakon mibiltok amin yaŋ dima koko pisak.”

<sup>6</sup> <sup>y</sup>Pol da gen kokwin amin kabi di uŋun Sadyusi amin ae di Parisi amin yaŋ nandaŋ yomgut. Do gen papmon da yaŋ yoyigit, “Not kabi, nak Parisi amin kinda. Datno kisi uŋun Parisi amin kinda. Nak amin kimakbi da kimoron da don pidokdaŋ uŋun do nandaŋ teban taŋek egisat. Yaŋ nandisat do aŋek gen pikon nepmaŋ.”<sup>7-8</sup> <sup>z</sup>Sadyusi amin da amin kimakbi ariŋmi dimasi pidoni, ae aŋelo wupyo mini yaŋ yoŋ. Mani Parisi amin uŋun kisi nandaŋ teban toŋ. Yaŋ nandaŋ do aŋek gen uŋun yaŋban Parisi amin ae Sadyusi amin iyi uwal uwal aŋek pudaŋ kabi bamori awit. <sup>9</sup> Aŋek gen teban yoyiŋdet amin di uŋun Parisi kabikon nani uŋun da pidaŋ agek madepsi yaŋ tidaŋek yaŋ yawit, “On amin gulusuŋni minisi komaŋ. Wup bo aŋelo kinda da gen bo iyigit? Uŋun dima nandamaŋ.” <sup>10</sup> Yaŋ yaŋba emat amin dakon mibiltok amin da pindakban gen emat madepsi awit. Yaŋ aŋek amin kabi bamot uŋun da Pol teri teri da ilikba giptimi dagaŋakwan kimotjak yaŋ do pasalgit. Do emat amini yabekban piŋi Pol amin kabi da binapmon naŋ gwayeŋ anaŋ emat amin da yutnon aŋkiwit.

<sup>11</sup> <sup>a</sup>Aŋki yipba kalbi Amin Tagi da Pol da kapmatjok agek yaŋ iyigit, “Gak pasol pasol dima aki. Si teban taŋek egipbi. Nak dakon gen Jerusalem yaŋ teŋteŋagil uŋun Rom miktimon yaŋ gin yaŋ teŋteŋoki.”

### **Juda amin da Pol anaŋakba kimotjak do gen yaŋ anaŋteban awit**

<sup>12</sup> Wisa dagokdo Juda amin muwugek Pol anaŋakba kimotjak do wagil yaŋ anaŋteban awit. Aŋek yawit, “Jap pakbiyo dima aŋek Pol anaŋatno kimagakwan don noneŋ. Yaŋ dima aneŋ kaŋ, Piŋkop da nin tagi nindapjak.” <sup>13</sup> Yaŋ teban tok awit amin uŋun 40 yapgut. <sup>14</sup> Amin kabi

<sup>v</sup> 23.2 Jn 18.22-23    <sup>w</sup> 23.3 Mt 23.27    <sup>x</sup> 23.5 TP 22.28    <sup>y</sup> 23.6 Ya 26.5

<sup>z</sup> 23.7-8 Mt 22.23    <sup>a</sup> 23.11 Ya 27.24; 28.16,23

uŋun kiŋ mukwa sogok amin dakon amin madep kabi, ae kila amin kabi yaŋ yoyiwit, “Nin jap dima naŋek Pol aŋatno kimagakwan don noneŋ do wagil yaŋ aŋteban aman. Yaŋ dima aneŋ kaŋ, Piŋkop da nin tagi nindapjak. <sup>15</sup> <sup>b</sup>Do ji gat ae gen kokwin amin kabi gat muwugek emat amin dakon mibiltok amin do gen yipba kwan uŋun da Pol yipban jikon opjak. Mibilni sigin nandak do nandamaŋ, gen yaŋ yipba kisak. Aŋakwan jikon dima abiŋ altaŋakwan kosiron aŋatno kimotjak do nin tagap toneŋ.”

<sup>16</sup> Mani Pol gwaktani da kosiron pasilikon da aŋatdaŋ dakon geni nandaŋek emat amin da yutnon wigi Pol uŋun do iyigit.

<sup>17</sup> Iyiban Pol da emat amin 100 dakon kila amin kinda yaŋ iban opban yaŋ iyigit, “Gak on monji abidaŋ aŋaŋ mibiltok amingokon aŋkwi gen di nandak uŋun iyisak.” <sup>18</sup> Iyiban monjisok uŋun aŋkiŋek mibiltok amin yaŋ iyigit, “Dam tebanon egisak amin Pol da yaŋ naban opbo on monji gagon aŋopbeŋ do nayiban aŋobisat. Gen kinda nandak uŋun gayikdisak.”

<sup>19</sup> Yaŋban mibiltok amin da monjisok uŋun kisirikon da abidaŋ aŋaŋ ileŋikon kiŋ iyi gin egek yaŋ iyigit, “Gak ni gen naŋ nayik do nandal?”

<sup>20</sup> Yaŋban monji uŋun da yaŋ iyigit, “Juda amin da aŋwa gak da Pol yipbi gen kokwin amin kabikon pigisak do gen yaŋ aŋteban ayiŋ. Pol dakon mibili di gat nandaneŋ yaŋon da top gayikdaŋ. <sup>21</sup> Mani amin kabi kinda 40 yapmaŋdak uŋun da jap pakbiyo dima aŋek Pol kosiron pasilikon da aŋatno kimagakwan don noneŋ yaŋ aŋteban awit. Yaŋ dima aneŋ kaŋ, Piŋkop da nin tagi nindapjak yaŋ yawit. Do gak dima nandaŋ yobi. Gak da geni nandaŋek nandaŋ yobi do siŋtaŋ ekwaŋ.”

<sup>22</sup> Yaŋ yaŋban mibiltok amin da monjisok uŋun yabegek yaŋ iyigit, “Gak tayaŋgok kiŋ gen nayil uŋun do amin kinda dimasi iyiki.”

### Pol yipba Sisaria kokupmon kigit

<sup>23</sup> Yaŋ aŋek mibiltok amin da emat amin 100 dakon kila amin bamori yaŋ yoban opbal yaŋ yoyigit, “Jil kiŋ emat amin 200 gat, ae oskon akwaŋ amin 70 gat, ae jaŋgwa timit amin 200 gat yaŋ timitjil. Timikbal tagap taŋek kalbi 9 kilok Sisaria kini. <sup>24</sup> Yaŋ aŋek Pol do os kinda kisi aŋnoman aŋek Pol aŋkutnaŋ aŋaŋ gapman dakon mibiltok amin madep Pelikskon aŋkini.”

<sup>25</sup> Yaŋ yoyiŋek Peliks do papia kinda yaŋ mandagit,

<sup>26</sup> “Nak Klodias Lisias da papia on gapman dakon mibiltok amin madep Peliks do mandisat. Gildat tagisi. <sup>27</sup> <sup>c</sup>Juda amin da uŋun amin abidaŋek aŋakba kimotjak do awit. Mani nak da uŋun Rom amin kinda yaŋ kaŋ nandaŋyo agim, do nak gat emat amin kabino gat da kiŋ uwalni da kisiron naŋ abidagimaŋ. <sup>28</sup> <sup>d</sup>Aŋek ni gulusuŋ kinda agit naŋ abidawit

<sup>b</sup> 23.15 Ya 25.3   <sup>c</sup> 23.27 Ya 21.30-33; 22.25-27   <sup>d</sup> 23.28 Ya 22.30

ujun dakon mibili nandak do anjek gen kokwin amin kabinikon anjigim. <sup>29</sup>Nak da Juda amin yoyiko iyi dakon gen tebani kinda yapmak do anjek abidamanj yanj nayiwit. Mani gen yanj ingwit unjun koko yo madep dima agit. Rom amin nin da si anjatno kimotjak bo ae dam tebanon yipneŋ da aripmon gulusuŋ kinda dima agit. <sup>30</sup>°Ae Juda amin da si anjakba kimotjak do pasilikon da gen yanj anjeban awit unjun nandanjek tepmisi yabekgo gagon obisak. Ae gen yanj imanjan amin unjun kisi gagon obinjek mibili nido gen yanj imanjan unjun gak da inamon yanj teŋteŋoni do yoyisat.”

<sup>31</sup>Kalbi emat amin gen unjun guramigek Pol abidanjan anjan kokup pap Antiparis unjudon anjkiwit. <sup>32</sup>Wisa dagokdo emat amin kabi miktimon da agipgwit unjun tobil iyi da yomakon kinakwa oskon agipgwit amin dagan Pol Sisaria anjan kiwit. <sup>33</sup>Oskon agipgwit amin Sisaria kin alnanjek gapman dakon mibiltok amin madep do papia unjun iminjek Pol yo kisi unjun da kisiron yipgwit. <sup>34</sup>Gapman dakon mibiltok amin madep da papia unjun manjinjek Pol yanj iyigit, “Gak provinsgo dukon?”

Yanjan Pol da iyigit, “Nak provinsno Silisia.”

<sup>35</sup>Yanjan iyigit, “Gen yanj gamanjan amin da abinjan alnanakwa gengo don nandakenj.” Yanj iminjek obip amini yoyinjan Pol kila amin madep Erot da kalip yut madep agit unjudon yipmanjek kilani ani do yoyigit.

#### Juda amin dakon kila amin da Pol gen pikon yipgwit

**24** <sup>1</sup>Gildat 5 kabi egi mudanjek mukwa sogok amin dakon mibiltok amin Ananias gat, ae kila amin di gat, ae Rom dakon gen teban nandak nandak amin kinda mani Tetulus kisi Sisaria pigiwit. Pigi Pol ni gulusuŋ nanjan agit dakon geni gapman dakon mibiltok amin madep iyiwit. <sup>2</sup>Gapman dakon mibiltok amin madep Peliks da Pol yanj iban winjakwan Tetulus da Pol gulusuŋ agit dakon mibili yanj iminjek Peliks yanj iyigit, “Kila amin madep Peliks, gak da nin panpuluganjaki emari mini yaworisi ekwamanjan. Gak nandak nandakgo tagisi do nin da miktimon kulabik tagisi anjaki abisok tagisi ekwamanjan. <sup>3</sup>Unjun do anjek nin gak do but galaksi nandanjek ya yanji gayamanjan. <sup>4</sup>Mani gak bisap dubagi abidono egipneŋ unjun tagi dima. Do nandanj yawok nimanjek genin pisipmisok on nandanj nibi do gayamanjan.

<sup>5f</sup>“On amin yokwi morapmisi panjalon aban komanjan. On miktimon kokup kisi morapmon Juda amin dakon buri suganjan emat upbalapyo madepsi anjan. Ae Juda amin nin nipmanjan degek nandanj gadat njwaknjwari kinda awit. Amin da unjun kabi do Nasaret Amin yanj yonjan. Unjun amin kabi dakon mibiltok amini oni akdak. <sup>6-7g</sup>On amin da Telagi Yut Madep anjupbal aban telagi dima tosak do pini anjakwan abidagimanjan. <sup>8</sup>Do gak da gaga iminjanjan gen morap yanj imamanjan unjun bami yomanjan yanj iyi yanjakwan nandaki.”

° 23.30 Ya 23.16-23; 24.1-9 f 24.5 Ya 17.6 g 24.6-7 Ya 21.28-30

<sup>9</sup>Yaŋ yaŋjakwan Juda amin kisi da Tetulus dakon gen joŋigek yaŋ yawit, “Gen morap yosok uŋun bamisi yosok.”

### Pol da Peliks gen iyigit

<sup>10</sup>Gapman dakon mibiltok amin madep da Pol da gen yosak do kisit tilak aŋ iban Pol da yaŋ yagit, “Nak nandisat, bilak morapmi gak on amin kabi dakon gen kokwin kila agak amini egipgul. Do gen yaŋ namaŋ dakon kobogi gayik do tagisi nandisat. <sup>11</sup>Amin yoyiki kaŋ yaŋ gayikdaŋ, nak Piŋkop gawak im do aŋek Jerusalem kiŋ altaŋek gildat 12 kabi egipgum. <sup>12</sup>Juda amin nandaŋakwa nak amin kinda gat gen emat Telagi Yut Madepmon dima agimak. Bo ae muwut muwut yutnikon bo kokup papmon amin paŋmuwugek upbalap ani do butni dima sugagim. <sup>13</sup>Abisok gen on yaŋ namaŋ dakon bami kinda dima golikdaŋ. Uŋun top yoŋ. <sup>14</sup>Mani gen bamisi uŋun yaŋ. Nak babiknin dakon Piŋkop gawak imiŋek Yesu Yolyol Kosit naŋ agisat. Juda amin da uŋun kosit do nandaŋ gadat ŋwakŋwari kinda yaŋ yoŋ. Nak gen teban morap toŋ ae kombi amin da gen morap mandawit uŋun nandaŋ teban tosot. <sup>15</sup><sup>h</sup>Piŋkop da amin kilegi ae yokwiyo kisi don kimoron baŋ paban pidokdaŋ uŋun do nandaŋ teban taŋek egisat. On aminyo kisi yaŋ gin nandaŋek ekwaŋ. <sup>16</sup>Yaŋ do aŋek bisapmi bisapmi Piŋkop da dabilon ae amin da dabilon butnokon gulusuŋno mini egipbeŋ do kilani tebaisi asat.

<sup>17</sup>“Nak bilak di kokup ŋwakŋwarikon egek don Jerusalem apgum. Juda amin notnoni yoni mini amin paŋpulugok do moneŋ paŋapgum, ae Piŋkop do mukwa sok do kisi apgum. <sup>18</sup><sup>i</sup>Nak Telagi Yut Madepmon kik do aŋek mibiltok kilektok dakon silip yolek don kigim. Telagi Yut Madepmon kili kilek tagim da egapbo nandawit. Nin amin kaloŋisok da upbalapmi mini egipgumaŋ. <sup>19</sup>Mani Juda amin di Esia Provins da apgwit uŋun da nak abidawit. Uŋun amin kabi kisi piŋimaŋ da abisok gak da iŋamon gen yaŋ namaŋ tam tagi. Mani dima piwit do Juda amin kabi on akgamaŋ da nak do gen di yaŋ nam do nandaŋ kaŋ, abisok gak da iŋamon agek gen yaŋ namni kaŋ tagi. <sup>20</sup>On Juda amin kabi nak asidon gen kokwin amin kabini da iŋamon agapbo kili nandawit. Do ni gulusuŋno naŋ kawit uŋun naŋsi gayini do yoyi. <sup>21</sup><sup>j</sup>Nak gen kaloŋi kinda gin gen papmon da yaŋ yagim, ‘Piŋkop da amin kimakbi aeni paban pidokdaŋ uŋun nandaŋ teban tosot. Yaŋ nandisat do ji da nak gen pikon nepmaŋ.’”

<sup>22</sup><sup>k</sup>Peliks uŋun Yesu Yolyol Kosit uŋun dakon mibili kili nandaŋ mudagit. Do Pol gen uŋun yaŋ mudanaŋkwan Juda amin jomjom ani do yoyiŋek yagit, “Emat amin dakon mibiltok amin Lisias da piŋjakwan genji dakon yaŋ dagok don aŋ dabeŋ.” <sup>23</sup>Yaŋ yoyiŋek emat amin 100 dakon

<sup>h</sup> 24.15 Jn 5.28-29    <sup>i</sup> 24.18 Ya 21.17-28    <sup>j</sup> 24.21 Ya 23.6    <sup>k</sup> 24.22 Ya 23.26

kila amin yaŋ iyigit, “Pol dam tebanon yipmaŋek tebai dima wamni. Ae notni da aŋpulugok do apba kaŋ, dima kirinŋik yobi.”

### **Peliks da Pol dam tebanon yipban bilak bamori egipgut**

<sup>24</sup>Gildat kabi di egi mudanŋakwa Peliks gat miŋatni Drusila gat apgumal. Drusila uŋun Juda miŋat kinda. Peliks da Pol yaŋ iban obin Yesu Kristo nandanŋ gadanŋ imim dakon mibili do iyinŋakwan nandagit. <sup>25</sup>Pol uŋun aŋpak kilegi gat, ae amin iyi do kila aŋek aŋpak kalipmi pabinŋ yopmaŋek egip egip dakon gen gat, ae Pinŋkop da don gen pikon nipdisak uŋun do iyigit. Iyinŋakwan Peliks da nandanŋ pasalek yaŋit, “Gak nipmaŋ dek kiki. Don bikbikno kinda taŋban kaŋ opbi do gen yipbo opjak.” <sup>26</sup>Peliks uŋun Pol da moneŋ di iban dam tebanon naŋ pulugaŋ yipban kisak uŋun do kisi nandagit. Yaŋ nandagit do bisap morapmi Pol yaŋ iban opban gen yaŋimal.

<sup>27</sup>Don bilak bamori egi mudanŋakwa Posius Pestus da Peliks dakon tamo abidagit. Aŋakwan Juda amin da Peliks do nandaba tagi asak yaŋ do Peliks da Pol dam tebanon sigin yipban egipgut.

### **Pol da Rom dakon kila amin madep Sisa da geni nandisak do yaŋit**

**25** <sup>1</sup>Pestus da abinŋ gapman dakon tamo madep abidanŋ yigek wasaŋek Judia miktim kila agit. Aŋek gildat kapbi egi mudanŋek Sisaria kokup pap yipmaŋek Jerusalem wigigit. <sup>2</sup><sup>l</sup>Wigakwan mukwa sogok amin dakon amin madep kabi gat ae Juda amin dakon mibiltok amin gat da Pestuskon kinŋek Pol gen yaŋ imŋwit uŋun do iyiwit. <sup>3</sup><sup>m</sup>Iyinŋek tebaisi yaŋ yawit, “Gak nin paŋpulugaŋek yaŋbi uŋun amin yipba Jerusalem wisak.” Amin di kosiron pasilek Pol aŋakba kimotjak do kili yoyiwit uŋun do aŋek gen uŋun iyiwit. <sup>4</sup>Yaŋba Pestus da yaŋ yoyigit, “Pol Sisaria dam tebanon egisak. Nak Sisaria kili uŋunŋok pigikdisat. <sup>5</sup>Do kila aminŋi di yopba nak gat pigino gulusuŋ kinda agit kaŋ, uŋun amin da gen yaŋ imni.”

<sup>6</sup>Pestus uŋun gat gildat 8 bo 10 egi mudanŋakwa Sisaria pigigit. Pigi pakŋwit da wisa dagokdo gen pi aŋ yutnon yigek Pol aŋopni do yoyigit. <sup>7</sup><sup>n</sup>Yoyinŋban aŋobinŋ yipba agakwan Juda amin Jerusalem da piwit da Pol aŋgwasinŋ aŋkwit. Aŋek gulusuŋ yokwisi morapmisi agit yaŋ yaŋek gen yaŋ imŋwit. Mani gen uŋun bami mini isalsi yaŋ imŋwit.

<sup>8</sup>Yaŋba Pol da yaŋ yoyigit, “Nak Juda amin da gen tebanon gulusuŋ kinda dima agim. Ae Telagi Yut Madep do bo ae Sisa do gulusuŋ kinda dima agim.”

<sup>9</sup>Yaŋban Pestus uŋun Juda amin da but galak nandanŋ imni do aŋek Pol yaŋ iyigit, “Gak Jerusalem wigi nak da inŋamon agaki gen on yaŋ gameŋ uŋudon nandakenŋ do tagi nandisal?”

<sup>l</sup> 25.2 Ya 24.1    <sup>m</sup> 25.3 Ya 23.15    <sup>n</sup> 25.7 Ya 24.5-6



<sup>10</sup>Yaṅban Pol da yaṅ iyigit, “Nak Sisa dakon gen kokwin amin kabikon akdat. Idon gin gen yaṅ namgwit dakon geni nandagi. Nak Juda aminon gulusuṅ kinda dima agim unun gaga pakyaṅsi nandisal. <sup>11</sup>Nak si kimokgeṅ da aripmon suṅ kinda agim kaṅ, tagi nikba kimokgeṅ. Mani top yaṅek gen pikon nepgwit kaṅ, amin kinda da nak Juda amin da kisiron dimasi nepjak. Rom dakon kila amin madep Sisa dagin geno nandisak do nandisat.”

<sup>12</sup>Yaṅban Pestus nandaṅ kokwin amin kabini gat gen yaṅek unun da kwenen yaṅ iyigit, “Gak Sisa da gengo nandisak do yal, do Sisakon kikdisal.”

### **Pestus da kila amin madep Agripa Pol do iyigit**

<sup>13</sup>Gildat kabi di egi mudajeṅ kila amin madep Agripa gat sami Benaisi gat Pestus kok do Sisaria kokupmon opgumal. Obiṅek but galak gen iyineṅ pi tamo on abidagil unun do nandando tagisi asak yaṅ iyigimal. <sup>14</sup>°Sisaria gildat morapmi egipgumal do Pestus da Pol dakon geni amin madep iyineṅ yagit, “Peliks da amin kinda dam tebanon yipgut da egisak. <sup>15</sup>Nak Jerusalem wigigim bisapmon Juda amin dakon mukwa sogok amin dakon amin madep kabini gat, ae kila amini gat da unun amin gen yaṅ imgwit. Yaṅ imiṅek suṅ agit dakon kobogi nak da yaṅ dagok aṅapbo kobogi yokwi abidosak do yawit. <sup>16</sup>Yaṅba yoyigim, ‘Rom amin ninon gen teban kinda yaṅ tosok. Amin kinda da amin kinda gen yaṅ imjak kaṅ, amin unun da geni yaṅ imjak amin da iṅamon agek gen yaṅ iban kobogi tagi yosak. Yaṅ aban asi yo yokwi kinda agit kaṅ, kobogi do yo yokwi tagi aṅ imimi. Yaṅ dima ani kaṅ, Rom nin dakon gen teban yapmaṅgaṅ.’

<sup>17</sup>“Nak idon opgum bisapmon gen yaṅ imgwit amin nak gat kisi opgumaṅ. Obiṅek nak bisap noknok dima agim. Pakgimaṅ da wisa dagokdo gen pi yutnon yigek unun amin aṅopni do yoyigim. <sup>18</sup>Aṅobiṅakwa gen yaṅ imgwit amin da pidaṅ agek yo yokwisi kinda agit do bo yaṅ imdaṅ yaṅ nandagim. Mani dima. <sup>19</sup>Yum yo bamori dogin gen emat awit. Kinda unun iyi Piṅkop aṅpak niaṅsi aṅek gawak imaṅ unun do yawit, ae kinda unun amin kinda kimakgit mani Yesu do gen emat awit. Mani Pol da Yesu unun pidagit da egisak yaṅ yosok. <sup>20</sup>Nak gen unun dakon mibili nandako dima pisagit do niaṅon da gen kokwin kilegi abeṅ yaṅ do aṅtidok agim. Do Pol yaṅ iyigim, ‘Gak Jerusalem wigi nak da iṅamon agaki gen on yaṅ gameṅ unudon nandakeṅ do tagi nandisal?’

<sup>21</sup>“Yaṅ iyiko Pol yaṅ yagit, ‘Nak Sisa da geno nandisak do nandisat. Do idon dam tebanon egapbo don nepbi Sisakon kikeṅ.’ Yaṅ yagit do dam tebanon sigin egipjak do yaṅ dagagim. Unudon egakwan Sisakon kigik dakon kosit aṅnoman aṅek don yipbo kisak.”

<sup>22</sup> Agripa da gen unun nandaŋek Pestus yaŋ iyigit, “Nak da naga unun amin dakon geni nandakeŋ do nandisat.”

Yaŋban Pestus da kobogi yaŋ iyigit, “Aŋwa yaŋakwan nandakdisal.”

<sup>23</sup> Gildat kinda do Agripa gat Benaisi gat kila amin madep imalni tagisi paŋek opgumal. Opbal emat amin dakon mibiltok amin madep gat, ae kokup pap unun dakon mibiltok amin gat kisi muwut muwut yutnon wigiwit. Aŋakwa Pestus da Pol yaŋ iban wigit. <sup>24</sup> Wiŋakwan Pestus da yaŋ yagit, “Kila amin madep Agripa, gat ae amin morap on muwamaŋ ji on amin do koni. Juda miŋat amin morapyo Jerusalem ekwaŋ ae idon ekwaŋ kisi da on amin gen yaŋ imgwit. Aŋek madepsi yaŋ tidaŋek unun amin dimasi egipjak, nak da si aŋakgo kimotjak do nayiwit. <sup>25</sup> Mani nak da gulusuŋ kinda si kimotjak da aripmon dima agit kagim. Ae iyi Sisa da geni nandisak do yagit, do nak da yaŋ mudan ibo Sisakon kikdisak. <sup>26-27</sup> Mani ni gen bami kinda naŋ mandan yipbo amin madepninon kisak unun dima nandako pisolok. Dam tebanon amin kinda yipbo kinakwan gen yaŋ imgwit dakon but piso gen kinda gat dima yipbo kisak kaŋ unun tagi dima. Do kila amin madep Agripa, gak ae amin kabi ji kisi da on amin dakon mibili nandani do aŋek muwamaŋ. Mibili ni pakyansu nandano pisaŋakwan gen bami papiakon tagi mandakeŋ.”

### Pol Agripa da inamon gen yagit

**26** <sup>1</sup> Agripa da Pol yaŋ iyigit, “Bikbik gabo gaga do gen ya.”

Iyiban mirak yopni do Pol kisiri aŋenagek iyi kutnok do gen yaŋ yagit, <sup>2-3</sup> “Kila amin madep Agripa, gak Juda amin nin dakon aŋpak unun pakyansu nandisal, ae pidok pidok mibili nido amaŋ unun kisi nandan mudosol. Do Juda amin da gen yaŋ namiŋakwa nak naga aŋkutnok do gen kobogi gak da inamon yok do tagisi nandisat. Butgo yawori taŋakwan yigek gen morap gayikdisat unun pakyansu nandaki.

<sup>4</sup> “Juda amin morap kisi da nak pakyansu nandan namaŋ. Nak moniŋisogon miŋtimnokon yawi diwatno gat egapno nandan namgwit. Ae unudon gin dima, don Jerusalem paŋki egipgum bisapmon kisi nandan namgwit. <sup>5</sup> <sup>P</sup> Nak dakon mibilno unun da kilisi nandan namgwit, do iyi gayik do nandan kaŋ tagi gayini. Nak monji bilagi egipgumon da wasaŋek Parisi amin kinda egipgum. Parisi amin dakon gen tebani unun morapmisi. Juda amin kabi diwari dakon gen tebani yapmaŋek unun dakon jigisi. Gen teban morap unun guramiŋgim. <sup>6</sup> <sup>Q</sup> Gen pikon nepgwit dakon mibili unun yaŋ. Piŋkop da babiknin do yo ak do yaŋ teban tagit unun asi altokdisak yaŋ nandan teban tosot. <sup>7</sup> Juda amin nin dakon amin kabi 12 unun kalbi ae gildari Piŋkop gawak imamaŋ. Yaŋ aŋek yo unun asi altokdisak yaŋ nandan teban taŋek ekwamaŋ. Kila amin madep, nak

kisi unun dogin nandan teban tanej egisat. On gen dogin Juda amin da gen pikon nepgwit. <sup>8</sup> Amin diwari ji nido Pinjkop da amin kimakbi aripmi dima paban pidokdan yan nandan?

<sup>9</sup> “Kalip nakyo kisi Yesu Nasaret amin dakon man abin yip do pi madepsi aben yansi nandagim. <sup>10</sup> Jerusalem kokup papmon pi yansi agim. Mukwa sogok amin dakon amin madep kabi da yan mudan naminakwa Yesu dakon telagi minjat amin kabi morapmi dam tebanon yopgum. Ae si dapba kimotni do gen yan anteban awiron nakyo kisi da si dapba kimotni do yagim. <sup>11</sup> Bisap morapmi Juda amin dakon muwut muwut yut tawiron agek unun amin Yesu manji imni do pi madepsi agim. Nak butjap madepsi nandan yominek yo yokwisi an yober do kokup pap dubagikon kisi yol panjigim.

### Pol da iyi Yesu nandan gadan imgut do iyigit

(Ya 9.3-19; 22.6-16)

<sup>12</sup> “Bisap kindakon mukwa sogok amin dakon amin madep kabi da yan mudan naba Damaskus kigim. <sup>13</sup> Kila amin madep, nak yansi gayisat, gildat binap 12 kilok da tilagon kosiron kinjapbo tenjeni madep kind Kwen Kokup da pinban kagim. Tenjeni unun tapmimi tonji tenjenagit. Gildat dakon tenjeni yapgut. Tenjeni unun nak ae amin agipguman ninon yamgut. <sup>14</sup> Anej tenjenan niban nin kisi miktimon manpak mudagiman. Man pagek nandanjapbo Ibru genon da gen kinda yan nandagim, ‘Sol, gak nido nak anjupbal ak do pi asal? Gak nak dakon galaktok yol do kurak tanej gaga nan tepmi imisal.’

<sup>15</sup> “Yan nayinban yagim, ‘Amin Tagi gak namin?’

“Yan yoko Amin Tagi da yagit, ‘Nak Yesu. Nak nan anjupbal ak do pi asal. <sup>16</sup> Gak pidan at. Gak nak dakon oman aki do anej manjin gep do alta gamisat. Gak abisok yo pindakdal, ae yo don goliko pindatgi unun dakon yan tenjenok abi do manjin gepmandat. <sup>17</sup> Nak da gak anjutanjapbo gaga dakon amin kabi ae Amin Ijawkwaru Kabi da gak dima anjupbal ani. Gak yabekgo Amin Ijawkwaru Kabikon kin <sup>18</sup> ‘but dabilni pabi pisoni. Pabi pisanek pilin tuk manji iminek but tobil anej tenjenikon apni. Abinek Sunduk dakon tapmimon da pulugan kinj Pinjkopmon apni. Anej nak nandan gadan naminakwa diwarini wiririk yobo telagi minjat amin kabinokon sanjeni.’ ”

### Pol Pinjkop dakon pi agit unun do iyigit

<sup>19</sup> Pol sanjenek yan yagit, “Kila amin madep Agripa, nak Kwen Kokup dakon yo unun kanjek geni dima kirinjigim. <sup>20</sup> Damaskus da wasanek Jerusalem ae Judia miktim kisi, ae Amin Ijawkwaru Kabikon agek Pinjkop dakon gen yoyin

r 26.9 Ya 8.3 s 26.18 Ais 42.16; Ep 2.2; Kol 1.13

tenjeranek yan yagim, 'Ji but tobil anek Pin kop nandan gadan imni. Yan anek asi but tobil ayin yan amin da dandani do anpak kilegisi ani.' <sup>21</sup> Gen unun yanapbo Juda amin da Telagi Yut Madepmon abidanek nikba kimokgen do pini awit. <sup>22</sup> Mani Pin kop da anpuluganakwan egi anan wigim da abisok egisat. Yan agit do abisok idon agek amin isali ae amin madep ji do gen on yan tenjerjosot. Gen on kalipsisgwan kombi amin gat ae Moses gat da yo don altoni do yawit unun banjin yosot. <sup>23</sup> Yan yawit, 'Kristo unun tepmi panek don kimoron da wasok wasok pidot pidot amin egipjak. Anek Israel aminon ae Amin Ijwakjwari Kabikon kwan Pin kop dakon Gen Bin Tagisi dakon tenjerji do yan tenjerjosak.' "

### Pol da Agripa but tobil asak do iyigit

<sup>24</sup> Pol gen sigin yanakwan, Pestus da madepsi yan tidanek yagit, "Pol gak but upbal al. Nandak nandak kalugi timit do pi morapmisi abi unun da nandak nandakgo anupbal ak."

<sup>25</sup> Yanban Pol da yagit, "Kila amin madep Pestus, nak but upbal dima asat. Nandak nandakno tagisi tanakwan gen bami yosot. <sup>26</sup> Unun yo morap unun nomansi altañ mudawit, do kila amin madep Agripa da gen morap yosot unun kisi nandan mudosok. Unun do anek pasol pasoli mini nomansi iyisat. <sup>27</sup> Kila amin madep Agripa, gak kombi amin dakon gen nandan teban tosol yan nandisat."

<sup>28</sup> Yanban Agripa da Pol yan iyigit, "Bisap pisipmisok gen nayinbi Kristo Dakon Amin kinda dagoken yan nandisat, ma?"

<sup>29</sup> Yanban Pol da kobogi yan iyigit, "Bisap pisipmi bo dubagi egek but tobil ani unun da yo madep dima asak. Gak ae on amin kabi abisok nak dakon gen nandan, ji kisi nak yombem gin ani do Pin kop bisit iyisat. Mani on nap teban kisit jikon pan teban ani do dima galak tosot."

<sup>30</sup> Pol yan yanban kila amin madep, ae gapman dakon mibiltok amin madep, ae Benaisi, ae amin diwari amin madep gat yikgwit unun kisi pidan akgwit. <sup>31</sup> Pidan agek yut unun yipman degek notni yoyin yoyin anek yawit, "On amin si kimotjak bo ae dam tebanon egipjak da aripmon gulusun kinda dima agit."

<sup>32</sup> Yan yanakwa Agripa da Pestus yan iyigit, "On amin yipbi isal tagi kigigi, mani iyi Sisa da geni nandisak do yagit, do Sisakon yipno kisak."

### Pol Rom kigit

(Kilapmi 27–28)

#### Pol Rom kisak do tap wakgakon yipgwit

**27** <sup>1</sup> Nin tap wakga abidanek Itali miktimon kinen do yan an teban awit. Anek Pol gat ae dam tebanon amin di gat timik emat amin

<sup>t</sup> 26.23 Lk 24.44-47; 1Ko 15.20

100 dakon kila amin da kisiron yopgwit. Kila amin unun mani Julius. Unun Sisa Dakon Emat Amin Kabikon nani kinda. <sup>2</sup>“Nin kokup pap Adametium dakon tap wakga kindakon wigigimanj. Tap wakga unun Asia miktim dakon kokup pap diwari toŋ unudon kik do agit. Aristakus, kokupni Tesalonaika, unun nin gat kisi kigimanj. Provinsni unun Masadonia.

<sup>3</sup>Agapno wisa daganban Saidon kokupmon paŋki akgimanj. Unudon Julius da Pol do nandaban tagi agit do yaŋ iyigit, “Gak kwi notgoni da yo nido wadasal unun tagi aŋpulugoni.” <sup>4</sup>Unun kokup yipmanj dek kiŋapno mirim dambi da apgut do Saiprus miktim tim tap binap tosoŋ unun da yonŋam aŋakwan nin unun tetgin da kigimanj. <sup>5</sup>Kiŋek Silisia ae Pampilia Provins bamot yapmaŋek tap binap mandaneŋ kokup pap Maira unudon kiŋ altagimanj. Maira unun Lisia Provinskon tosoŋ. <sup>6</sup>Unun kokup papmon Julius da tap wakga ŋwakŋwari kinda aŋalon agit. Tap wakga unun kokup pap Aleksandria dakon tap wakga kinda. Unun tap wakga Itali kik do agit do nin unudon wigigimanj.

<sup>7</sup>Wigino mirim unun dambi da apgut do tap wakga unun yaworisi agegakwan gildat kabi di mudawit. Nin si aŋtidok aŋek don kokup pap Nidas aŋkwaŋ agimanj. Mirim dambi da sigin abiŋakwan tap wakga aŋtoŋbilno miktim timjok kinda tap binap tosoŋ unun mani Krit unun da aŋyonŋam aŋakwan mirim dima agit tetgin da kigimanj. Kiŋek Krit dakon miktim tomni diwat kinda yipban tap kaga kigit mani Salmone unun da kapmatjok da yapmaŋek kigimanj. <sup>8</sup>Tap wakga dakon kila amin pi madepsi aŋakwa Krit dakon tap kidipmiŋ naŋ yolek kigimanj. Kiŋ don kokup kinda mani Tap Waga Tamo Tagisi unudon kiŋ altagimanj. Kokup unun kokup pap Lasia da kapmatjok tosoŋ.

<sup>9</sup>Nin yaworisi agek bisap madepsi nagimanj. Aŋek Juda amin da Piŋkop do nandaneŋ jap keleŋ ekwaŋ bisap madepni unun kili yapmak, do mirim sikakyo da tap pakbi aŋupbal akdisak yaŋ nandaneŋ Pol da yaŋ yagit, <sup>10</sup>“Amin morap, gen dayisat unun pakyansu nandani. Nin kiŋapno bisap yokwisi kinda noman taŋ nimdisak. Aŋakwan yik gat ae tap wakga gat ae nin gat kisi mudokdamaŋ.” <sup>11</sup>Mani emat amin 100 dakon kila amin Pol da gen unun yagit do nandaban yo isali aŋakwan tap wakga abidok amin gat ae tap wakga dakon ami gat dakon nandak nandakni yolgit. <sup>12</sup>Ais bisapmon tap wakga unun tamokon tagi dima paŋki aŋkaŋ. Do amin morapmi da but kaloŋ aŋek yum Piniks kokup papmon paŋki egip do aŋkilik koneŋ yaŋ nandawit. Unudon ais bisapmon tagi egipneŋ yaŋ nandawit. Piniks unun Krit miktimon saut tet do tosoŋ, ae unudon da gildat pigisak tetgin do noman tagi kokogi. Piniks unun Krit dakon tap wakga paŋki aŋkaŋ tamo kinda. Unudon mirim madep dima asak.

---

<sup>u</sup> 27.2 Ya 19.29

### Mirim madepsi agit

<sup>13</sup>Mirim saut tet da yawori aņakwan Piniks tagi kineņ yaņ nandawit. Yaņ nandawit do kirat madep tap wakga abidanban akgaņ uņun ilikba wiņban Krit da tap kidipmiņ naņ yolek kigimaņ. <sup>14</sup>Mani bisap dubak dima agapno mirim madepsi tapmimi toņ kinda apgut. Mani uņun Nod Tet Mirim yaņ yoņ. Uņun mirim da Krit miktim timon da apgut. <sup>15</sup>Abiņ tap wakga tebaisi tidanbakwan nin sigin kik do aņtidok agimaņ, do tap wakga yum kono mirim da iyi awilgit. <sup>16</sup>Aņakwan nin kiņ miktim timjok kinda tap binap tosok mani Kauda uņun da manjikon da kigimaņ. Uņun da yoņgam timi di agit do nin pi madepsi aņek bot moniņ abisino buņon nolgit uņun ilitno apgut. <sup>17</sup>Apban tap wakga dakon pi monji da ilikba tap wakgakon wiņban tebaisi aņteban awit. Yaņ aņek nap teban yopba tap wakga da mibilgwan pukwa tap wakga dima tuwil kisak do wamaņ paņteban awit. Ae Aprika miktim uņun da kapmatjok niman tim yokwi kinda tosok mani Sitis uņudon tap wakga da kiņ teban tosak yaņ do pasol pasol awit. Yaņ awit do tap wakga dakon imal ilikba piņba yum kaņakwa mirim da tap wakga awilgit. <sup>18</sup>Mirim gat tap gat da nin tebaisi ukwayikgimal, do wisa dagokdo tap wakga dakon pi monji da yik morap maba tap kaga piņi mudawit. <sup>19</sup>Aņek gildat kinda do tap wakga dakon pi monji da tap wakga dakon yoni diwari maba piņiwit. <sup>20</sup>Mirim sikakyo madepsi da dagok dagogi mini aņakwan gildat morapmi agipgumaņon gildat dabil gat ae gik gat dima pindakgimaņ. Ae nin pulugaņ kineņ yaņ kinda dima nandagimaņ. Nin kisisi pasildamaņ yaņ nandagimaņ.

<sup>21</sup>Gildat morapmi jap dima naņek agipgwit. Don Pol da binapnikon agek yaņ yoyigit, "Amin kabi, ji nak dakon gen guramikba Krit miktim timon si egipgumaņ tam, tap wakga dima yokwi taņban, ae yo morap dima pasilbam. <sup>22</sup>Mani abisok yaņ dayisat, nin kabikon kinda dima pasildisak. Tap wakga dagin wagil tasik tokdisak, do ji but pasol dima ani. <sup>23</sup>Nak Piņkop gawak imisat. Nak uņun dakon amin. Uņun dakon aņelo kinda da kalbi abiņ nak da kapmatjok agek <sup>24</sup>'yaņsi nayik, 'Pol, gak dima pasolgi. Asisi gak kiņ Sisa da iņamon atdisal. Nandaki, gak dakon bisit Piņkop da kili nandak, do amin morap gak gat tap wakgakon ekwaņ uņun dima pasildaņ.' <sup>25</sup>Piņkop dakon aņeloni da yaņ nayik, do ji dima pasolni. Piņkop top dima yosok. Gen nayik uņun yaņsi altanban kokdamaņ. <sup>26</sup>'Yum kaņapno mirim da tap wakganin awil aņki miktim tim kinda tap binap tosok uņudon yipban tegaņ atdisak."

<sup>27</sup>Nin gildat 14 non Tap Adia uņudon agek uņun kalbi binap 12 kilok tap wakga dakon pi monji da nin miktim tim kindakon abiņ aņkapmat amaņ yaņ nandawit. <sup>28</sup>Yaņ nandaņek tap pakbi ilari bo ae kwen yaņ

kok do tilak yipba pigi 40 mita abidagit. Yan kajek ae timisok di gat kin tilak aeni yipba pigi 30 mita abidagit. <sup>29</sup>Yan kajek tap wakga kin tipmon tidanban wagil tuwil kisak yan do si pasalgwit, do tap wakga da bunjikon kirat madep tap wakga abidanban akgan 4 kabi yopba pigiwit. Yan ajek wisa tepmi dagosak do bisit pi awit. <sup>30</sup>Tap wakga dakon pi monji unun nian ajek tap wakga tayanok yipman degek giptimnin panjknonej yan do kosit wusik awit. Do bot monji witalba pigakwan kirat madep tap wakga abidanban akgan unun tomnikon da yopno pigini yan top yoyiwit. <sup>31</sup>Anakwa Pol da emat amin 100 dakon kila amin gat ae emat amini gat yan yoyigit, “On amin kabi tap wakgakon dima egipni kan, ji kisi pasildan.” <sup>32</sup>Yanban emat amin da bot monji anteban awit nap unun mandan daganban tap da anan kigit.

<sup>33</sup>Wisawisa do Pol da amin morap jap noni do yan yoyigit, “Bisap dubak butji tagi dima tanakwa jap dima nawit. Isalsi agakwa gildat 14 mudak. <sup>34</sup>Yan do, ji jap si noni dosi dayisat. Nanba unun da ji panjeban asak. Ji dimasi pasildan. Ae busun dangwanjisok kinda dimasi pasildisak.” <sup>35</sup>Gen unun yan mudanek bret abidan amin morap da dabilon Pinjkop ya yan iyinek bret pudanek nagit. <sup>36</sup>Yan aban amin morap kisi dakon but tagisi anakwa kisi da jap nawit. <sup>37</sup>Nin morap kisi 276 yan da tap wakgakon agipguman. <sup>38</sup>Jap aripnion nanek tap wakga tagap tosak yan do wit maba tap kagagwan pigiwit.

### Tap wakga tuwil kigit

<sup>39</sup>Wisa daganakwan tap wakga dakon pi monji da miktim unun kajek ni miktimon abiman unun dima nandaba pisagit. Mani tap wakga da panji atjak tamo nimani ton tagisi kinda kawit. Yan kajek nin unudon panji atnej kan tagisi yan nandawit. <sup>40</sup>Yan nandawit do kirat madep tap wakga abidanban akgan unun dakon napni mandan daganba tap kagagwan tawit. Yan ajek unudon gin tap wakga antobilakwa agisak dakon kindap kwik dakon napni witalgwit. Ajek mirim da tap wakga pisonban kisak do imal ilikba kwen wigigit. Yan anakwa tap wakga unun tap kidipmin tetgin kigit. <sup>41</sup>Mani tap wakga niman madep kinda tap binap tagit unudon wukwan abidagit. Tap wakga dakon tomno nimanon tebaisi teganek tagit. Yan anakwan tap da tap wakga dakon bunji tidan tuwilgit.

<sup>42</sup>Emat amin da dam tebanon amin pakbi pudanek wagil kikan yan nandanek si dapba kimotni do nandawit. <sup>43</sup>Mani emat amin 100 dakon kila amin da Pol anjknanej dima dapba kimotni do nandagit, do dima dapni do emat amin yansop anyomgut. Ajek tap pudan nandan amin tap pakbigwan manek unun da kalip ilenon wigini do yoyigit. <sup>44</sup>Anakwa amin diwari kindap diwat ae tap wakga dakon diwat ban timigek ilenikon wigini do yoyigit. Yoyinban yan gin ajek nin kisin ilenikon tagisi wigiman. Amin kinda dima pasilgit.

**Pol Malta miktim timon egipgut**

**28** <sup>1</sup>Nin ilenikon tagisi wigigimanj. Wigek miktim timjok kinda tap binap tosok unun mani Malta unudon obimanj yanj kokup amin da niyinjba nandagimanj. <sup>2\*</sup>Unun kokupmon amin da nin do anjak tagisi anningwit. Sikak manjek kokup mirimisi agit do kindap panj sojek unudon kindap alinej do niyiwit. <sup>3</sup>Pol kilan kilan di panjmuwuk kindapmon sojakwan tunon amin emari tonj kinda kindap tedep da yolban wigit. Wijn Pol da kisiron injinek geni duban pigakwan tegañ tagit. <sup>4</sup>Unun kokupmon amin da kanjba Pol da kisiron tunon amin unun telinj telinj aban kawit. Yanj kanjek iyi gin notni yoyinj yoyinj anjek yawit, “Koni, on amin unun amin kinda anjakban kimakgit. Tap kaga pigi dima kunjwak, mani abisok kobogi yomyom pinjkop da dima egipjak do nandisak, do kobogi imisak.” <sup>5</sup>Mani Pol da tunon amin unun pambalikban kindapmon manjakwan Pol da giptimon yo kinda dima noman tanj imgut. <sup>6\*</sup>Amin giptimi pap tosak bo ae unudon gin manj pagek kimotjak yanj nandawit. Mani bisap dubagi egi kanjba Pol da giptimon yo kinda dima altanj imgut yanj kanjek nandak nandakni kulabik anjek yawit, “On amin unun pinjkop kinda.”

<sup>7</sup>Kindap soñ aligimanj da kapmatjok Malta dakon kila amin madepni dakon yoma unudon tosok. Kila amin unun mani Publius. Unun amin da nin timik yutnikon panji gildat kapbi kilanin tagisi agit. <sup>8</sup>Publius dakon datni unun sot anjek giptimi kindapmi sojakwan pakgit. Ae kok ilityo kisi agit, do Pol unun kok do wigek bisit anj iminj mudanjek kisitni kwenikon wutjinek anjmilip agit. <sup>9</sup>Yanj aban unun miktim timon sot amin diwari kisisi apba panjmilip agit. <sup>10</sup>Nin do nandaba wukwan nimejek but galak do yo morapmi nimgwit. Ae tap wakga abidok do agimanj bisapmon kosit agek nanj panjo anej do yo unun tap wakgakon yopgwit.

**Pol Rom kinj altagit**

<sup>11</sup>Nin Malta miktim timon kanek kapbi egipgumanj. Egek don tap wakga kinda abidanjek kosit wasagimanj. Unun tap wakga ais bisapmon unudon panjabinj akgit. Tap wakga unun Aleksandria kokup pap dakon. Tomnikon kokup kidat Sus dakon monji bamotni unun yayat dakon wupmi pasinj yopbi. <sup>12</sup>Nin tap wakga abidanjek kokup pap Sirakus kinj gildat kapbi unudon egipgumanj. <sup>13</sup>Egek don Sirakus yipmanj degek Regium kokupmon kinj altagimanj. Unudon pakgimanj da wisa dagokdo mirim saut tet da apgut do nin Regium yipmanj dekgimanj. Yipmanj degek gildat kinda do nin Puteoli kokupmon kinj altagimanj. <sup>14</sup>Unun kokupmon Yesu nandanj gadanj imgwit amin di pindakgimanj. Pindatno

x 28.2 2Ko 11.27 y 28.5 Mk 16.18 z 28.6 Ya 14.11



uŋun da Sonda kinda nin gat egipnerŋ do niyiwit. Do uŋun gat egek don miŋtim kosit Rom kokup papmon kigimaŋ. <sup>15</sup>Kiŋapno Rom amin diwari Yesu nandaŋ gadaŋ imgwit amin da nin abamaŋ yaŋ nandaŋek nin timit do kosiron apgwit. Apba kokup kinda mani Apius Maket uŋudon nin amin diwari gat domdom agimaŋ. Ae diwari kokup kinda mani Yumaŋ Naŋek Pokgoŋ Yut Kapbi uŋudon pindakgimaŋ. Pindagek Pol tapmim paŋek Piŋkop ya yaŋ iyigit. <sup>16</sup>Nin Rom piŋino Pol iyi gin yut kindakon egakwan emat amin kinda da kilani aban egipjil do yawit.

### Pol da Gen Bin Tagisi Rom yagit

<sup>17</sup>Pol gildat kapbi egek Juda amin dakon kila amin yaŋ yoba apgwit. Abiŋ muwugakwa yaŋ yoyigit, “Not kabi, nak nin dakon amin kabi bo ae babiknin dakon aŋpak pabiŋ yop do aŋek yo yokwi kinda dima agim. Mani amin da nak Jerusalem abidaŋ Rom amin da kisiron nepgwit. <sup>18</sup>“Nepba Rom amin da gen morapmi nayiŋba geno nandaba gulusuŋ kinda si nikba kimokgeŋ da arip dima agim kawit. Yaŋ kawit do isal nepba kikeŋ do nandawit. <sup>19</sup>“Mani Juda amin da yaŋ do dima galak tawit. Yaŋ awit do Sisa daŋin geno nandisak do yagim. Mani nak naga dakon amin kabino gen pikon yopbeŋ yaŋon da dima agim. <sup>20</sup>“Mibili niaŋon da on nap teban kisitnokon yipgwit uŋun dayik do aŋek yaŋ dabo abeŋ. Israel amin da Mesaia apdisak yaŋ nandaŋ teban toŋ. Uŋun Mesaia kili apgut yaŋsi nandisat. Yaŋ do aŋek dam tebanon egisat.”

<sup>21</sup>Yaŋ yaŋban iyiwit, “Gak dakon gen Juda amin di da papiakon mandaŋ yipba apban dima kagimaŋ. Ae Juda amin kinda da Judia miŋtim da idon abiŋek gak do gen yokwi kinda dima niyiŋban nandagimaŋ. <sup>22</sup>“Mani kokupmi kokupmi amin da Juda amin nin da bikbiŋon amin kabi kinda nandaŋ gadat ŋwakŋwari kinda awit uŋun do gen yokwi yaŋ yoba nandamaŋ, do gaga dakon nandak nandak niyiŋbi nandanerŋ do nandamaŋ.”

<sup>23</sup>Yaŋ yaŋek bisap kinda yipmaŋek don uŋun bisap yipgwiron Pol da yut egipguron amin morapmi uŋudon apgwit. Apba wisa dagokdo da wigi pilin tuk aŋakwan Pol da Piŋkop da Amin Kila Asak dakon geni yoyiŋ teŋteŋaŋ yomgut. Yaŋ aŋek Moses da gen tebanon, ae kombi amin da papiakon gen toŋ uŋun baŋ yoyiŋek Yesu nandaŋ gadaŋ imni do pi madepsi agit. <sup>24</sup>Yaŋban di da Pol da gen yagit do nandaba bami agit, ae diwari da nandaŋ gadat ak do dima galak tawit. <sup>25</sup>Do iyi gin gen emat aŋek si kiwit. Mani dima kiŋakwa Pol da mibi gen kinda yaŋ yoyigit, “Telagi Wup da kombi amin Aisaia aŋtagap aban babikji do gen bamisi kinda yaŋ yoyigit:

a 28.18 Ya 26.31   b 28.19 Ya 25.11   c 28.20 Ya 26.6-7   d 28.22 Ya 24.14

26 <sup>e</sup> ‘Gak kiŋ on amin kabi yaŋ yoyiki: Ji bisap morapmisi gen nandakdaŋ, mani mibili dima nandaba pisokdisak. Ji bisap morapmisi siŋtaŋek kokdaŋ, mani dima kaŋ nandaŋyo akdaŋ.

27 Uŋun do aŋek on amin nandak nandak kositni kili sogwit. Ae gen kalugi di gat nandak do kurak taŋek mirakni paŋ sogwit ae dabilni wamaŋ sogwit. Yaŋ dima awit tam, dabilni ae mirakni ae butniyo da kaŋ nandaŋyo aba piŋaŋban nagon tobilba nak da paŋmilip abom.’ ”

28-29 Pol saŋbeŋek yaŋ yagit, “Uŋun do ji nandani, Piŋkop da amin yokwikon baŋ timitjak dakon geni Amin ŋwakaŋwari Kabikon kwan uŋun da mirak yopmaŋek nandakdaŋ.” 30 Pol da yut uŋun egipgut uŋun si yumaŋ naŋ naŋ aŋek bilak bamori egipgut. Egakwan amin da yutnikon abiŋ abiŋ aŋakwa nandaban tagisi agit. 31 Aŋek Piŋkop da Amin Kila Asak dakon geni yoyiŋ teŋteŋaŋek Amin Tagi Yesu Kristo do yoyiŋ dekgit. Gen yaŋ teŋteŋok do dima pasalgit. Ae amin kinda da yaŋ sop dima aŋ imgut.